

Ñ'oom cantyja 'naaⁿ' Jesucristo na seiljeii Juan

Juu na cwiluiiñe ñ'oom' Ty'oots'om tuiiñê na ts'aⁿ jom

¹ Xjeⁿ na to^l Ty'oots'om na tqueenⁿ cha'tso, juu na cwiluiiñe ñ'oom'm maxjeⁿ m'aaⁿ ñ'eⁿñê. Ndo' cha'tso na cwiluiiñe mati juu candaq^añ'eⁿ cwiluiiñe. ² Juu na cwiluiiñe ñ'oom' Ty'oots'om m'aaⁿ ñ'eⁿñê xjeⁿ na jna'ndyeecheⁿna'. ³ Cha'tso na maniom na tqueenⁿ Ty'oots'om, ñ'eeⁿ quia tqueⁿna joona'. Cwii cwii nnom na maniom, ñequii'chenⁿ na ñ'eeⁿ na tqueⁿna jo'. ⁴ Tseixmaⁿ cheⁿqueⁿ na ticantycwii na wanoom'm. Juu jo' na matseixmaaⁿ matseijomna' cha'cwijom chom na matseixueeñena' ndaq^a nn'aⁿ. ⁵ Juu naxuee na matseixmaaⁿ, matseicanooⁿna' cha'tso na cwi'oo nacjoo' Ty'oots'om. Saq^a cha'tso joo jo' tîcandaq^a nlqueⁿna' xjeⁿ 'naaⁿna' jom.

⁶ Tyom'aaⁿ cwii tsan's'a na jñom Ty'oots'om na m'aⁿ nn'aⁿ judíos. Juan jndyu tsan'ñeeⁿ. ⁷ Jñoom na ty'iom Ty'oots'om ts'iaaⁿ jom na nncwjil'yuu'ñê cantyja 'naaⁿ' Cristo na cwiluiiñe naxueeñe, ty-och'eeⁿ na ljo' cha cha'tsondye nn'aⁿ ñ'eⁿ Cristo nla'yu'na. ⁸ Nchii nqueⁿ cwiluiiñe naxueeñe saq^a jñoom na nncwjil'yuu'ñê cantyja 'naaⁿ' juu na cwiluiiñe naxueeñe. ⁹ Cristo cwiluiiñe naxueeñe na mayuu'chenⁿ, tuiiñê tsjoomnancue. Jom mañequiaaⁿ naxuee nnom ticwii cwii ts'aⁿ.

10 Nquii na cwiluiiñe ñ'oom' Ty'oots'om, tyom'aaññe tsjoomnancue, saq meiiⁿ na jom tqueeⁿ juuna', maxjeⁿ ticala'noⁿ nn'aⁿ 'ñeeⁿ cwiluiiñe. **11** Tyje'cañoom nn'aⁿ judíos na mañecwii ndyuaana ñ'eññe, saq tícato'ñoomna jom. **12** Saa nt'omndye joona to'ñoomna jom, ndo' tyola'y'u'na ñ'eññe. Ndaq joona tquiaaⁿ na cwila'xmaⁿna ntseinda Ty'oots'om. **13** Nchii cwiluiindyena ntseinaaⁿ cha'xjen na cwiluiindyena nda nn'aⁿ. Meiⁿ nchii cwiluiindyena ntseinaaⁿ ee na queeny'a ts'om cwii ts'aⁿ. Tomti maqueⁿna' joona ntseinaaⁿ ee nqueⁿ l'ue ts'oom.

14 Nquii na cwiluiiñe ñ'oom' Ty'oots'om tuiiñe na ts'aⁿ, tyom'aaññe quii'ntaaⁿna. Candaq'ya m'aaⁿ na candya' ts'om nn'aⁿ, ndo' cwiluiiñe na mayuu'. Nty'iaandaqayâ quia seit'maaⁿññe Ty'oots'om juu. Quia tuii na ljo' saaliuuyâ na ñenquii cwiluiiñe Jnda Ty'oots'om. **15** Juan'ñeeⁿ tyocwji'yuu'ññe cantyja 'naaⁿ juu quia seiweeⁿ jñeeⁿ ndaq nn'aⁿ. Tsoom:

—Nquiui'yo' na jndq ñetsjoo na 'io cha nleitquioo'ññe cwii ts'aⁿ quii'ntaaⁿyo' na meinchjoo tic'oom'na' ja ñ'eññe, ee maxjeⁿ m'aaⁿ cwii tjoocheⁿ na nluiindyo. Manquii ts'aⁿ na mandyowindyoo' luua' jo'.

16 Jom candaq'ñ'en naya matseixmaaⁿ. Cantyja 'naaⁿ jo' matio'naaññe Ty'oots'om cha'tsondyo. Cwii nnom na jndq to'ñooⁿya na matio'naaⁿññe jaa, jndq mañoomcheⁿ na cwito'ñooⁿya. **17** L'o Moisés tquiaa Ty'oots'om ljeii na matsaq'ntjomna'. Saq cantyja 'naaⁿ Jesucristo cwiliuuya na candya' ts'om Ty'oots'om jaa ndo' na cwiluiiñe ñ'oom na

mayuu'. ¹⁸ Tja'a'naⁿ cwii ts'aⁿ na jndā nty'iaa'
Ty'oots'om. Macandā nquii Jnaaⁿ na ñecwiiñe, juu
jndā t'moⁿ ndaaya chiuu cwiluiñe.

*Ñ'oom na tjei'yuu'ñe Juan tsaⁿ na tyot-
seits'oomñe nn'aⁿ*
(Mt. 3:11-12; Mr. 1:7-8; Lc. 3:15-17)

¹⁹ Nn'aⁿ judíos na cwiluiitquiendye Jerusalén
jñoomna ntyee cwentaana na m'aaⁿ Juan ñequio
nt'om levitas na cwindye'ntjom naquii' wats'om.
Ty'ioomna ts'iaaⁿ ntyee'ñeeⁿ na cata'x'ee naⁿ'ñeeⁿ
nnom Juan 'ñeeⁿ cwiluiñe. ²⁰ Jom ndyeyu
tjei'yuu'ñe, tsoom:

—Ja nchii Cristo cwiluiindyo.

²¹ Jo' chii ta'x'eetina nnoom:

—¿Aa profeta Elías 'u?

Jom t'ooⁿ:

—Nchii jo' ja.

Ta'x'eennda'na nnoom:

—Quia jo', ¿aa cwiluiindyu' profeta'ñeeⁿ na
matso Moisés na nñequiaa ñ'oom' Ty'oots'om
ndaaya?

Saq t'ooⁿ:

—Nchii jo' ja.

²² Jo' chii jluena nnoom:

—¿Quia jo' 'ñeeⁿ cwiluiindyu'? Catsu' cha ya
nnt'oooyâ ndaq nn'aⁿ na jñoom jâ. ¿Chiuu matsu'
che'nnncu' cantyja 'naaⁿ ts'iaaⁿ na matsei'xmaⁿ?

²³ Luua ñ'oom na seilcweeⁿeⁿ ndaq naⁿ'ñeeⁿ.
Matsoom:

—Ja mats'aa cha'xjeⁿ na tso profeta Isaías quia
tsoom: "M'aaⁿ cwii ts'aⁿ na matseiwe jndyee'

jo ndo' ndyuuaa yuu tjaa nn'aⁿ c'oom. Calajndaa'ndyo' na nquii na tjacantyja na cwiluiit'maⁿñe nntsa'ntjom 'o."

²⁴ Nn'aⁿ na la'xmaⁿ tmaan^l fariseos jñoomna naⁿñeeⁿ. ²⁵ Ndo' ta'x'eendyetyi naⁿñeeⁿ nnoom. Jluena:

—Matsu' na 'u meiⁿ nchii Cristo cwiluiindyu', meiⁿ Elías, meiⁿ nquii profeta na tso Moisés na ñequiaa ñ'oom! Ty'ooots'om ndaaya, quia jo' ñchiuu na matseits'oomndyu' nn'aⁿ?

²⁶ Ndo' t'q Juan ndaqana. Tsoom:

—Ja matseits'oomndyo nn'aⁿ ñequio ndaatioo, saq quii'ntaaⁿyo' m'aaⁿ cwii ts'aⁿ na ticala'nqⁿyo' cantyja 'naaⁿ!. ²⁷ Majom na nnts'aaⁿ ts'iaaⁿ 'naaⁿ! Ty'ooots'om quia na jnd^a 'ndiina' ja, ee maxjeⁿ m'aaⁿ cwii tjoochenⁿ na nluiindyo. Ja meiⁿ cwe' na nndi'ntjo'ya nnoom til'uendyo.

²⁸ Luua' tuii cwii joo na jndyu Betábara, jo ntyja na macalui' ñe'quioom' xndyaa' jndaa Jordán yuu na tyotseits'oomñe Juan nn'aⁿ.

Jesús cwiluiñé catsmaⁿ tsmei^{nl} Ty'ooots'om

²⁹ Xuee na jnd^a we na tuii na luua', nty'iaa' Juan na ndywinskyoo' Jesús na m'aaⁿ. Matsoom ndaa^a já na m'aaⁿñ ñ'eññe jo' jo':

—Queⁿyo' cwenta, luua' ts'aⁿ na cwiluiñe catsmaⁿ tsmei^{nl} Ty'ooots'om na juu matseicanduu' jnaaⁿ nn'aⁿ. ³⁰ Mañejuu ts'aⁿ na jnd^a ñetsjooⁿya ndaa^ayo' cantyja 'naaⁿ! na 'io cha nleitquioo'ñe cwii ts'aⁿ quii'ntaaⁿyo' na t'maⁿti cwiluiñe, nchiiti ja. Ee m'aaⁿ cwii tjoochenⁿ na nluiindyo. ³¹ Xjeⁿ na tq'a na matseits'oomndyo nn'aⁿ ñequio ndaatioo, meiⁿ ticatsei'nqⁿa na jom ts'iaⁿaⁿ

na nntseicanoom'm jnaaⁿ nn'aⁿ. Saq mats'aa ts'iaaⁿmeiiⁿ cha catseica'moⁿna' ndaq nn'aⁿ Israel na ljo' cwiluiiñê.

³² Ndo' Juan tjei'yuu'ñetyeeⁿ ndaqayâ. Matsoom:

—Nty'ianooⁿ na jnaⁿ Espíritu Santo cañoom'luee.

Jndyocue cha'cwijom catu', ljoo'ñe ñ'eⁿñê.

³³ Xjen'ñeeⁿ meiⁿ tîcatsei'nóⁿa 'ñeeⁿ juu na nluiiñê nquii na nntseicanduu' jnaaⁿ nn'aⁿ. Saq tjañjoom' ts'ooⁿ quia jñom Ty'oots'om ja na catseits'oomndyo nn'aⁿ, tsoom nooⁿ: "Nnty'ia'njom' na nndyocue Espíritu nacjoo' cwii ts'aⁿ, ndo' nljoo'ñe ñ'eⁿñê. Juu tsaⁿñeeⁿ jnda ty'ioⁿya ts'iaaⁿ jom na nntseits'oomñê nn'aⁿ ñ'eⁿ Espíritu Santo." ³⁴ Ndo' jnda nty'ianooⁿya na tuii na ljo' ñ'eⁿñê. Jo' chii macwji'yuu'ndyo na jom cwiluiiñê Jnda Ty'oots'om.

Nn'aⁿ na t'maⁿjndyee Jesús na cala'jomndyena ñ'eⁿñê

³⁵ Cwiicheⁿ xuee meintyjee'nnda' Juan ñequio wendyô jâ nn'aⁿ na cwila'jomndyô ñ'oom na mañequiaaⁿ. ³⁶ Ndo' quia nty'iaaⁿ'aⁿ Jesús na maw-jaawinom jo' jo', matsoom ndaqayâ:

—Canty'ia'yo', luua' ts'aⁿ na cwiluiiñê catsmaⁿ tsmeiⁿ Ty'oots'om.

³⁷ Ndo' wendyô jâ na cwila'jomndyô ñ'oom na tyoñequiaaⁿ, quia na jndyqayâ ñ'oomwaa', saantyjooyâ naxeⁿ Jesús. ³⁸ Taqueⁿ Jesús ndo' nty'iaaⁿ'aⁿ na cwitsaantyjooyâ naxeeⁿeⁿ. Tax'eeñê ndaqayâ, tsoom:

—¿Aa waa na nl'a'yo' ja?

Ndo' l'uuyâ nnoom:

—Rabí, ¿cwaan' w'aa nncja'meintyje' je'? Ñ'oom rabí matsona' ts'a' na ma'moñ ñ'oom' Ty'oqts'om.

³⁹ Matsoom ndaqayâ:

—Quio'yo' mana nnty'ia'yo'.

Quia jo' saayâ ñ'eññê w'aa na tjameintyjee^{n'l'e}. Ndo' cha'na ñequiee na matmaan' na squiaayâ ñ'eññê. Ljoo'ndyô ñ'eññê hasta na jndä teincqoⁿ!

⁴⁰ Ja Juan ñequio Andrés, tyjee Simón Pedro, já jndyaayâ ñ'oom na tso Juan'ñeeⁿ, ndo' saantyqoyâ naxe^{n'l} Jesús. ⁴¹ Juu Andrés'ñeeⁿ tjacal'ueeⁿ xioom Simón. Matsoom nnom:

—Jndä jliuuyâ juu na cwiluiñe Mesías. (Ñ'oomwaa' matsona' Cristo, nquii na tqueⁿ Ty'oqts'om na cwji'n'maaññe nn'aⁿ.)

⁴² Quia jo' tjañ'oom Andrés xioom na m'aaⁿ Jesús. Nty'iaa' Jesús juu, ndo' matsoom:

—'U re, Simón, jndä Jonás 'u. Je' nntseica-jndyuya 'u Cefas. (Ñ'oomwaa' matsona' Pedro.)

Ma'maⁿ Jesús Felipe ñequio Natanael

⁴³ Cwiicheⁿ xuee seijndaa'ñe Jesús na nncjaⁿ ts'onda Galilea. Quia ljo'cheⁿ teincwiñê ñ'eⁿ Felipe. Matsoom nnom:

—Candyo'tseijomndyu' ñ'eñndyo ts'iaaⁿ na mats'aa.

⁴⁴ Juu Felipe'ñeeⁿ mañe'cwii tsjom'm ñequio Andrés ñ'eⁿ Pedro. Joona nn'aⁿ tsjoom Betsaida.

⁴⁵ Ndo' tjacal'ue Felipe Natanael. Matsoom nnom:

—Jndä jliuuyâ nquii na cantyja 'naaⁿ' seiljeii Moisés nacjoo' libro na chuuna' ñ'oom' Ty'oqts'om na matsa'ntjomna'. Ndo' mati nt'omchenⁿ profetas tyola'ljeiina cantyja 'naaⁿ' tsaⁿm'aaⁿ'. Majuu Jesús

jo', ts'aⁿ tsjoom Nazaret, na cwilue nn'aⁿ na jnda José juu.

46 Tso Natanael:

—Ndoō' ntyjii na cwe' Nazaret xocwitquioo'ñe cwii ts'aⁿ na t'maⁿ nnteijneiⁿ nn'aⁿ.

T'ó Felipe nnoom, matso:

—Candyo' sa. Nnty'ia'njom' jom.

47 Nty'iaa' Jesús na ndyocwje'cañoom Natanael jom. Matsoom:

—Canty'ia'yo' tsaⁿm'aaⁿ tiquinquiui'nn'aaⁿ nn'aⁿ. Jom mayuu'cheⁿ cwiluiñé ts'aⁿ Israel.

48 Tax'eeñé Natanael nnoom:

—¿Chiuu ljei'yu' Ta na ljo' matseixmaⁿya?

T'ó Jesús, matsoom nnom:

—Cwii tjoochenⁿ na nncjaacwaⁿ Felipe 'u, nty'iaaya 'u quia m'aaⁿ wa' x'ee ts'oom higuera 'naⁿ.

49 Ndo' t'ó Natanael, matsoom:

—'U ts'aⁿ na ma'moⁿ ñ'oom naya ndaq nn'aⁿ, 'u maxjeⁿ cwiluiindyu' Jnda Ty'oots'om. 'U cwiluiindyu' rey cwentaa jâ nn'aⁿ Israel.

50 T'ó Jesús:

—¿Aa cwe' nc'e na tsjooya na nty'iaaya 'u x'ee ts'oom higuera 'naⁿ, aa cwe' jo' na matseiyu' ñ'endyo? Maxjeⁿ maniom na jndati la'xmaⁿna' cantyja 'naⁿya na quia wja'nty'ia'.

51 Ndo' matsotyeen nnom:

—Ñ'oom na mayuu'cheⁿ matsjooya ndaa'yo'. 'O nnty'ia'yo' na nnaaⁿ cañoom'luee. Ndo' nnty'ia'yo' na nnquiocue ángeles na m'aaⁿ ja na cwiluiindyo ts'aⁿ na jnaaⁿya na m'aaⁿ Ty'oots'om, ndo' na nnc'oowannda'na.

2

Toco ts'aⁿ tsjoom Caná ts'ondaa Galilea

¹ Xuee jndā ndyee na tuii na luala' toco cwii ts'aⁿ tsjoom Caná, ts'ondaa Galilea. Ndo' seijomñē tsondyee Jesús. ² Ndo' joo nn'aⁿ na t'unco t'maⁿna Jesús ñequio jā nn'aⁿ na cwila'jomndyō ñ'eⁿñē na mati calajomndyō ñ'eⁿndyena na cwi'uncona. ³ Jndā na ntquie' winom, tsondyee Jesús tso nnoom:

—Ticwijndeii winom.

⁴ T'o Jesús nnom, matsoom:

—Naⁿ, ¿ljo' nntsa' ja? Tyoowe'ntyjo xjeⁿ na nnts'aa cwii nnom na tixocandāq nluii na cwe' ts'aⁿ nnts'aa.

⁵ Matso tsoñeeⁿ ndāq nn'aⁿ na cwindye'ntjom jo' jo':

—Cal'a'yo' cha'tso na nntsa'ntjoom 'o.

⁶ Maniom ñ'oom na cwiquaqⁿ jaa nn'aⁿ judíos na cwinndyuu'a ñequio na cwitmaa'ya 'naⁿ. W'aa yuu na toco tsaⁿ'ñeeⁿ meintyjee' yom ljoon t'maⁿ na tuiina' ñ'eⁿ ljo', na quiwil'uee'ndyena na cwila'candaqⁿdyena costumbre'ñeeⁿ. Cwiwijndeii cwii cwii tsjoo'ñeeⁿ cha'na ñequiee hasta yom xjo lata ndaa. ⁷ Seineiⁿ Jesús ndāq nn'aⁿ na cwindye'ntjom jo' jo'. Matsoom:

—Calacato'yo' ljoomeiⁿ ñequio ndaatioo.

Ndo' jla'catoo' naⁿ'ñeeⁿ joona' hasta too' cwi-jomna'. ⁸ Jndā jo' matsoom ndaana:

—Je' catjei'yo' chjoowi' juuna'. Catsaañ'om'yo' na m'aaⁿ ts'aⁿ na matsa'ntjom nn'aⁿ na cwila'ñ'oome'ndye nantquie.

Jo' chii ty'eñ'omna juuna' na m'aaⁿ tsaⁿ'ñeeⁿ.

⁹ Ndo' juu ts'aⁿ na matsa'ntjom naⁿ'ñeeⁿ t'uu

chjoowi' ndaatioo na jndā seicwaqueⁿ Jesús na winom. Ticaljeii tsa^{n'ñeeⁿ yuu jna^{n'na'} sāa nn'aⁿ na cwindye'ntjom jo' jo' nquiuchēⁿna yuu tjeii'na juuna'. Quia jo' tcwaⁿ tsa^{n'ñeeⁿ ts'aⁿ na macoco.}}

¹⁰ Matsoom nnom:

—Ticwii cwii joo na ñetjo na t'unco nn'aⁿ, najndyee tyoñe'quia nn'aⁿ winom na yaticheⁿ na nncwe nc'iaana. Ndo' quia na jndā mawjaacjoo na^{n'ñeeⁿ na cwiwena, quia jo' cwiñe'quiana winom na ticue'ntyjo na yana'. Sāa 'u je', jndā seiljo' winom na yaticheⁿ na quia je'cheⁿ nleil'uena'.}

¹¹ M'aaⁿ Jesús Caná ts'ondaan Galilea quia s'aañeeⁿ ts'iaaⁿ na tixocaluii na cwe' ts'aⁿ nnts'aa. Ndo' na luaa' s'aaⁿ t'mooⁿ na t'maⁿ cwiluiñê. Manc'e jo' na jâ nn'aⁿ na cwila'jomndyô ñ'eⁿñê, jna^{n'na'} na cwilayuu'â ñ'eⁿñê.

¹² Jndā na tuii na luaa', quia jo' jâ nn'aⁿ na cwindyaayâ ñ'oome na mañequiaaⁿ, saayâ Caper-naum ñ'eⁿñê, ñequio tsoñeeⁿ ñequio ntyjeeⁿ. Ndo' ljoo'ndyô jo' jo' cwantindyo xuee.

*Tjei' Jesús nn'aⁿ quii' wats'om t'maⁿ Jerusalén
(Mt. 21:12-13; Mr. 11:15-18; Lc. 19:45-46)*

¹³ Juu xje^{n'ñeeⁿ jndā wjaawindyoo' nncuee' ncuee pascua quia jaa nn'aⁿ judíos cwilacwjaa canmaⁿ. Jo' chii saayâ Jerusalén ñ'eⁿ Jesús.}

¹⁴ Tach'ee^{n'} wats'om t'maⁿ, jo' jo' ljeiiⁿ nn'aⁿ na cwindaq quoondyo ñ'eⁿ canmaⁿ ñ'eⁿ cantu'. Ndo' mati meindyuaandye nn'aⁿ na cwila'jndyoondye s'om 'naaⁿ nn'aⁿ na cwi'ooquie' wats'om. ¹⁵ Ndo' jndā na nty'iaa^{n'na'} na luaa', quia jo' s'aaⁿ l'uaa tsja'jneiⁿ, jndā chii jleintyjooⁿ na^{n'ñeeⁿ. Tjeii^{n'ñeeⁿ cha'tsondye joona ch'ee^{n'} tach'eⁿ wats'om'ñeeⁿ.}}

Mati canmaⁿ ñ'eⁿ quioondyo. Ndo' seicantqueeⁿ mei^{nsa} na cwilei'cho nn'aⁿ na cwila'jndyoondye s'om jo' jo'. Seiquiaⁿ s'om 'naaⁿ na^{n!}ñeeⁿ. ¹⁶ Ndo' ndaq^a nn'aⁿ na cwindaq^a cantu' matsoom:

—Catjei'yo' quioo'm'a^{n!} ñjaanñé. Tacal'a'yo' na waa' Tsotyaya na matseijomna' cha'na ts'ua.

¹⁷ Quia jo' jâ nn'aⁿ na t'maaⁿ na cala'jomndyô ñ'eⁿñê ts'iaaⁿ na mach'eeⁿ tjañjoom' n'ooⁿyâ ñ'oom na mawaa cjoo' libro Salmos. Matsona': "Nla'cuee' nn'aⁿ ja jnaa^{n!} na queeⁿ ts'ooⁿya na nleil'uee'ndyena waa' Ty'oots'om cha'xjeⁿ na matsa'ntjomna!."

¹⁸ Ndo' ta'x'ee nn'aⁿ judíos nnoom, jluena:

—¿Cwaan^a ts'iaaⁿ nntsa' na tixocaluii juuna' na cwe' ts'aⁿ nnts'aa na m'moⁿna' ndaayâ na waa najndeii na matseixma^{n!} na nmeii^{n!} mache'?

¹⁹ T'o Jesús ndaq^ana, matsoom:

—Calatyui'yo' wats'omwaañé ndo' ñe'ndyee xuee nntseiwannda'a juuna'.

²⁰ Ndo' t'oo nn'aⁿ judíos'ñeeⁿ:

—Wen'aaⁿ nchoo' yom ntyu tjacaa na tuii wats'omwaañé, ndo' 'u je' ¿aa cwe' ñe'ndyee xuee nntseiwe'juuna'?

²¹ Saa seijoom'ñê na juu seii^{n!}eⁿ cwiluiiñena' wats'om. ²² Jo' chii jndq^a na tquiaa Ty'oots'om na tando'xcoom jndq^a na tueenⁿeⁿ, jâ nn'aⁿ na cwindyaayâ ñ'oom na mañequiaaⁿ tjañjoom' n'ooⁿyâ na ljo' tsoom. Ndo' jlayuu'â ñ'oom na seineiiⁿ ndo' mati ñ'oom' Ty'oots'om na teiyo teiljeii.

Ntyjii Jesús chiuu waa naquii' ts'om ts'aⁿ

²³ Yocheⁿ na tyom'aaⁿ Jesús Jerusalén na tyowaa xuee Pascua quia jaa nn'aⁿ judíos cwila'wjaaya canmaⁿ, nn'aⁿ na m'aⁿ jo' jo' tyonty'iaana jndye nnom ts'iaaⁿ na tyoch'eeⁿ na tixocandaq^a nluii na cwe' ts'aⁿ nnts'aa. Jo' chii jndyendyena tyola'yuu'na na cwiluiiñê Cristo. ²⁴ Säq^a tînquiaañê ñ'eⁿndyena, ee ntyjeeⁿ chiuu n'omna. ²⁵ Meiⁿ ticaⁿna' na cwji'yuu'ñê ts'aⁿ nnoom cantyja ljo' la'xmaⁿ nn'aⁿ, ee maxjeⁿ mantyjeeⁿ chiuu n'omna.

3

Tyjee'cañoom Nicodemo Jesús

¹ Tyom'aaⁿ cwii ts'aⁿ na tyoluiitquieñê quii'ntaaⁿ nn'aⁿ judíos. Tsa^{n'ñ}eeⁿ tyotseijomñê ñ'oom na quit'maⁿ n'om nn'aⁿ tmaanⁿ fariseos. Jom jñoom Nicodemo. ² Jñoom na m'aaⁿ Jesús cwii teijaaⁿ. Matsoom nnom:

—Maestro, manquiuyâ na 'u cwiluiindyu' ts'aⁿ na jñom Ty'oots'om na ca'moⁿ ñ'oom naya 'naaⁿaⁿ ndaqayâ. Ee xocandaq^a nnts^a ts'iaaⁿmeiⁿ xeⁿ nchii Ty'oots'om m'aaⁿ ñ'eⁿndyu'.

³ Jesús t'ooⁿ, matsoom nnom:

—Ñ'oom na mayuu'cheⁿ matsjooⁿ njom', xeⁿ ticaluiixcoñe ts'aⁿ tixocandaaⁿ nntseijomñê cantyja na matsq^antjom Ty'oots'om.

⁴ Ndo' tax'eeñê Nicodemo nnoom, matso:

—¿Chiuu nnts'aa ts'aⁿ na nluiiñennaaⁿaⁿ na jnda tquieñê? Ee tixocandaq^a nncjaaquiee'nnaaⁿaⁿ tsiatsjaaⁿ tsoñeeⁿ ndo' na nluiiñennaaⁿaⁿ.

⁵ Jesús t'ooⁿ, matsoom nnom:

—Ñ'oom na mayuu'cheⁿ matsjooⁿya njom'. Xeⁿ ticaluiiñê ts'aⁿ cantyja 'naaⁿ ndaatioo

ndo' ñequio Espíritu, tixocandaa nncjaquiee'ñê cantyja na matsa'ntjom Ty'oots'om. ⁶ Nc'e na nn'aⁿ jaa, jo' chii mati ndaaya mann'aⁿ joona. Maluaa' matseijomna' ts'aⁿ na tuiñe cantyja 'naaⁿ Espíritu Santo. Tseixmaⁿ tsaⁿ'ñeeⁿ cantyja 'naaⁿ Ty'oots'om. ⁷ Tinntseiñ'eeⁿ'fiena' ts'om' juu ñ'oom na matsjooya: "Maxjeⁿ jndei'na' na caluiindyo'xco'yo'." ⁸ Ndi' na c'uua cam'aaⁿ jndye, saa^a tileicantyjo^a yuu jnaⁿna^a, meiⁿ yuu wjaana^a. Malaa'ti' matseijomna' na tileicala'noⁿ nn'aⁿ chiuu waa na tuiñe ts'aⁿ cantyja 'naaⁿ Espíritu.

⁹ T'o Nicodemo, tsonnaaⁿaⁿ:

—Maxjeⁿ ticatsei'noⁿa^a.

¹⁰ Matso Jesús:

—Aa ljo', ndo' u t'maⁿ cwiluiindyu^a na ma'mooⁿ ndaa^a nn'aⁿ Israel. Jo' chii ticatseitiuuya na tileicatsei'noⁿ ñ'oommeijⁿ. ¹¹ Ñ'oom na mayuu'cheⁿ mat-sjoo^aya njom^a. Matseina^aya cantyja na mantyji-iya, ndo' macwji^ayuu'ndyo^a ljo^a na jndaa^a nty'ianqoⁿ, saa^a 'o tiñe'calayu^a'yo^a ñ'oom'ñeeⁿ. ¹² Jndaa^a mamat-seina^aya ndaa^a nn'aⁿ cantyja 'naaⁿ 'naaⁿ na niom tsjoomnancue cha cala'noⁿ'yo^a, saa^a tiñe'calayu^a'yo^a ñ'oom'ñeeⁿ. Quia jo^a, ¿chiuu ya nnts'aa cha na nlayu^a'yo^a ñ'oom na mañequia cantyja 'naaⁿ cañoom'luee?

¹³ 'Ee tjaa'naⁿ ts'aⁿ na jndaa^a tjawa cañoom'luee cha nnda^a nntseicandii nn'aⁿ chiuu macaⁿna^a na cal'ana na nlco'xcwena^a ntyjii Ty'oots'om ñ'eⁿndyena. Macanda ja na cwiluiindyo^a ts'aⁿ na jnaa^aya cañoom'luee ntyjiiya. ¹⁴ Quia ñet'om nn'aⁿ judíos jo ndo' ndyuua^a yuu na tjaa nn'aⁿ c'om, quia jo^a ty'iom Moisés cwii xjo na tuiina^a cha'na catsuu cjoo^a cwii ts'oom. Maluaa' matseijomna'

na nnty'ioom nn'aⁿ ja ts'oom'naaⁿ na cwiluiindyo ts'aⁿ na jnaa^{nya} cañoom'luee. ¹⁵ Luua' nluii cha mei^{ncwi'ñeeⁿcheⁿ} ts'aⁿ na matseiyu' ñ'eⁿndyo nntseixmaⁿ na ticantrycwii na nncwando!.

Ty'oots'om m'aaⁿ na candy^a' ts'oom nn'aⁿ

¹⁶ 'Nc'e Ty'oots'om t'maⁿ waa na m'aaⁿ na candy^a' ts'oom nn'aⁿ tsjoomnancue, jo' chii Ja na ñennco na cwiluiindyo Jnaaⁿ tquiaaⁿ na tuiindyo cha ticwii cwii ts'aⁿ na nntseiyu' ñ'eⁿndyo tixocatsuuñe. M'aaⁿ na ticantrycwii na wando!. ¹⁷ Ja na cwiluiindyo Jnda Ty'oots'om nchii jñoom ja quii'ntaaⁿ nn'aⁿ cha na cat'uiiya joona cantyja jnaaⁿna. Jom jñoom ja cha nnda^a nlui'n'maaⁿndyena.

¹⁸ 'Mei^{ncwi'ñeeⁿcheⁿ} ts'aⁿ na nntseiyu' ñequio ja, ticat'uii Ty'oots'om juu cantyja 'naaⁿ' jnaaⁿ'. Saa mei^{ncquia} ts'aⁿ na tiñe'catseiyu', je' mamat'uiina' juu cantyja jnaaⁿ', ee na tiñe'catseiyu' ñ'eⁿndyo na macanda ja cwiluiindyo Jnaaⁿ. ¹⁹ Jnda mamat'uiina' nn'aⁿ na tyoolayu' ee ja na cwiluiindyo naxuee jndä tyjacanoo^{nya} joona, saa neiintina' na cwila'jomndyena cantyja 'naaⁿ' na jooⁿñe, ee cwil'ana yuu na tictatsantjomna!. ²⁰ Ee ticwii cwii ts'aⁿ na mach'ee natia, jeeⁿ jnoom'm ja na cwiluiindyo naxueeñe. Tsaⁿ'ñeeⁿ tiñe'catseijomñê ñ'eⁿndyo ja, ee jeeⁿ nquiaⁿaⁿ na nntseicanoo^{nya} natia na mach'eeⁿ. ²¹ Saa juu ts'aⁿ na mach'ee yuu na maty'iomyana', tsaⁿ'ñeeⁿ matseijomñê ñ'eⁿndyo ja na cwiluiindyo naxueeñe. Ndo' na ljo' cwiwitquioo^{nya} na cha'tso na mach'eeⁿ, mach'eeⁿ nc'e Ty'oots'om m'aaⁿ ñ'eⁿñê.

Matseinei^{nti} Juan cantyja 'naaⁿ' Jesús

²² Jnda jo' jlui' Jesús Jerusalén ndo' jâ nn'aⁿ na t'maaⁿ na cala'jomndyô ñ'eⁿ ts'iaaⁿ na mach'eeⁿ, mati jluijâ ñ'eⁿñê. Tyoma'nqoⁿya ñ'eⁿñê ts'ondaan Judea. Tyom'aaⁿya jo' jo' cwantindyoxuee. Ndo' jndye nn'aⁿ tquie'cañom jom na nleits'oomndye. ²³ Mati Juan tyotseits'oomñê nn'aⁿ cwii joo na jndyu Enón, manndyoo' Salim, ee majndye ndaatioo m'aaⁿ jo'. Ndo' tyo'oo nn'aⁿ na tyotseits'oomñê joona. ²⁴ Ee xjeⁿñeeⁿ tyooju' Herodes jom w'aancjo.

²⁵ Quia jo' nt'om nn'aⁿ judíos na cwila'jomndye ñ'oom na mañequiaa jom, jla'ñ'eeⁿ ndyueena ñequio nc'iaana nn'aⁿ judíos na cwe' tquieya. Ee cwila'ntja'ndye naⁿñeeⁿ ñ'eⁿndyena cwaanⁿ cwii nnom na jndati tseixmaⁿ na cwiwits'oomndye nn'aⁿ. ¿Aa cantyja 'naaⁿ ñ'oom na mañequiaa Juan, oo, aa cantyja 'naaⁿ Jesús? ²⁶ Quia jo' nn'aⁿ na cwila'jomndye ñ'oom na mañequiaa Juan ty'entyjaa'na jom. Jluena nnoom:

—'U ta na ma'moⁿ cantyja 'naaⁿ Ty'ooots'om ndaayâ, juu ts'aⁿ na tyocañ'eⁿ ñ'eⁿndyu' xndyaa' jndaa Jordán, nquii na tjei'yuu'ndyu' cantyja 'naaⁿ ndaayâ, canty'ia', cwiwits'oomndye nn'aⁿ cantyja 'naaⁿaⁿ, ndo' cha'tsondye nn'aⁿ cwi'oontyjo naxeeⁿeⁿ.

²⁷ Juan t'oqⁿ ndaⁿana, matsoom:

—Tjaa na nndaⁿ nnts'aa ts'aⁿ xeⁿ nchii Ty'ooots'om matseijndaa'ñê ljo' nntseixmaⁿ ts'aⁿ. ²⁸ Mancjo'yo' nquiuyoy' na ñetsjoo cantyja 'naⁿya, ja nchii Cristo cwiluiindyo. Ty'ooots'om ty'ioom ts'iaaⁿ ja na catseijndo'a n'om nn'aⁿ na cala'jndaa'ndyena naquii' n'omna na cala'ljona

Cristo. ²⁹ 'O cwila'no^{n!}'yo' ñ'oom na tjañoom' na juu tsaa^s'a na maco'ñom yuscu na macoco ñ'eⁿñé, masaa' yuscu'ñeeⁿ jom. Saq juu ts'aⁿ na matseijomñe ñ'eⁿ tsaa^s'a'ñeeⁿ, nchii m'aaⁿ na lioo' na maco'ñom x'iaa' yuscu'ñeeⁿ. Nchii jo!. Cwiquioo na neii^{n!} na mandiiñe ñ'oom na matseineiⁿ x'iaa!. Maluaa' matseijomna' na matseicandaq^a'ñena' na neiⁿya cantyja 'naa^{n!} Jesús. ³⁰ Jo' chii jeen xcwe na jom cjaaluiit'maⁿñetyeeⁿ saq ja catseicjetina'.

Luaa nquii na jnaⁿ cañoom'luee

³¹ Tsoti Juan:

—Nc'e tsaa^m'aa^{n!} jnaaⁿ cañoom'luee, t'manti cwiluiiñé, nchiiti cha'tsondye nn'aⁿ. Ja na cwe' ts'aⁿ ja, matseixmaⁿya cantyja 'naa^{n!} tsjoomnancue ndo' matseinaⁿya cantyja 'naanⁿna!. Saq nquii tsaa^m'aa^{n!} na jnaaⁿ cañoom'luee, cwiluiit'maⁿñetyeeⁿ na cha'tso. ³² Ndo' macwji'yuu'ñé cantyja na jndä nty'iaa^{n!}aⁿ ñequio na jndä jñeeⁿ, saq tjaan'aⁿ 'ñeeⁿ juu ñe'co'ñom ñ'oom na macwji'yuu'ñé. ³³ Juu ts'aⁿ na maco'ñom ñ'oom na macwji'yuu'ñé, matseijomñe tsaa^{n!}ñeeⁿ na Ty'ooots'om cwiluiiñe na mayuu!. ³⁴ Ee nquii na jñom Ty'ooots'om jo ndaq^a nn'aⁿ, ñ'oom'm matseineiⁿ, ee candaq^a'ya mañequiaaⁿ Espíritu na cwiluiiñé naquii' ts'om. ³⁵ Nquii Ty'ooots'om na cwiluiiñé Tsotyäaya m'aaⁿ na candya' ts'oom Jnaaⁿ. Ndo' naquii' l'q jndä tqueeⁿ cha'tsoti na maniom. ³⁶ Meiⁿcwi'ñeeⁿchenⁿ ts'aⁿ na matseiyyu' ñequio Jnda Ty'ooots'om, matseixmaⁿ na ticanycwii na wando' añmaa^{n!}. Saq 'ñeeⁿ juu na ticatseiñ'oom'ñé na nntseiyu' ñequio Jnaaⁿ,

tsaⁿ'ñeeⁿ xocandaa' na nncwando' añmaaⁿ!. Tyeⁿ waa na matseiw'ii Ty'oots'om juu.

4

Jesús ñequio yuscu ts'ondaa Samaria

¹ Nn'aⁿ na cwiluiindye tmaan^l nn'aⁿ fariseos tyondyena na majndyendyeti nn'aⁿ teits'oomndye cantyja 'naaⁿ! Jesús, nchiiti cantyja 'naaⁿ Juan. ² Saq na mayuu'chenⁿ nquii Jesús tîcatseits'oomñê nn'aⁿ. Macandâ jâ nn'aⁿ na t'maaⁿ na cala'jomndyô ñ'eⁿñê, jâ l'aayâ ts'iaaⁿ'ñeeⁿ. ³ Jo' chii quia na jñeeⁿ na luala' cwilue fariseos'ñeeⁿ, jlueeⁿ'eⁿ ts'ondaa Judea ñ'eⁿndyô na nntsaayâ Galilea.

⁴ Ndo' na cwitsaayâ jo' jo' majndaa' na nncwinooⁿyâ ts'ondaa Samaria. ⁵ Jo' chii squiaqayâ cwii tsjoom na jndyu Sicar ts'ondaa Samaria. Tsjoom'ñeeⁿ manndyoo' m'aaⁿna' yuu waa tyuaa na jndaa! José nnom tsotyeeⁿ Jacob. ⁶ Jo' jo' tyowaa tsui' na s'aa Jacob. Ndo' Jesús, na teijñaⁿ'aⁿ na jñoom nato, tjacjom nacañoom' tsui'ñeeⁿ. Ndo' jndâ tuee' quiajmeinⁿ!. ⁷ Xjeⁿ'ñeeⁿ tyje'cañoom cwii yuscu Samaria jo' jo' na nncwjí' ndaatooo. Matsoom nnom:

—Quiaa' ndaatooo nnc'ua.

⁸ Ndo' jâ nn'aⁿ na t'maaⁿ na cala'jomndyô ñ'eⁿñê, xjeⁿ'ñeeⁿ jndâ saayâ quii' tsjoom. Saalajndaayâ na nlcwaa'â ñ'eⁿñê.

⁹ Matso yuscu Samaria nnoom:

—¿Chiuu na macaⁿ ndaatooo nooⁿ, ee 'u cwiluiindyu' ts'aⁿ judío ndo' ja cwiluiindyo samaritana?

Luaa' tso yuscu'ñeeⁿ nc'e nn'aⁿ judíos tiquila'tjoom'ndyena ñequio nn'aⁿ samaritanos.

10 T'o Jesús nnom, tsoom:

—Xeⁿ cwe' matsei'ñog^{n!} na jeeⁿ jnda tseixmaⁿ naya na ñe'cats'aa Ty'oots'om 'u, ndo' xeⁿ matsei'ñog^{n!} 'ñeeⁿ cwiluiindy^o na maca^{n!}a ndaatoo njom', nntseity'oondyu' ñogⁿ na cateijndeiya 'u, ndo' ja jnd^q tquiaya cwii na matseijomna' ndaatoo na ñequiaana' na ticanycwii na wando'.

11 Matso yuscu'ñeeⁿ nnoom:

—Ta, tjaa'naⁿ 'naⁿ c'oom' na nncwji' ndaatoo, ndo' tsui'waa, jeeⁿ njoomna'. Quia jo' ¿yuu nnc'oom'yu' ndaatoo'ñeeⁿ na nntseixmaⁿya na ticanycwii na wando'a? **12** ¿Aa nnts'aacheⁿna' na mache' na 'u cwiluiit'maⁿndyu'ti' nchiiti weloo welooya Jacob? Ee jom tyo'om ndaa tsui'waa, mati ntseinaaⁿ ñequio quioo' ntsmeiin'eⁿ, ndo' tquiaaⁿ juuna' ndaq^q jâ.

13 T'o Jesús nnom, matsoom:

—Cha'tso nn'aⁿ na cwiwe ndaatioomeiiⁿ nndyo na ñe'cwennda'na. **14** Sa^q nn'aⁿ na cwiwena ndaa na mañequia tixocats'aana' na ñecwetina ee nnts'aana' naquii' n'omna cha'cwijom ndaa na cwilei'woona' ts'om xo' na ticanquiee'na' na nnts'aana' na tijoom cantycwii na nnta'ndo'na.

15 Ndo' yuscu'ñeeⁿ matso:

—Jeeⁿ 'u Ta quiaa' ndaatioowaa' cha na tacandy^o na ñe'c'uaty^o, meiⁿ tantseicachjuundyo na ñequii'chenⁿ na candyocwjii'a juuna'.

16 Matso Jesús nnom:

—Cja', cwaa^{n!} sa', ndo' jnd^q jo' quio'yo' ñjaaⁿ.

17 T'o yuscu'ñeeⁿ nnoom:

—Ja tjaa'naⁿ s'aya.

Matso Jesús nnom:

—Majo'ndyo ñ'oom na matsu' na 'u tja'a'naⁿ sa'.
18 Ee jndä ñet'oom 'om sa' ndo' juu ts'aⁿ na m'aanⁿ
 ñ'eⁿndyu' je', nchii sa' jom. Cantlyja na luala' waa,
 mayuu' ñ'oom tsu'.

19 Jndä na jndii yuscu'ñeeⁿ ñ'oomwaa', tsoom:

—Jeeⁿ 'u Ta, matsei'nⁿa na 'u cwiluiindyu'
 profeta. **20** Weloo weloo jâ nn'aⁿ samaritanos ty-
 ola't'maaⁿndyena Ty'oots'om sjowaa. Säg 'o nn'aⁿ
 judíos cwindu'yo' wats'om t'maⁿ'naⁿ'yo' Jerusalén
 jo' jo' cala't'maaⁿndye nn'aⁿ jom.

21 Matso Jesús nnom yuscu'ñeeⁿ:

—'U yuscu, catseiyu' ñ'oom na matsjooⁿ njom'
 na manncue'ntyjoⁿ xjeⁿ na nla't'maaⁿndye nn'aⁿ
 Tsotyaya meiⁿquiayuucheneⁿ, nchii cwe' sjowaa
 oo Jerusalén. **22** 'O nn'aⁿ Samaria jeeⁿ cachjoo
 cwila'noⁿ'yo' cantyja 'naaⁿ' Ty'oots'om, ndo'
 cwe' cwila't'maaⁿndyo'to'yo' jom. Säg jâ nn'aⁿ
 judíos cwila'noⁿ'yayâ 'ñeeⁿ cwila't'maaⁿndyô.
 Ee cantyja 'naaⁿyâ jo' na macwji'n'maaⁿñê
 nn'aⁿ. **23** Säg manncue'ntyjoⁿ xjeⁿ, ndo' je'
 mamawe'ntyjoⁿ na joo nn'aⁿ na mayuu'cheⁿ
 na cwila't'maaⁿndye Tsotyaya, macaⁿna' na
 cala'tmaanⁿndyena jom cantyja 'naaⁿ' Espíritu
 na cwiluiñê ndo' ñequio na mayoona. Ee l'ue
 ts'om Tsotyaya na luala' cala't'maaⁿndye nn'aⁿ
 jom. **24** Ty'oots'om cwiluiñê Espíritu. Jo' chii joo
 nn'aⁿ na ñe'cala't'maaⁿndye jom, macaⁿna' na
 c'omna nacje 'naaⁿ' Espíritu Santo, ndo' ñequio na
 mayoona.

25 Matso yuscu'ñeeⁿ nnoom:

—Ja ntyjii na nncwje'cañoom Mesías, manqueⁿ na cwiluiñê Cristo. Jom quia na nncwjee^{n!eⁿ}, nntseinchoom'm cha'tso ñ'oommei^{n!} ndaaya.

²⁶ Matso Jesús nnom:

—Mannco na matseina^{nya} ñ'eⁿndyu' cwilui-indyo nqueⁿ.

²⁷ Majuu xje^{n!}ñeeⁿ jâ nn'aⁿ na cwila'jomndyô ñ'eⁿñê squie'cañoo^{nyâ} joona. Ticjawee' n'oo^{nyâ} na matseineiiⁿ ñ'eⁿ cwii yuscu, saa meiiⁿ na ljo' tja'a'n'aⁿ na ta'x'aqayâ 'ndyoo yuscu'ñeeⁿ: “¿Ljo' l'ue ts'om!?” oo na l'uuyâ nnom Ta Jesús: “¿Cwaaⁿ ñ'oom matseinei^{n!} ñequio yuscum'aa^{n!}??” ²⁸ Ndo' 'ndii yuscu'ñeeⁿ tsjoo 'naaⁿ'aⁿ, tjalcwee^{n!}en tsjoom. Tjacatsoom ndaq nn'aⁿ na m'aⁿ jo' jo':

²⁹ —Quio'yo' na nntsaacanty'ia'yo' cwii tsaⁿs'a na jndä tso nooⁿ cha'tso na tijo'ndyo na jndä ñes'aa. M'aa^{n!} ts'ooⁿ na juu cwiluiñê Mesías.

³⁰ Ndo' jlui' na^{n!}ñeeⁿ tsjoomna, ty'ena yuu na m'aⁿyâ ñ'eⁿ Jesús. ³¹ Yocheⁿ na tyooquien, jâ nn'aⁿ na t'maaⁿ na cala'jomndyô ñ'eⁿñê l'uuyâ nnoom:

—'U Maestro, cwa sa, cwa'.

³² Saq matsoom ndaqayâ:

—Ja mañ'oⁿ cwii na nlcwaa'a na 'o ticaliu'yo'.

³³ Quia jo' jâ na cwindyaayâ ñ'oom na mañequeiaaⁿ jlanaq^{aⁿ} cheⁿncjooyâ ndaq nc'iaayâ. L'uuyâ:

—¿Aa nnts'aacheⁿa' na jndyoñ'oom cwii ts'aⁿ na nlcwaa^{n!}aⁿ?

³⁴ Saq matso Jesús ndaqayâ:

—Luaa waa na matseijomna' nantquie 'na^{nya}, na cats'aaya yuu na l'ue ts'om nqueⁿ na jñoom ja, hasta na jndä jndaq^{a!} ts'iaaⁿ na ty'ioom ja. ³⁵ 'O

waa ñ'oom tjañoom' na cwindu'yo' na ñequiee chi' cwii tjoo ndo' nntyjeendye nn'aⁿ. Saq ja matsjoo ndaq'yo': Caleity'iom ndaq'yo', ndo' canty'ia'yo' ndiochen na m'aⁿ nn'aⁿ cha'cwijom ntjom na jndaq tmaⁿ na nncwantjom ts'aⁿ cwentaa' Ty'oots'om. Matseijomna' joona na jndaq tue'ntyjo xjeⁿ na ntyjeeñe ts'aⁿ. ³⁶ Juu ts'aⁿ na matyjee ntjom na jndaq tue' waa na mawantjoom ee matseitjoom nn'aⁿ na nndaana na ticantycwii na cwita'ndo'na. Ndo' na luala' waa, juu ts'aⁿ na manom' ntjom ñecwiixjeⁿ na ñnequiaana' na neii'eⁿ cha'xjeⁿ juu ts'aⁿ na matyjee ntjom. ³⁷ Ee juu ñ'oom na cwilue nn'aⁿ na cwii ts'aⁿ manom' saq cwiicheⁿ ts'aⁿ matyjeeñe, ñ'oom na mayuu' jo!. ³⁸ Na majñooⁿya 'o naquii' ts'iaaⁿ 'naⁿya matseijomna' cha'cwijom na cwitsacatyjeendyo' yuu na nchii ncjo'yo' jla'cato'yo' ts'iaaⁿ. Nt'omcheⁿ nn'aⁿ jndaq jla'nchu'na na nncuaa ts'iaaⁿ 'naaⁿ Ty'oots'om naquii' n'om nn'aⁿ ndo' 'o jndaq macwitsaquie'yo' ts'iaaⁿñeeⁿ.

³⁹ Ndo' jndyendye nn'aⁿ samaritanos tsjoom'ñeeⁿ tyola'yu'na ñ'eⁿ Jesús, cwe' nc'e ñ'oom 'ndyoo yuscu'ñeeⁿ na tjei'yuu'ñe ndaqana na matso: "Jndaq t'moqⁿ noqⁿ cha'tso na tijo'ndyo na jndaq ñes'aa." ⁴⁰ Jndaq na tquie'cañom nn'aⁿ samaritanos'ñeeⁿ yuu na m'aaⁿ Jesús, tyotaⁿna nnoom na caljoo'ñê ñ'eⁿndyena, ndo' ljoo'ñê tsjoomna we xuee. ⁴¹ Ndo' quia tyondyena ñ'oom na tyoñequiaaⁿ, jndyendyetina tyola'yu'na. ⁴² Ndo' tyoluena nnom yuscu'ñeeⁿ:

—Je' tachii macandaq cwe' ñ'oom na tsu', jo' chii cwilayuu'â. Ee mancjootyayâ jndaq jndyayâ ñ'oom 'ñom. Je' cwila'nqoⁿâ na jom mayuu'cheⁿ

cwiluiiñê Cristo na macwji'n'maaññê nn'aⁿ tsjoomnancue.

Sein'maⁿJesús jnda ts'aⁿ na cwiluiit'maⁿñê

⁴³ Ndo' quia na jndä teinom we xuee'ñeeⁿ jlui' Jesúz jo' jo'. Saalcwaqâ'â ñ'eⁿñê Galilea. ⁴⁴ Ee man-quityeeⁿ tjei'yuu'ñê na ticala't'maaⁿ'ndye nn'aⁿ cwii profeta na mañe'cwii ndyuuaⁿ'aⁿ ñ'eⁿndyena. ⁴⁵ Ndo' quia na squiaqayâ Galilea ñ'eⁿñê nn'aⁿ na m'aⁿ jo' jo' jeeⁿ neiiⁿna jom, jla'ljona jom. Ee mati joona ty'ena Jerusalén quia tuee' ncuee Pascua, ndo' nty'iaana cha'tso 'naaⁿ t'maⁿ na tyoch'eeⁿ jo' jo'.

⁴⁶ Jndä jo' saanndaa'â ñ'eⁿñê Caná ts'ondaⁿa Galilea, yuu na seicwaqueeⁿ ndaa na s'aana' winom. Ndo' tsjoom Capernaum tyom'aaⁿ cwii ts'aⁿ na cwiluiit'maⁿñê cantyja 'naaⁿl' gobiernom. Tyochjoo, jnda tsaⁿñeeⁿ, m'aaⁿ na wii!. ⁴⁷ Quia na jndii tsaⁿñeeⁿ na jndä squiaqayâ Galilea ñ'eⁿ Jesúz na jnaaⁿyâ Judea, tja tsaⁿñeeⁿ na m'aaⁿyâ. S'aa ty'oo nnoom na cjaⁿ waa', na catsein'maaⁿ tyochjoo jnda, ee juu mañe'cue!. ⁴⁸ Ndo' matso Jesúz nnom:

—'O maxjeⁿ tixocala'yu'yo' na waa najndo xeⁿ ticanty'ia'ndaqâ'yo' na nnts'aa yuu na xocandaqâ na nluii na cwe' ts'aⁿ nnts'aa.

⁴⁹ Nquii ts'aⁿ na cwiluiit'maⁿñê ñ'eⁿ gobiernom t'oⁿndyoo Jesúz. Tso:

—Jeeⁿ 'u Ta, maje'ndyo cjaⁿ w'aya, cwii tyooweⁿ til'jndaaya.

⁵⁰ Tso Jesúz nnom tsaⁿñeeⁿ:

—Cjaⁿ ee maxjeⁿ nlco'yanaⁿ tyochjoo jnda!.

Ndo' juu tsaⁿs'a'ñeeⁿ seiyoom'm ñ'oom na tso Jesús. Tjalcweeⁿ'eⁿ waⁿaⁿ. ⁵¹ Ndo' yocheⁿ na mawjaaweⁿ'eⁿ Capernaum, tquiocatjomndye mosoom'm. Jla'candiina jom, jluena:

—Jndā wjaaco'yana' tyochjoo jndā'.

⁵² Tax'eeⁿ ndāq naⁿ'ñeeⁿ ljo' xjeⁿ jnaⁿna' na tjaco'yana' jnaaⁿ. Ndo' t'qoⁿ naⁿ'ñeeⁿ nnoom:

—Wjacheⁿ chjooti na teinom na quiajmeiⁿ 'ndii tycu na matseicona' jom.

⁵³ Quia jo' tsotye tyochjoo'ñeeⁿ sei'nooⁿ'oⁿ na mañejuu xjeⁿ'ñeeⁿ tso Jesús nnoom na nlco'yana' tyochjoo jnaaⁿ. Ndo' seiyoom'm ñ'eⁿ Jesús, mati cha'tsondye nn'aⁿ waⁿaⁿ.

⁵⁴ Luuaⁿ ts'iaaⁿ na jndā we na s'aa Jesús na tueⁿ'eⁿ Galilea na jnaaⁿ Judea, na juu ts'iaaⁿ'ñeeⁿ tixocaluii na cwe' meiⁿnquia ts'aⁿ nnts'aa.

5

Sein'maⁿ Jesús ts'aⁿ yuu waa peila

¹ Jndā na tuii nmeiⁿ', saayâ Jerusalén ñ'eⁿ Jesús ee tyowaa xuee na jaa nn'aⁿ judíos cwila't'maaⁿ'ndyo. ² Nnom tsjoom Jerusalén tyowaa cwii 'ndyoots'a t'maⁿ na jla'cajndyuna 'Ndyoots'a Canmaⁿ. Manndyoo' juuna' tyowaa cwii peila t'maⁿ na ñequio ñ'oom hebreo jndyuna' Betesda. Ndiochenⁿ peila'ñeeⁿ niom 'om l'aa na cwe' wanaaⁿto. ³ Naquii' l'aa'ñeeⁿ tyomaⁿ cwii tmaaⁿ nn'aⁿwii, ñ'eⁿ nn'aⁿ na nchjaanⁿ, ñ'eⁿ nn'aⁿ na tileic'ooca', ñequio nn'aⁿ na jndā teintjeiⁿ luee, nc'ee'. Tyomeindoo'na na nleiwoⁿ ndaatoo na ñjom peila'ñeeⁿ. ⁴ Ee tquiachenⁿ tquia mandyocue cwii ángel na matseitsjā ndaatoo'ñeeⁿ. Ndo' quia

na jndā tuii na ljo', juu ts'aⁿ najndyee na nncuo^o jo' jo', nn'maⁿ meiⁿquia tycu na matjom. ⁵ Jo' jo' tyom'aaⁿ cwii tsans'a na jndā ntquiuu nchoo' quii nchoo' ñeeⁿ chu na wii'. ⁶ Ntyiaa' Jesús juu na waa. Ndo' nc'e na ntyjeeⁿ na jndā teijndye xuee na matjom na lcaa', matsoom nnom:

—¿Aa ñe'can'maⁿ?

⁷ Ndo' t'o ts'aⁿ na wii' nnoom. Matso:

—Ta, tjaaa 'ñeeⁿ nnchjeeñe ja quii' ndaa quia na cwitsjana', ee yocheⁿ na matseijndo, cwiicheⁿ ts'aⁿ jndā teinom' ja.

⁸ Ndo' matso Jesús nnom:

—Quicantyja', catseilcwiindyu' tsue' ndo' cja'ca'.

⁹ Mañoom' tco'yana' tsaⁿ'ñeeⁿ, n'maaⁿ. Jndā jo' seilcwiinē tsuee 'naaⁿaⁿ, tooⁿ'oⁿ na tjacaⁿ. Ndo' xuee'ñeeⁿ xuee na jaa nn'aⁿ judíos cwita'jndyaaya.

¹⁰ Cwe' jo' nt'om nn'aⁿ judíos tyoluena nnom juu ts'aⁿ na jndā n'maⁿ:

—Je' xuee na cwita'jndyaaya. Ljeii na matsq'a ntjomna' tinquiaana' na wanaaⁿ na nncja'ñl'oom' tsue'.

¹¹ T'o tsaⁿ'ñeeⁿ ndaqana:

—Nquii ts'aⁿ na sein'maⁿ ja matso nooⁿ na catseilcwiindyo^o tsuee 'na'ya ndo' cjoñ'ø'ya juuna'.

¹² Ta'x'ee naⁿ'ñeeⁿ nnoom, jluena:

—¿'Ñeeⁿ juu tsan'ⁿ'ñeeⁿ na matso njom' na catseilcwiindyu' tsue' ndo' cja'ca'?

¹³ Saq juu ts'aⁿ na jndā n'maⁿ ticaljeiiⁿ 'ñeeⁿ sein'maⁿ jom. Ee nc'e jndye nn'aⁿ tyom'aⁿ jo' jo', jo' chii teindyoo Jesús. ¹⁴ Jndānquia ljeii Jesús tsaⁿ'ñeeⁿ naquii' wats'om t'maⁿ 'naaⁿ nn'aⁿ judíos. Matsoom nnom:

—Je' que^{n!} cwenta, jndā n'ma^{n!}, cja'meintyje' na matsei'tjooñdyu' nnom Ty'oots'om cha tintjom' cwii na cwajndiiticheⁿ.

¹⁵ Ndo' tsans'a'ñeeⁿ tjacatsoom ndaq nn'aⁿ judíos na nquii Jesús sein'maⁿ jom. ¹⁶ Cwe' nc'e jo' tyol'uee nn'aⁿ judíos'ñeeⁿ na cat'uiina' Jesús. Tyojoo' n'omna na nla'cuee'na jom, ee tyoch'eeⁿ ts'iaan'mei^{n!} meiiⁿ xuee na cwita'jndyeena. ¹⁷ Saa Jesús t'ooⁿ ndaana, tsoom:

—Tsotyaya ñequii'cheⁿ mach'eeⁿ ts'iaanⁿ, ndo' mati ja.

¹⁸ Jnaa^{n!} ñoomwaa' nn'aⁿ judíos'ñeeⁿ tyojoo'ti n'omna na nla'cuee'na jom. Ee cantyja na cwitteii'na cwenta nchii macandā na seitjooñê cantyja 'naan^{n!} xuee na cwita'jndyeena, saa^a mati nquiuna na seitjooñê na tsoom na Ty'oots'om cwiluiñe Tsotyeeⁿ, ee na laa'ti' mach'eeⁿ na ñe'cwii cwiluiñê ñ'eññe.

Waa najndeii na matseixmaⁿ Jnda Ty'oots'om

¹⁹ Quia jo' matso Jesús ndaq na^{n!}ñeeⁿ:

—Ñoom na mayuu'cheⁿ matseinaⁿya ndaq'yo'. Ja na cwiluiindyo Jnda Ty'oots'om, ticalatiuu'yo' na ñequii' cantyja na l'ue ts'ooⁿ nnts'aa. Ja ñequii'chenⁿ cantyja na mant'yia na mach'ee Tsotyaa, jo' na mats'aa. Ee ja na cwiluiindyo Jnaaⁿ, ñequii'chenⁿ mats'aa cha'xjeⁿ na mant'yia na mach'eeⁿ. ²⁰ Ee Tsotyaya m'aaⁿ na candyaa' ts'oom ja na cwiluiindyo Jnaaⁿ. Ma'mooⁿ nooⁿ cha'tso na mach'eeⁿ. Ndo' m'moñtyee'chenⁿ ts'iaanⁿ na t'manti na cats'aa cha cats'aana' na cjaawee'ticheⁿ n'om'yo'. ²¹ Ee cha'xjeⁿ nquii Tsotyaya mañequiaaⁿ na cwitando' l'oo, mati ja na cwiluiindyo Jnaaⁿ

meiⁿquia ts'aⁿ na l'ue ts'ooⁿ mañequia na tseixmaⁿ na ticanycwii na wando!. ²² Tsotyaya meiⁿcwii ts'aⁿ ticu'xeeⁿ. Saa l'oo ja na cwiluiindyo Jnaaⁿ jnd^a tquiaaⁿ cha'waati na nntu'xeⁿndye nn'aⁿ. ²³ Ee l'ue ts'oom na ñecwii xjeⁿ cala't'maaⁿndye nn'aⁿ ja na cwiluiindyo Jnaaⁿ, cha'xjeⁿ cwila't'maaⁿndye na jom. Saa meiⁿcwi'ñeeⁿcheⁿ ts'aⁿ na tiñe'catseit'maaⁿñe ja na cwiluiindyo Jnaaⁿ mein Tsotyaya tictatseit'maaⁿñe tsaⁿñeeⁿ.

²⁴ 'Ñ'oom na mayuu'cheⁿ matsjoo ndaaⁿyo'. Ñeeⁿ juu na mandii ñ'oom 'ndyo ndo' matseiyu' ñequio nqueⁿ na jñoom ja, juu tsan'ñeeⁿ matseixmaⁿ na ticanycwii na wando!, meiⁿ ticatu'xeⁿñe cantyja jnaaⁿ!. Ñeseixmaⁿ na ts'oo juu saa je' matseixmaⁿ na ticanycwii na wando!. ²⁵ Ñ'oom na mayuu'cheⁿ matsjoo ndaaⁿyo'. Nncue'ntyjo xjeⁿ ndo' je' mawe'ntyjona' quia na nndye nn'aⁿ na jnd^a tja jndye ja na cwiluiindyo Jnda Ty'oots'om. Ndo' nn'aⁿ na cwila'yu' ñ'eⁿndyo nñequia na nnta'ndo'na. ²⁶ Ee cha'xjeⁿ nquii Tsotyaya matseixmaaⁿ na wanoom'm cantyja 'naaⁿ nqueⁿ, malaa'ti' jnd^a tquiaaⁿ nooⁿ na cwiluiindyo Jnaaⁿ, na matseixmaaⁿya na wando'a cantyja 'naaⁿnnco. ²⁷ Ndo' jnd^a tquiaaⁿ najndeii na matseixmaaⁿna ja nncu'xaⁿnn'aⁿ cantyja jnaaⁿna, nc'e cwiluiindyo ts'aⁿ na jnaⁿ cañoom'luee. ²⁸ Tacal'a'yo' na jeeⁿ cwijaawee' n'om'yo' na luaa' tsjoo ee nncue'ntyjo xjeⁿ na cha'tso l'oo na too'ndye ndei'luaa, nndyena jndyeya. ²⁹ Joo nn'aⁿ na jnd^a ñel'a na maty'iomyana', nntando'xcona na ticanycwii na cwita'ndo'na. Saa joo nn'aⁿ na tyoolaxmaⁿ na maty'iomyana', nntando'nnda'na

na nnt'uiityeⁿna' joona.

Waa najndeii na matseixmaⁿ Jesús

³⁰ Tjaa na nndaq nnts'aa cantyja na matseixmaⁿ nnco. Cha'xjeⁿ na matseijndo['] Ty'oots'om ts'ooⁿya, jo' na macu'xaⁿ. Ndo' macu'xaⁿya cha'xjeⁿ na maty'iomyana'. Ee nchii mal'uee'ndyo na nluii yuu na l'ue ts'ooⁿ nnco. Mal'uee'ndyo na nnts'aa yuu na l'ue ts'om Tsotyä na jñom ja quii'ntaaⁿ'yo!. ³¹ Xeⁿ macwji'yuu'ndyo cantyja 'naⁿya, ticaajnda ñ'oom'ñeeⁿ. ³² Saq m'aaⁿ cwiicheⁿ na macwji'yuu'ñe cantyja 'naⁿya, majuu Juan. Ndo' ntyjiiyaya na juu ñ'oom'ñeeⁿ tseixmaⁿna' na mayuu!. ³³ Mancjo'yo' jñom'yo' nn'aⁿ na m'aaⁿ ndo' ñ'oom na tjei'yuu'ñe cantyja 'naⁿya, ñ'oom na mayuu' juuna!. ³⁴ Saq ja ticantyjaa' ts'ooⁿ ñ'oom na cwitjei'yuu'ndye nn'aⁿ cantyja 'naⁿya. Luala' matsjoo cha nndaq nncwji'n'maaⁿndyo 'o. ³⁵ Juan'ñeeⁿ tyoseixmaaⁿ cha'cwijom lámpara na matseixueena' jo ndaq nn'aⁿ. Ndo' 'o xjeⁿ na ñet'oom t'om'yo' na nei'nyo' ee nquiuy'o' ñ'oom na tyoñequiaaⁿ cha'cwijom seixueeñena' naquii' n'om'yo'. ³⁶ Saq waa ñ'oom na macwji'yuu'ñena' cantyja 'naⁿya na t'manti cwiluiiñena', nchiiiti ñ'oom na tjei'yuu'ñe Juan. Joo ts'iaaⁿ na tquiaa Tsotyaya na catseicandaq[']ndyo na mats'aa, joona' cwitjei'yuu'ndyena' cantyja 'naⁿya na nqueⁿ jñoom ja. ³⁷ Ndo' nqueⁿ na jñoom ja quii'ntaaⁿ'yo' macwji'yuu'ñe cantyja 'naⁿya naquii' ñ'oom'm. 'O meiⁿjom ndii' tyoondye'yo' jñeeⁿ'eⁿ, meiⁿ na nnty'ia'yo' chiuu waan. ³⁸ Meiⁿ ñ'oom'm tic'oomna' naquii' n'om'yo', ee 'o tiñe'cala'yu'yo' ñequio ja na jñoom. ³⁹ Tcuu tcuu

cwila'naⁿ'yo! ñ'oom! Ty'oots'om na teiljeii teiyo ee cwila'tiuu'yo! cwe' na cwil'a'yo! na ljo!, jo' na nnda'yo! na ticanycwii na cwitando'yo! jo nnoom. Ndo' joona! cwitjei'yuu'ndyena! cantyja 'na'nya. ⁴⁰ Saa tiñe'cala'jomndyo! cantyja 'na'nya cha nndaq nlaxmaⁿ'yo! na ticanycwii na cwitando'yo!.

⁴¹ 'Ja ticanryjaa! ts'ooⁿ na nla't'maaⁿ'ndye nn'aⁿ ja. ⁴² Ee matsei'noⁿ'a cantyja 'naⁿ'yo! na juu na m'aaⁿ Ty'oots'om na candya' ts'oomb nn'aⁿ, ticala'xmaⁿ'yo! jo!. ⁴³ M'aa'nya quii'ntaaⁿ'yo! ñequio xuee! Tsotyaya, saa 'o ticala'ljo'yo! ja. Saa xeⁿ cwiichen ts'aⁿ nncwjee' ñequio xuee' nquii, maxjeⁿ nla'ljo'yo! juu. ⁴⁴ 'O cwil'ue'yo! na nla't'maaⁿ'ndye nc'ia'yo! 'o, saa tical'ue'yo! na ntseit'maaⁿ ñe nquii Ty'oots'om 'o. Ndo' na luua' cwil'a'yo!, tixocanda^a nla'yu'yo! ñ'eⁿndyo. ⁴⁵ Saa ticala'tiuu'yo! na man-ncoty^a nntsjoo^a jnaⁿ'yo! nnom Tsoty^a. M'aaⁿ cwi-icheⁿ na mañequiaa jnaⁿ'yo!, manquiiti Moisés, tsaⁿ na jeen cwicantyjaa' n'om'yo!. ⁴⁶ Xeⁿ cwila'yu'yo! ñequio Moisés, quia jo' mati nla'yu'yo! ñ'eⁿndyo, ee seiljeiⁿ cantyja 'na'nya. ⁴⁷ Saa xeⁿ 'o tiñe'cala'yu'yo! ñ'oom na seiljeiⁿ, quia jo' ¿chiuu ya nl'a'yo! na nla'yu'yo! ñ'oom na matseina^a?

6

*Tquiaa Jesúus na tcwa' 'om meiⁿ nn'aⁿ
(Mt. 14:13-21; Mr. 6:30-44; Lc. 9:10-17)*

¹ Jndaq teinom na nmeiiⁿ!, teity'iⁿo^a ndaaluee Galilea ñ'eⁿ Jesúus na mati jndyu juuna! Tiberias. ² Ndo' cwii tmaaⁿ nn'aⁿ na jndyendye ty'entyjona naxeeⁿeⁿ ee jndaq nty'iaandaa^a ts'iaaⁿ t'maⁿ

na tyoch'eeⁿ na tyotsein'maaⁿ nn'aⁿwii. ³ Quia jo' jâ nn'aⁿ na t'maaⁿ na cala'jomndyô ts'iaaⁿ na mach'eeⁿ, saawaayaâ cwii sjo ñ'eⁿñê. Jo' jo' saawindyuaandyô. ⁴ Ndo' quia ljo' mandyoo' nncuee' xuee pascua na jaa nn'aⁿ judíos cwilacwjaaya canmaⁿ. ⁵ Ndo' Jesús jleity'iom nnoom, mantyliaaⁿaⁿ jndâ manquioquie cwii tmaaⁿ nn'aⁿ na jndyendye. Quia jo' matsoom nnom Felipe:

—¿Yuu nla'jndaaya nantquie cha nndaa^q nlcwa' cha'tsondye naⁿm'aⁿ?

⁶ Luua' matsoom cha nleitquioo' chiuu m'aaⁿ ts'om Felipe. Ee nqueⁿ mantylîcheen ljo' nnts'aaⁿ.

⁷ T'o Felipe nnoom, matso:

—Meiⁿ xeⁿ we siaⁿnto s'om denarios na nlacatsuuya na nla'jndaaya ntyoo', saa^q maxjeⁿ xocwi-jndeii juuna' na nlcwa' cwii cwii joona meiiⁿ ñe'chjoowi'.

⁸ Cwii ncjoondyô nn'aⁿ na cwindyaayâ ñ'oom na mañequiaaⁿ, tsaⁿ na jndyu Andrés, tyjee Simón Pedro, matso nnom Jesús:

⁹ —Ñjaⁿ m'aaⁿ cwii tyochjoo na maleiñ'oom 'om taⁿ tyoo' na tuiina' ñequio jndaa^qtyoo' lqueeⁿ cebada ñ'eⁿ we catscaa chjoo na jndâ jneiiⁿ saa^q cwaaⁿ nndaa^q nmeiⁿ na jndyendye nn'aⁿ?

¹⁰ T'o Jesús, matsoom ndaa^qyâ:

—Candu'yo' ndaa^q nn'aⁿ na cwindyuaandyena. Ndo' jo' jo' jndye jndâ nch'u niom. Quia jo' teindyuaandye nn'aⁿ, ndo' tuee' cha'na 'om meiⁿndye naⁿnom. ¹¹ Quia jo' to'ñom Jesús ntyoo'ñeeⁿ. Tquiaaⁿ na quianl'uaa' Tsotyeeⁿ cantyja'naaⁿjoona'. Jndâ jo' tyoc'oom joona' ndaa^q jâ nn'aⁿ na t'maaⁿ na cala'jomndyô ñ'eⁿñê. Ndo'

jâ t'ooⁿyâ joona' ndaq na nn'aⁿ na meindyuaandye. Ndo' malaa'ti' s'aaⁿ ñequio calcaa nch'u, cwanti na ñe'catquiina na cwii cwiindyena. ¹² Jndq na tjacjoona, quia jo' ndaq jâ na cwila'jomndyô ñ'eⁿñê tsoom:

—Cala'tjom'yo' ntaⁿl cajndaa na 'ndiina' cha tints'aana' na cwe' nlei'ndaa'na'.

¹³ Ndo' jlatjooⁿyâ ntaⁿl ntyoo' na 'ndiina' na tcwa' naⁿñeeⁿ na tuiina' ñ'eⁿ jndaaatyoo' cebada. Jla'catqoⁿâ canchoo'we tsquiee ñ'eⁿ joona'. ¹⁴ Ndo' naⁿñeeⁿ, jndq na nty'iaana ts'iaaⁿñeeⁿ na s'aaⁿ na ma'moⁿna' na waa najndeii na cwiluiñê, tyoluenaa:

—Mayuu'chenⁿ tsans'am'aaⁿ cwiluiñê nquii profeta na mawaa ljeii na matsona' na nncwje'cañoom tsjoomnancue na nñequiaa ñ'oom' Ty'ooots'om.

¹⁵ Ndo' sei'noⁿl Jesús na mawaa xjenⁿ na nnquioc'om naⁿñeeⁿ jom ndo' ñequio najndeii'na' na nlqueⁿna jom na nluiiñê rey. Cwe' jo' cwiicheⁿ cwii ndii' tjannaanⁿaⁿ na ñenqueⁿ jo sjo.

Tjacaa Jesús nnom ndaaluee (Mt. 14:22-27; Mr. 6:45-52)

¹⁶ Ndo' quia na tuee' na jndq tmaanⁿ, jâ nn'aⁿ na t'maⁿ Jesús na cala'jomndyô ñ'eⁿñê, saacuqayâ, squiqayâ 'ndyoo ndaaluee. ¹⁷ Jo' jo' tuqoyâ cwii w'aanda, na nncwity'iqoⁿâ ndaaluee na nntsquiaqayâ Capernaum. Ndo' quia tuee' na teijaaⁿ, ticando' na nncwje'cañoom jâ. ¹⁸ Ndo' nc'e na jndeii tioo jndye tyotseiwena' ndaaluee'ñeeⁿ. ¹⁹ Jo' chii ñe'om oo yom kilómetros jndq tjacaa w'aandaalⁿñeeⁿ na cwicantyjaandyô n'oom pala'. Xjenⁿñeeⁿ nty'iaayâ na mandyocaa Jesús nnom

ndaaluee na matseicandyoo'ñê na m'aan'yâ. Jeeⁿ ndya' jla'catyuendyô. ²⁰ Tsoom ndaqayâ:
—Mannco^o lualañe, tilacatyuendyo'.

²¹ Jeeⁿ ndya' neiiⁿyâ s'aana' na to'ñqoⁿyâ jom ts'om w'aandaa. Ndo^o mantyjacheⁿ tue'cañoom juuna' yuu na cwitsaayâ.

Cwil'uee nn'aⁿ Jesús

²² Ndo^o teincoo cwiicheⁿ xuee, nn'aⁿ na jndyendye na ljoo'ndye xndyaa' ndaaluee yuu na tquiaa Jesús na tcwa'na, tyoqueⁿna cwenta na ñe'cwii w'aandaa chjoo ñetuaa. Tjañjoom^o n'omna na tîcuoⁿ juuna' ñequiondyô jâ nn'aⁿ na cwila'jomndyô ts'iaaⁿ na mach'eeⁿ. ²³ Saa nt'omcheⁿ l'aandaa nch'u na jnaⁿ Tiberias, tquie'cañomna^o yuu na tcwa' naⁿñeeⁿ ntyoo'ñeeⁿ na jndä tquiaa Ta Jesús na quianl'uaa^o Tsotyeeⁿ. ²⁴ Quia jo' tuo^o naⁿñeeⁿ l'aandaa nch'u'ñeeⁿ. Ty'ena tquieno Capernaum na ty'ecal'ueena Jesús. Ee jla'noⁿna na tac'oomñê yuu na tquiaaⁿ na tcwa'na, mein^o jâ nn'aⁿ na t'maaⁿ na cala'jomndyô ñ'eⁿñê ts'iaaⁿ na mach'eeⁿ.

Jesús cwiluiñê tyoo' na cwita'ndo' nn'aⁿ

²⁵ Ndo^o quia na jndä jliuna Jesús cwiicheⁿ xndyaa' ndaaluee, tyoluena nnoom:

—Maestro, ¿ljo^o xjeⁿ jndyo^o luala?

²⁶ T'ooⁿ ndaqana, matsoom:

—Ñ'oom na mayuu'cheⁿ na matsjoo^o ndaq^o'yo^o. 'O cwil'ue'ya'yo^o ja nchii nc'e na nty'ia'yo^o ts'iaaⁿ na s'aa na tixocandäa nts'aa cwe^o mein^oquia ts'aⁿ saaq cwe^o nc'e na tcwa'yo^o tyoo^o na tquiaana^o na tjacio'yo^o. ²⁷ 'O cwijoo^o n'om'yo^o na nleijn-daa^o nantquie, ndo^o joona^o 'naⁿ na cwilei'ndaa^o.

Saq ticaty'iomna' na cwil'a'yo' na ljo!. Calajndaq'yo' na nliu'yo' cwii na cha'cwijom nantquie na cantyja 'naa'n' juu jo' nla'xma'n'yo' na ticantry-cwii na cwitando'yo'. Ja na cwiluiindyq ts'a'n na jna'cañoom'luee ñequia juu na matseijomna' nantquie naquii' n'om'yo' ee Tsotyaya Ty'oots'om ma'moq'n na jndaq tqueen ja ts'iaa'meii'n.

28 Quia jo' nt'omndyena jluena nnoom:

—¿Ljo' maca'na' na cal'aayâ cha na nncjaawee' ntyjii Ty'oots'om jâ?

29 T'o Jesús ndaq'ana, matsoom:

—Luaa waa na l'ue ts'oom ñ'e'ndyo' na calayu'yo' ñequio ja na jñoom.

30 Jo' chii t'qona nnoom:

—¿Cwaan' cwii nnom na nntsa' nnty'iaayâ na tixocaluii na cwe' ts'a'n nnts'aa cha m'moq'na' ndaq'ayâ na waa na cwiluiindyu' ndo' cha na nla'yuu'â ñ'e'ndyu'? **31** Nquiee weloo welooya tyocwa'na maná quia tyom'a'na ndyuuaa yuu na tjaa nn'a'c'om, cha'xje' na matso ljeii ñ'oom' Ty'oots'om na teiyo teiljeii: "Tquiaa Ty'oots'om tyoo' na jna'cañoom'luee na tcwa'na."

32 T'o Jesús ndaq'ana, matsoom:

—Ñ'oom na mayuu'che' matsjoo' ndaa'yo'. Juu maná na tquiaa Moisés nchii cwiluiiñena' tyoo' na jna'na m'aa'n Ty'oots'om. Saq nquii Tsotyaya mañequiaa' juu na mayuu' na jna'na m'aa'na cañoom'luee na matseijomna' juu cha'na tyoo'.

33 Juu na cwiluiiñe tyoo' na mañequiaa Ty'oots'om, cañoom'luee jna' jndyocue. Juu mañequiaa na la'xma'n nn'a'na ticantry-cwii na cwita'ndo'na.

34 Quia jo' tyoluena nnoom:

—Jeeⁿ 'u Ta, ñenquii'cheⁿ quiaa' tyoo'meiⁿⁱ' ndaayâ.

35 Ndo' t'o Jesús ndaana, matsoom:

—Ja cwiluiindyo tyoo' na mañequiaya na la'xmaⁿ nn'aⁿ na ticanycwii na cwita'ndo'na. 'Ñeeⁿ juu ts'aⁿ na nntioñe l'oo, matseijomna' juu cha'cwijom ts'aⁿ na jndä tjacjoo' na macwa'. Ndo' 'ñeeⁿ ts'aⁿ na matseiyu' ñ'eⁿndyo nquioo na teiin naquii' ts'om cha'na quia ma'uu ts'aⁿ ndaa. **36** Saä cha'na ñ'oom na jndä tsjooya ndaa'yо', meiiⁿ na jndä nty'ia'ndaa'yо' ts'iaaⁿ na mats'aa, maxjeⁿ ticala'yu'yо'. **37** Cha'tso nn'aⁿ na mañequiaa Tsotyaya l'oo, nntioondyena l'oo. Ndo' 'ñeeⁿ juu ts'aⁿ na nntioñe l'oooya tijoom nnts'aa na tico'ñⁿ juu. **38** Ee ja na jnaanya caáoom'luee nchii na jndyoo na cats'aa ljo' na l'ue ts'ooⁿ. Saä jndyoo na cats'aaya yuu na l'ue ts'om nqueⁿ na jñoom ja. **39** Ndo' Tsotyaya na jñoom ja lcaa waa na l'ue ts'oom na cats'aa, na cha'tsondye nn'aⁿ na jndä tquiaaⁿ l'oooya, meiⁿcwiindy joona ticatsuuñe añmaaⁿ. Ndo' xuee na macandä nñequia na nnta'ndo'xco cha'tsondye joona. **40** Ee Tsotyaya l'ue ts'oom na cha'tsondye nn'aⁿ na cwinty'iaa ja na cwiluiindyo Jnaanⁿ na cwila'yu' ñ'eⁿndyo nnto'ñoomna na ticanycwii na cwita'ndo'na. Ndo' xuee na macandä ja nñequia na nnta'ndo'xco joo nn'aⁿ na jndä tja.

41 Jndä na tso Jesús ñ'oomwaa', tyola'ncjoo'ndye nn'aⁿ judíos'ñeeⁿ ñ'oom na tsoom: "Ja cwiluiindyo tyoo' na jnaanya cañoom'luee."

42 Ee tyoluena:

—Jesúsm'aa^{n'} ḡaa nchii jnda José jom? Cwita'jnaa^{n'}a tsotyeeⁿ, tsoñeeⁿ. ḡChiuu na tsoom na jnaaⁿ cañoom'luee, jndyocueeⁿ?

⁴³ T'o Jesús, matsoom ndaq̃a na^{n'}ñeeⁿ:

—Tala'ncjoo'ndyo' cantyja 'naa^{n'} ñ'oomwaa'.

⁴⁴ Ee tjaan'aⁿ cwii ts'aⁿ na nndaq̃a nntioñe l'oo xeⁿ nchii Tsotyä na jñoom ja nnts'aaⁿ na cats'aa tsa^{n'}ñeeⁿ na ljo'. Ndo' xuee na macandä ja nnts'aa na nncwando'xco tsa^{n'}ñeeⁿ. ⁴⁵ Ee profetas, waa ñ'oom na jla'ljeiina na matsona': "M'moⁿ Ty'oots'om ndaq̃a cha'tso nn'aⁿ." Luala' ñe'catsona' na ticwii cwii ts'aⁿ na jnda jndii ñ'oom na ma'moⁿ Ty'oots'om ndo' jndä sei'no^{n'} juuna', tsa^{n'}ñeeⁿ nntioñe l'ooya.

⁴⁶ 'Ñ'oomwaa' tica'moⁿna' na jndä nty'iaa' ts'aⁿ Tsotyaya Ty'oots'om. Macandä ja na jñoom quii'ntaa^{n'}yo', ja jndä nty'ianooⁿya jom. ⁴⁷ Ñ'oom na mayuu'cheⁿ matsjooⁿ ndaa^{n'}yo', ñeeⁿ juu na matseiyu' ñ'eⁿndyoⁿ juu matseixmaⁿ na tican-

ticwii na wando' añmaaⁿ'. ⁴⁸ Ja cwiluiindyø tyoo' na mañeiquiaya na cwita'ndo' nn'aⁿ. ⁴⁹ Weloo weloo'yo' tcwa'na maná jo ndyuua yuu na tjaan nn'aⁿ c'om, ndo' tjaana. ⁵⁰ Ja cwiluiindyø tyoo' na jnaaⁿya cañoom'luee. Meincwi'ñeeⁿcheⁿ ts'aⁿ na nlcwa', tixocatsuuñe. ⁵¹ Ja na jnaaⁿya cañoom'luee cwiluiindyø tyoo' na mañeiquiaya na cwita'ndo' nn'aⁿ. Meincwi'ñeeⁿcheⁿ ts'aⁿ na nlcwa' tyoo'waa mamatseixmaⁿ na tican-

ticwii na wando'. Ndo' juu tyoo' na mañeiquiaya cha na nnta'ndo'na jo nnom Ty'oots'om, seii'a cwiluiñe Jo'.

⁵² Ñ'oomwaa' s'aana' na jla'ncjoo'ndye nn'aⁿ judíos'ñeeⁿ ñequio nc'iaana. Tyoluena:

—Manquiuyua na xocandaa nñequiaa tsaⁿm'aaⁿ seiiⁿ'eⁿ na nntquiaa.

⁵³ Quia jo' tsoticheⁿ Jesú^s ndaqaa:

—Ñ'oom na mayuu'cheⁿ matsjoo^o ndaa^{'yo}', xeⁿ ticatquie^{'yo}' seii['] ja na cwiluiindyo^o ts'aⁿ na jnaⁿ cañoom'luee ndo['] na cwe^{'yo}' nioom'a, ticala'xmaⁿ'yo['] nn'aⁿ na tando['] añmaaⁿ. ⁵⁴ Nquii ts'aⁿ na jndaa tquii seii'a ndo['] jndaa t'uu nioom'a tseixmaⁿ na ticanycwii na wando[']. Ndo['] xuee na macandaa nnts'aaya na nncwando'xcoom. ⁵⁵ Ee seii'a matseixmaⁿa' nantquie na tjacantyja naya ndo['] nioom'a matseixmaⁿa' juu na nnc'u^u ts'aⁿ na tjacantyja naya. ⁵⁶ Meincwi'ñeeⁿcheⁿ ts'aⁿ na maquii seii'a ndo['] ma'u^u nioom'a, tyeⁿ matseitjoom'ⁿa' tsaⁿ'ñeeⁿ ñ'eⁿndyo^o, ndo['] tyeⁿ matseitjoom'ⁿa' ja ñ'eⁿñê. ⁵⁷ Nquii Tsotyaya na jñoom ja quii'ntaaⁿ'yo['], jom wanoom'm ndo['] cantyja 'naaⁿ'a mati wando^{'a}. Maluaa' matseijomna' ñ'eⁿ ts'aⁿ na maquii seii'a, nncwando' añmaaⁿ' cantyja 'nanya. ⁵⁸ Matseina^qya cantyja 'naaⁿ' nquii na cwiluiñe tyoo['] na jnaⁿ cañoom'luee. Tyoo'waa titseixmaⁿa' cha'na maná na tcwa['] weloo welo^{'yo}' ndo['] tjaana. Saa^q ticatseijomna' cantyja 'nanya cha'na maná'ñeeⁿ. Ee meincwi'ñeeⁿcheⁿ ts'aⁿ na nlcwa['] tyoo['] na matseixmaⁿya, tijoom nncue['], m'aaⁿ ndo['] m'aaⁿ na wando['].

⁵⁹ Ñ'oommeiⁿ seineiⁿ Jesú^s yochen na tyo'moo^oⁿ ndaa^o nn'aⁿ quii['] wats'om 'naaⁿ nn'aⁿ judíos tsjoom Capernaum.

Ñ'oom na ticanycwii na wando['] añmaaⁿ' ts'aⁿ.

60 Majndye nn'aⁿ na tyola'jomndye ñ'oom na tyoñequiaaⁿ, quia jndyena ñ'oomwaa' jluena:

—Jeeⁿ jndeい'na' ñ'oom na matseineiiⁿ, tixo-candaq̄ nlajomndyo juuna!.

61 Ntyjii Jesúś naquii' ts'oom na cwila'ncjoo'ndye naⁿñeeⁿ cantyja ñ'oom na seineiiⁿ ndaq̄ana. Jo' chii tsoom ndaq̄ana:

—¿Aa cwila'lewe' ñ'oommeiⁿ 'o? **62** Quia jo' c'oom'yaya n'om'yo' chiuu nnts'aana' 'o quia nnty'ia'ndaq̄a'yo' ja na cwiluiindyo ts'aⁿ na jnaⁿ cañoom'luee na nncjowaannda'a nandye yuu na ñet'ooⁿjndyaa. **63** Macanda nquii Espíritu mañequeiaaⁿ na cwita'ndo' nn'aⁿ jo nnom Ty'oots'om. Nchii cantyja 'naaⁿ seiina na la'xmaⁿna na ljo!. Ñ'oom na mañequeiaaya cwiluiñena'cantyja 'naaⁿ Espíritu ndo'nc'e juuna' jo' na wando' ts'aⁿ. **64** Saq̄ ndicwaⁿ ñ'eeⁿndyo' na ticalayu'yo' ñ'eⁿndyo.

Luaa' matsoom ndaq̄ana ee cantyjati na tooⁿoⁿ na mañequeiaaⁿ ñ'oom, mantyjeeⁿ 'ñeeⁿ joo na ticala'yu' ñ'eⁿñê, ndo' 'ñeeⁿ juu na nñequeiaa cwenta jom. **65** Matsotyeeⁿcheⁿ:

—Cwe' nc'e jo' na jndaq̄ tsjoo^q ndaq̄a'yo' macanda nndaq̄ ntseijomñe ts'aⁿ ñ'eⁿndyo quia mañequeiaa Tsotyaya na caluui na ljo!.

66 Ndo' nc'e ñ'oomwaa', majndye nn'aⁿ na tyondyejndyeena ñ'oom na tyoñequiaaⁿ, ty'elcwee'na. Taticala'jomndyetina ñ'eⁿñê. **67** Jo' na tax'eeñê ndaq̄ jâ nn'aⁿ na canchoo'we na t'maaⁿ na cala'jomndyo^q ñ'eⁿñê, matsoom:

—Ndo' 'o je' ¿aa mati nntoⁿndyo' ñ'eⁿndyo?

68 Simón Pedro t'ooⁿ, matsoom:

—Jeeⁿ 'u Ta, ticatsona' na nla'jomndyô ñ'eⁿ cwi-icheⁿ ts'aⁿ, ee ñ'oom na matseinei^{n!} mañequiaana' na ticanycwii na cwitando^o'â. ⁶⁹ Ndo' jâ jndâ macwila'yuu'â ndo' jndâ macwila'no^o^{n!}â na 'u cwiluiindyu' Cristo, Jnda Ty'ooots'om na wando'.

⁷⁰ T'ó Jesús, matsoom ndaqayâ:

—Ja tjeii'a 'o na canchoo'wendyo'. Ndo' cwii 'o m'aanñe cantyja 'naa^{n!} tsaⁿjndii.

⁷¹ Luua' matsoom na ma'mooⁿ Judas Iscariote, jnda Simón. Ee tsa^{n!}ñeeⁿ nñequiaa cwenta jom. Mati juu cwii jâ na canchoo'wendyô.

7

Tiñecala'yu' ntyjee Jesús ñ'eⁿñê

¹ Jndâ tuii na nmeii^{n!} tyoma'nqoⁿyâ ts'onda Galilea ñ'eⁿ Jesús. Ee jnaa^{n!} na tyoquenndye nn'aⁿ na cwiluiitquiendye ndaqâ nn'aⁿ judíos na ñe'cala'cuee'na jom, jo' chii tiñe'cjaⁿ Judea. ² Ndo' jaawindyoo' na nncuee' ncuee na cwila't'maa^{n!}ndye nn'aⁿ judíos quia na quil'ana xenñquie' ncwa^{n!} na cwijaañjoom' n'omna chiuu ñet'om weloo weлоona ndyu'ñeeⁿcheⁿ. ³ Ndo' na manncuee' xuee'ñeeⁿtyolue ntyjeeⁿ nnoom:

—Cwa sa, calui' ñjaanñe. Cja' Judea cha nn'aⁿ na m'aⁿla'ñeⁿ na cwila'jomndye ñ'oom na mañequiaa' mati nnty'iaana ts'iaaⁿ na mache!. ⁴ Ee ts'aⁿ na matseicantyjaa' ts'om na cala'yu' nn'aⁿ ñ'eⁿñê, ticatsona' na nljoo'ñe jo jndaqâ. Quiaandyu' na caliu cha'tso nn'aⁿ ts'iaaⁿ na mache!.

⁵ Nmeii^{n!} jluena nnoom ee meiⁿ joona ticala'yu'na ñ'eⁿñê. ⁶ Quia jo' matsoom ndaana:

—Tyoowe'ntyjo xjeⁿ na ca'mooⁿya ndaq^a nn'aⁿ na cwiluiitquiendye na cwiluiindyo nquii na macwji'n'maaⁿñe nn'aⁿ. Saa^a 'o meiⁿquia xjeⁿ na ñe'conom'yo', tjaan'aⁿ na teincuu!. ⁷ Joo nn'aⁿ tsjoomnancue tijndoona 'o. Saa^a cantyja 'naⁿ ja lualañe, ñequii'cheⁿ m'aⁿna na jndoona ja, cwe['] nc'e na macwji'yuu'ndyo cantyja 'naaⁿ natia na cwil'ana. ⁸ Tsa'yo['] na ñencjo'yo['] xueewaa!, ja tjoochetⁿ na nncjo['] xuee. Ee tjoochetⁿ na nntseica'moⁿndyo['] na cwiluiindyo['] nquii na macwji'n'maaⁿñe nn'aⁿ.

⁹ Ndo['] jnda^a na tsoom na luala['] ndaana, ljoo'ñetyeeⁿ we ndyee xuee Galilea.

Tja Jesús na tuee' xuee xeⁿnquie' ncwaⁿ!

¹⁰ Ndo['] jndaq^a na ty'e ntyjeeⁿ na tuee' xuee, quia jo['] mati jom tjantyjoⁿ, saa^a títseica'moⁿñê ndaq^a nn'aⁿ. Tjaan'aⁿ cha'cwijom ts'aⁿ na tical'ue ts'om na caliu nn'aⁿ na m'aaⁿ. ¹¹ Ndo['] nn'aⁿ judíos na ticuee' n'omna jom jeeⁿ tyol'ueena jom quii'ntaaⁿ nn'aⁿ na tquio ncuee. Tyota'x'leena, tyoluena:

—¿Yuu m'aaⁿ tsaⁿ!ñeeⁿ?

¹² Ndo['] t'maⁿ waa na tictatjoom' na jla'neiⁿ nn'aⁿ na jndyendye cantyja 'naaⁿaⁿ. Ee cwantindye joona tyolue: "Ya ts'aⁿñe tsaⁿm'aaⁿ!" Saa^a nt'omcheⁿ tyolue: "Tiyuu!", ee manquiu'nn'aⁿ nn'aⁿ."

¹³ Saa^a cwe['] nc'e na nquiaana nn'aⁿ judíos na cwiluiitquiendye ndaq^aana, jo['] na ticala'neiⁿndyeyuna cantyja 'naaⁿaⁿ.

¹⁴ Jndaq^a na tuee' xcwe ncuee, tjaqueⁿeⁿ naquii['] wats'om t'maⁿ ndo['] jo['] jo['] tyo'mooⁿ

ndaā nn'a^n. ¹⁵ Saā tileicala'nō^n' nn'a^n judíos na cwiluiitquiendye. Tyoluena:

—Nchaa' l'uu na tja tsa^n'm'aa^n' scwela. Quia jo' ¿chiuu na jee^n ya matseitjoom'm ñ'oom?

¹⁶ T'o Jesús ndaāna, matsoom:

—Nchii nncō matseijndaa'ndyō ñ'oom na ma'moōnya. Nque^n na jñoom ja seijndaa'ñê chiuu catsjooya. ¹⁷ Mei^ncwi'ñee^nche^n ts'a^n na ñe'cats'aa cantyja na matsāntjom Ty'oots'om, juu nntsei'nō^n' aa Ty'oots'om seijndaa'ñê ñ'oom na ma'moōnya, oo aa cwe' ñ'oom na seitiuu nncō na mañeiquiaya. ¹⁸ Mei^ncwi'ñee^nchen ts'a^n na macwjij' ñ'oom cantyja 'naa^n' nquii, matseijndeii tsa^nñee^n na caluiit'ma^nñê ndaā nc'iaan'a^n. Saa ts'a^n na matseijndeii na catseit'maa^nñena' nquii na jñom jom, tsa^nñee^n cwiluiiñê na mayom'm. Tiquinquiu'nn'aa^n.

¹⁹ 'Moisés seiljei^n ñ'oom na tque^n Ty'oots'om ndaā'yo' na matsāntjomna'. Saā mei^n na ljo', mei^ncwiindyo' 'o tyoola'candāa^nndyo' juuna'. Ee xe^n cwila'candāa'yo' juuna' xoque^ndyo' na nlacue'yo' ja.

²⁰ Nn'a^n na jndyendye t'ooona nnoom, jluena:

—'U tsa^njndii matseixma^n. ¿'Ñee^n ts'a^n maque^nñe na nntseicuee! 'u?

²¹ T'o Jesús ndaāna, matsoom:

—Xuee na cwita'ljndyaaya sein'manya ts'a^n na leicjaca, ndo' s'aana' na tjoom' ticala'nō^n'yo'. ²² Saā cala'nō^n'yo' ñ'oom na nntsjoō. Tso Moisés na cal'a'yo' costumbre yonom nda'yo' na 'ndaandye. Ndo' cwila'candāa^nndyo' ñ'oom'ñee^n mei^n xuee

na cwita'jndyaaya. Saa nchii jom seicatoo^{n'l}oⁿ costumbre'ñeeⁿ. Nquiee weloo welooya jla'catoo^{n'l}na juuna'. ²³ Nquiu'yo' na mañequeiaa ljeii na tqueeⁿ na wanaaⁿ na cwil'a'yo' costumbre'ñeeⁿ meiⁿ xuee na cwita'jndyaaya. Ndo' na luua' waa, chiuu na cwila'wjee'yo' ja nc'e na juu xuee na cwita'jndyaaya sein'manya cwii ts'aⁿ na wii'. ²⁴ Jo' chii tintjei'yo' cwenta na cwe' tomti cantyja na cwiwitquioo!. Catjei'yo' cwenta cantyja na maty'iomyana'.

Jesús ¿aa Cristo cwiluiñê?

²⁵ Quia jo' nt'om nn'aⁿ Jerusalén tyota'x'eena ndaq nc'iaana:

—¿Aa nchii tsans'am'aa^{n'l} ts'aⁿ na cwil'uee naⁿma^{n'l}iaaⁿ na nla'cuee'na? ²⁶ Saa canty'ia'yo' ñequio na jndoo' jndye nn'aⁿ matseineiiⁿ, meiⁿ tjaajljo' coluena nnoom. ¿Aa nnts'aache^{n'na} na cwila'tiuu naⁿma^{n'l}iaaⁿ cwentaaaya na tsa^{n'm'}aa^{n'l} mayuu'cheⁿ cwiluiñê Cristo? ²⁷ Saa nqueⁿ quia nncwjee^{n'l}eⁿ tjaaj 'ñeeⁿjuu nntsei'no^{n'l} yuu jnaⁿyom. Saa tsa^{n'm'}aa^{n'l} manquiuyaaaya yuu jnaaⁿ.

²⁸ Jndaq jndii Jesús na jluena ñ'oomwaa', seiweeⁿ jñee^{n'l}eⁿ. Matsoom:

—Mach'eena' na cwita'jna^{n'l}yo' ja ndo' manquiuyaa'yo' yuu ts'aⁿ ja. Saa nchii na jndyoⁿ cantyja 'naⁿnnco. Nqueⁿ na jñoom ja quii'ntaa^{n'l}yo' cwiluiñê na mayom'm, saa jom ticata'na^{n'l}yo'. ²⁹ Saa ja mawajna^{n'a} jom, ee jnaaⁿya jo nnoom, ndo' manquiityeeⁿ jñoom ja quii'ntaa^{n'l}yo'.

³⁰ Cwe' nc'e na tsoom ñ'oomwaa', tyoquenndye naⁿma^{n'l}iaaⁿ na nnt'uena jom. Saa nc'e na tyoowe'ntyjo na ntyjii Ty'oots'om na nncwinoom

nawi' t'maⁿ, jo' chii meiⁿcwiindyena tîcat'uii jom.
 31 Ndo' jndyendye nn'aⁿ na tyom'aⁿna jo' jo',
 jla'yua'na ñ'eⁿñê. Ndo' tyoluena ndaq^a nc'iaana:

—Quia nncwjee' nquii Cristo, ¿aa nnts'aacheⁿna'
 jndyetyi ts'iaaⁿ nnts'aaⁿ na tixocandaa^a na nluii na
 cwe' ts'aⁿ nnts'aa nchiiti na mach'ee tsaⁿm'aaⁿ?

Ty'ecat'uena Jesús

32 Nn'aⁿ tmaaⁿ fariseos tyondyena na nmeiiⁿ
 ñ'oom tyola'neiⁿ nn'aⁿ na jndyendye cantyja
 'naanⁿ Jesús. Jo' chii jla'jomndyena ñequio ntyee
 na cwiluitquiendye ndaq^a nc'iaana nn'aⁿ judíos.
 Jñoomna nn'aⁿ na cwil'a cwenta wats'om na
 c'oocat'ue naⁿñeeⁿ jom. 33 Matso Jesús ndaq^a nn'aⁿ
 na jndyendye:

—Chjootindyo cwii m'aaⁿtya ñ'eⁿndyo'. Ndo'
 ndaq^a nncjolcw^annnda'a na m'aaⁿ nqueⁿ na
 jñoom ja na m'aⁿyo'. 34 Quia ljo'chen nl'ue'yo' ja
 saq^a taxocaliu'yo' ja. Ndo' yuu na nnc'ooⁿya, 'o
 xocandaa^a nntsquie'cañom'yo'.

35 Quia jo' nt'om nn'aaⁿya nn'aⁿ judíos tyoluena
 ndaq^a nc'iaana:

—¿Yuu nncjaayuu tsaⁿm'aaⁿ na xocandaa^a nliu-
 uya jom? ¿Aa nnc'oomeñê quii'ntaaⁿ nc'iaaya nn'aⁿ
 judíos na jnda^a t'oom'ndye quii'ntaaⁿ nn'aⁿ grie-
 gos, cha nndaq^a m'moqⁿ ndaq^ana? 36 ¿Ljo' ñe'catso
 ñ'oom na matseineiiⁿ luala' na nl'uqaya jom saa
 xocaliuuya jom? Ndo' na matsoom yuu na wjaⁿjaa
 xocandaa^a nntsquiaⁿcañom'yo' jom.

Candaa na cwiñe'quiana' na cwita'ndo' nn'aⁿ

37 Xuee na cwintycwii ncuee cwil'ana na
 t'maⁿti xuee juuna' na cwila't'maaⁿndyena. Juu

xuee'ñeeⁿ tjameintyjee' Jesúś, seiweeⁿ jñee^{n'l}eⁿ.
Tsoom:

—'Ñeeⁿ juu na matseiquee^{nna'} ts'om na ñec'oomñe nacje 'naa^{n!} Ty'oots'om, candyontyjo naxa^{n'a}, ndo' catseiyu' ñ'eⁿndyo^o. ³⁸ Nnts'aana' ñ'eⁿ tsa^{n!}ñeeⁿ cha'xjeⁿ matso ñ'oom' Ty'oots'om na jnda^a teiljeii. Juu ts'aⁿ na matseiyu' ñ'eⁿndyo^o, nnaa^{n!} quii' ts'oom cha'cwijom candaan na cwiñe'quia na ticanycwii na wando' ts'aⁿ.

³⁹ Luaa' matsoom na ma'mooⁿ cantyja 'naa^{n!} Espíritu Santo na juu nnto'ñoom nn'aⁿ na cwila'yu' ñ'eⁿñê. Ee xje^{n!}ñeeⁿ tjoócheⁿ na ñequiaa Ty'oots'om juu naquii' n'om nn'aⁿ, ee tyoowe'ntyjo^o xjeⁿ na nntseit'maa^{n!}ñê Jesúś.

Tiñecwii na cwilue nn'aⁿ cantyja 'naa^{n!} Jesúś

⁴⁰ Ndo' quii'ntaaⁿ nn'aⁿ na jndyendye quia tyondyena ñ'oommei^{n!}, tyoluena:

—Mayuu'chen tsans'am'aa^{n!} cwiluiñê nquii ts'aⁿ na waa ñ'oom na nncwje'cañoom tsjoomnancue na ñequiaa ñ'oom' Ty'oots'om ndaqaya.

⁴¹ Ndo' jlue nt'omchen:

—Tsaⁿm'aa^{n!} cwiluiñê Cristo.

Ndo' nt'om jlue:

—Chiuu sa 'o, juu Cristo ticatsona' na nnaaⁿ Galilea. ⁴² Ee ñ'oom' Ty'oots'om na teiljeii matsona' na juu Cristo cwiluiñê tsjaan David na jndyowicantyjoo'. Ndo' mati jom ts'aⁿ tsjoom chjoo Belén yuu na jnaⁿ David.

⁴³ Ñ'oomwaa' to^{n!}na' nn'aⁿ cantyja 'naa^{n!} Jesúś.

⁴⁴ Ee cwantindye joona ñe'cat'uena jom, saa meiⁿcwii ts'aⁿ tîcat'uii jom.

*Naⁿmaⁿ'iaaⁿ ticala'yu'na na Jesú^s cwiluiñê
Cristo*

⁴⁵ Quia jo' nquiee nn'aⁿ na cwil'a cwenta wats'om ty'elcwee'na na m'aⁿ ntyee na cwiluiitquiendye ñequio nn'aⁿ tmaaⁿ fariseos. Tax'ee naⁿ'ñeeⁿ ndaaⁿ nn'a na cwil'a cwenta wats'om:

—¿Chiuu na tînquo'ñ'om'yo' jom?

⁴⁶ T'oo naⁿ'ñeeⁿ na cwil'a cwenta wats'om, jluena:

—Meiⁿjom ndii' tyoondyaqayâ na nntseineiⁿ cwii ts'aⁿ cha'na na matseineiⁿ tsaⁿm'aⁿ!

⁴⁷ Quia jo' fariseos'ñeeⁿ t'ona ndaaⁿ naⁿ'ñeeⁿ, jluena:

—¿Aa cha' mati 'o manquiu'nn'aⁿna'? ⁴⁸ Tjaa'naⁿ cwii ts'aⁿ na matseixmaⁿ n'iaaⁿ oo cwii fariseo na matseiyu' ñ'eññê. ⁴⁹ Saq naⁿm'aⁿ na cje cwil'a, ticala'nqⁿna ljeii na matsaq'ntjom Ty'oots'om. Joona la'xmaⁿna na catsuundyena.

⁵⁰ T'o Nicodemo, tsaⁿ na tyje'cañoom na m'aⁿ Jesú^s cwii teijaaⁿ. Jom macañ'eeⁿ ñ'eⁿ naⁿmaⁿ'iaaⁿ'ñeeⁿ. ⁵¹ Tsoom:

—Ñ'oom na matsaq'ntjom Ty'oots'om na teiljeina' na cwileiñ'ooⁿya, manquiuuya na matsona' na ticaty'iomyana' na nntu'xqaⁿya cwii ts'aⁿ cwii tjoochenⁿ na nndyaqaya jnaaⁿ, ndo' na nliuuya ljo's'aa.

⁵² T'oo naⁿ'ñeeⁿ nnoom, jluena:

—¿Aa maxjeⁿ mati 'u ts'aⁿ na jnaaⁿ Galilea? Tcuu tcuu catsei'naⁿ ñ'oom' Ty'oots'om na teiljeii, quia jo' nljei' tjaan'aⁿ cwii profeta na nnaⁿ Galilea.

Jnooⁿ na seitjoqñⁿ eⁿ cwii yuscu

⁵³ Ndo' cwii ndo' cwiindyena ty'ena w'aana.

8

¹ Saa Jesús tjaanⁿ ta na jndyu Olivos. ² Ndo' teincoo cwiicheⁿ xuee, lcweenⁿeⁿ, tjaquiee'nnaanⁿaⁿ wats'om t'manⁿ. Ndo' jndyendye nn'aⁿ tquie'cañomna jom. Quia na jndaqⁿ tjacjom, tyo'mooⁿ ndaqⁿana. ³ Ndo' juu xjeⁿñfeeⁿ joo nn'aⁿ na cwit'mooⁿ ljeii na tqueⁿ Moisés na matsaⁿntjomna' ñequio nn'aⁿ tmaanⁿ fariseos tquioñ'omna cwii yuscu na m'aaⁿ. Yuscu'ñeeⁿ jliuna juu xcwe na matseitjoⁿñe na m'aaⁿ ñ'eⁿ cwii tsan^sa. Tquioqueⁿna juu xcwe quii'ntaaⁿna. ⁴ Ndo' jluena nnom Jesús:

—'U na ma'mooⁿl cantyja 'naanⁿ Ty'oots'om, jliuyuñ yuscum'aaⁿ xcwe na matseitjoⁿñe ñ'eⁿ cwii tsan^sa. ⁵ Ndo' naquii' ljeii na tqueⁿ Moisés matsaⁿntjomna' na catuaqⁿa ljoⁿ cjoo yolcu na cwil'a na luala'. Saa 'u je', ¿chiuu matsu'?

⁶ Luala' jluena nnoom cweⁿ ee cwil'ueena na cat'uiina' jom. Saa jom je', seintquie'ññe, seiljeiⁿ nomtyuaa ñequio nomts'ooⁿ. ⁷ Ndo' cweⁿ nc'e na tic'oowintyjee'na na cwita'x'eeda ñ'oomwaaⁿ nnoom, teintyjee'yuññe. Matsoom ndaqⁿana:

—'Ñeeⁿ cwiindyoⁿ 'o na tjaa jnaⁿ tseixmaⁿ, juu cju'jndyee tsjoⁿ nacjooⁿ yuscum'aaⁿ.

⁸ Jndaqⁿ joⁿ seintquie'ñennaaⁿaⁿ nomtyuaa, seiljeiityeeⁿ. ⁹ Saa quia jndye naⁿñeeⁿ ñ'oomwaaⁿ, jnaⁿnaⁿ na maco'tianaⁿ nquiuna. Quia joⁿ toⁿna na cwii ndo' cwiindyena jluiⁿna joⁿ joⁿ. Nn'aⁿ na tquiendye jluiⁿndyeeena, jndaqⁿ joⁿ nn'aⁿ na cjeti m'aⁿ. Na macandaa 'ndiinaⁿ nquiua Jesús ñequio yuscu'ñeeⁿ na meintyjeeⁿ jo nnoom. ¹⁰ Jndaqⁿ joⁿ teintyjeeⁿ yuu Jesús, ndo' cweⁿ nc'e meiⁿcwiindyee

na^{n!}ñeeⁿ tac'oomndyena, macanda juu yuscu'ñeeⁿ
cwii m'aaⁿ, jo' chii tsoom nnom:

—'U yuscu, ¿yuu m'aⁿ nn'aⁿ na tquiocalue jna^{n!}?
¿Aa meiⁿncwii ts'aⁿ ticatseijndaa'ñe jna^{n!}?

11 T'o nnoom, matso:

—Mayuu' Ta, meiⁿcwii ts'aⁿ tjaljo' s'aa.

Matso Jesús nnom:

—Meiⁿ ja ticats'aaya na cat'uiina' 'u. Cja'to',
tantsa'nnda' jnaⁿ.

Jesús cwiluiñê naxuee quii'ntaaⁿ nn'aⁿ

12 Ndo' seineiⁿnnda' Jesús ndaq^a nn'aⁿ. Matsoom:

—Ja cwiluiindy^o naxueeñe na mañequia naxuee
jo ndaq^a nn'aⁿ tsjoomnancue. Meiⁿcwi'ñeeⁿcheⁿ
ts'aⁿ na matseijomñe ñ'eⁿndyo^o, nntseixmaⁿ nax-
uee na mañequia na ticantrycwii na wando' ts'aⁿ.
Tijoom nntseixmaⁿ cantyja 'naa^{n!} najaaⁿ.

13 Quia jo' nn'aⁿ fariseos jluena nnoom:

—'U macwji'yuu'ndyu' che'nncu' cantyja 'na^{n!}.
Ndo' ñ'oom'ñeeⁿ meiⁿ tiyuu' joona'.

14 T'o Jesús ndaq^ana:

—Meiiⁿ na macwji'yuu'ndyo^o cantyja 'naⁿya,
saq^a ñ'oom na mayuu' juuna', nc'e ntyijiya yuu
jnaaⁿya, ndo' ntyijiya yuu joyo. Saq^a 'o ticaliu'yo'
yuu jnaaⁿya, meiⁿ yuu na jo. **15** 'O cwilajndaa'ndyo'
jnaaⁿ nn'aⁿ cantyjati na jndo' n'om
nn'aⁿ saq^a ja meiⁿcwii ts'aⁿ ticat'uiya juu cantyja
jnaa^{n!}. **16** Saq^a quia nncue'ntyjo^o xjeⁿ na nncu'xaⁿ,
nncu'xaⁿ cha'xjeⁿ na maty'iomyana'. Ee nchii
m'aaⁿya na ñenc^o na nnts'aa ts'iiaa^{n!}ñeeⁿ. Nquii
Tsoty^a na jñoom ja, m'aaⁿñê ñ'eⁿndyo^o. **17** Naquii'
ñ'oom na sa'ntjom Ty'ogts'om na teiljeiina' na
cwileiñ'om'yo', waa ñ'oom na matsona': “Quia

na cwitjoom' ñ'oom na cwitjei'yuu'ndye we nn'aⁿ, maxjeⁿ cwicalui'yuu' ñ'oom'ñeeⁿ." ¹⁸ Jo' chii nc'e na luala' matsona', ja cwiluiindy^o cwii ts'aⁿ na macwji'yuu'ndyo cantyja 'naⁿya, ndo' Tsotyaya cwiluiñé cwiicheⁿ na jnd^a we.

¹⁹ Quia jo' tax'eena nnoom:

—¿Yuu m'aaⁿ Tsotye'?

T'o Jesús matsoom:

—'O ticala'noⁿyo' cantyja 'naⁿya meiⁿ cantyja 'naaⁿ! Tsotyaya. Ee xeⁿ cwila'noⁿyo' cantyja 'naⁿya mati nla'noⁿyo' cantyja 'naaⁿ! jom.

²⁰ Ñ'oommeiⁿ seineiⁿ Jesús yochenⁿ na tyo'mooⁿ naquii^l wats'om t'maⁿ 'naaⁿ nn'aⁿ judíos, yuu cwituee^l nn'aⁿ s'om cwentaa^l Ty'oots'om. Ndo' meiⁿcwii ts'aⁿ tīcat'uii jom, ee tyoowe'ntyjo^l xjeⁿ na nntjoom nawi^l t'maⁿ.

"Yuu na jo xondaa nntsquie'yo!"

²¹ Cwiicheⁿ cwii ndii^l matso Jesús nda^aana:

—Ja majo, ndo' 'o nl'ue'yo' ja, sa^a ndicwaⁿ cho'nqueⁿyo' jnaⁿ ndo' nncwje'yo'. Ndo' yuu na jo^l 'o xocanda^a nntsquie'cañom'yo'!

²² Cwe' nc'e ñ'oomwaa^l, jlue nn'aⁿ judíos:

—¿Aa nnts'aacheⁿna' na nntseicuee^lñé cheⁿnqueⁿ, na matsoom yuu na mawjaⁿ jaa xocanda^a nntsquie'cañooⁿya?

²³ Jo' chii t'qoⁿ nda^aana, tsoom:

—'O ticalaxmaⁿyo' cantyja 'naaⁿ cañoom'luee sa^a ja tseixmaⁿya jo^l. 'O laxmaⁿyo' cantyja 'naaⁿ tsjoomnancuewaañé, sa^a ja nchii jo^l tseixmaⁿya.

²⁴ Cwe' nc'e ñ'oomwaa^l jo^l na tsjoooya ndaa^ayo' na ndicwaⁿ cho'nqueⁿyo' jnaⁿyo' ndo' nncwje'yo'. Ee xeⁿ ticalayu'yo' na ja cwiluiindy^o nquii na

jñom Ty'oots'om, quia jo' meiⁿchiuuchen' ndicwaⁿ cho'nqueⁿ'yo' jnaⁿ'yo' quia na nncwje'yo'.

²⁵ Quia jo' tax'eennda'na nnoom, jluena:

—'U je', ¿'ñeeⁿ cwiluiindyu'?

Matso Jesús ndaqana:

—Majo' cha'xjeⁿ na jndaq ñetsjoo ndaq'yo' xjeⁿ na to'a na mañeiquiaya ñ'oom naya. ²⁶ Nqueⁿ na jñoom ja cwiluiiñê na mayom'm. Jndye ñ'oom tsoom nooⁿ na catsjooⁿya ndaq'yo'. Ndo' ñequii'cheⁿ matseiteincooⁿa joo ñ'oom'ñeeⁿ ndaq nn'aⁿ. Saä jndye niom na ntyjeeⁿ ñ'eⁿndyo' na macaⁿna' na cu'xaⁿya.

²⁷ Saä naⁿ'ñeeⁿ ticala'noⁿ'na na ma'mooⁿ ndaqana na Ty'oots'om cwiluiiñê Tsotyeeⁿ. ²⁸ Quia jo' matsoom ndaqana:

—Ja cwiluiindyo nquii ts'aⁿ na jnaⁿ cañoom'luee. Quia na jndaq jla'we'yo' ja na nlacue'yo', quia ljo'cheⁿ nla'noⁿ'yo' na jo' cwiluiindyo, ndo' nncjaantyjooⁿ n'om'yo' na tjaa'naⁿ cwii na mats'aa cantyja na matseixmaⁿ nnco. Cantyjati na t'moⁿ Tsotyä nooⁿ, ntyjati jo'ndyo na mats'aa. ²⁹ Ndo' Tsotyä na jñoom ja m'aaⁿñê ñ'eⁿndyo. Tica'ñeeⁿ ja na ñenco, ee ñequii'chen' mats'aa yuu na cjawee' ntyjeeⁿ ñ'eⁿndyo.

³⁰ Jndaq na seineiiⁿ ñ'oommeiⁿ', jndye nn'aⁿ jla'yu' ñ'eⁿñê.

Ñ'oom na mayuu' nntseicandyaañena' 'o

³¹ Ndo' matso Jesús ndaq nn'aⁿ judíos na jndaq macwila'yu' ñ'eⁿñê:

—Xeⁿ cwiljoo'ndyo'tyeⁿ'yo' ñequio ñ'oom naya quia jo' mayuu'cheⁿ na cwiluiindyo' nn'aⁿ na cwilajomndyo' ñ'oom na mañeiquiaya. ³² Ndo'

nla'noⁿ'yo' cwaanⁿ ñ'oom tseixmaⁿna' ñ'oom na mayuu', ndo' juu ñ'oom na mayuu'ñeeⁿ nntseican-dyañañena' 'o.

³³ Joo naⁿ!ñeeⁿ t'øona nnoom, jluena:

—Jâ cwiluiindyô tsjaanⁿ Abraham na jndyow-icantyjoo'. Meiⁿjom ndii' tyoom'aaⁿyâ moso ndaq^a nt'omcheⁿ nn'aⁿ. ¿Chiuu na matsu' na nnc'ooⁿcandyaa'ndyô na m'aaⁿyâ nacje 'naaⁿ cwi-icheⁿ?

³⁴ T'o Jesús ndaq^a naⁿ!ñeeⁿ, matsoom:

—Ñ'oom na mayuu'cheⁿ matsjooya ndaa^a'yo'. Meiⁿcwi'ñeeⁿcheⁿ ts'aⁿ na matseitjooñie nnom Ty'oots'om m'aaⁿ xjeⁿ 'naaⁿ jnaⁿ. ³⁵ Ndo' ts'aⁿ na cwe' moso m'aaⁿ nndaq^a nnts'aana' na tixocaljoo'ñetyeⁿ na m'aaⁿ patrom 'naaⁿ', saq^a nquii jnda patrom ñenquiicheⁿ m'aaⁿ.

³⁶ Ja na cwiluiindyo Jnda Ty'oots'om, ja nntseicandyaaandyo 'o. Macwe' nc'e jo' nnc'om'yo' na candyaa^a'ya na jndq^a jndyaandyo'.

³⁷ Mantyjiiya na 'o cwiluiindyo' tsjaanⁿ Abraham na jndyowicantyjoo', saq^a cwiqueⁿndyô' na nlacue'yo' ja jnaaⁿ na tileicjo ñ'oom 'naⁿya naquii' n'om'yo'.

³⁸ Ljo' na jndq^a ñenty'laya na ñet'ooⁿya ñequio Tsoty^a, jo' matseinaⁿya ndaq^a'yo'. Saq^a 'o je', cantyja na jndq^a ñejndye'yo' ñ'oom 'ndyoo tsotye'yo', jo' cwil'a'yo'.

³⁹ T'oo naⁿ!ñeeⁿ nnoom, jluena:

—Abraham cwiluiiñê tsotyaa^aya.

Matso Jesús ndaq^aana:

—Xeⁿ 'o na mayuu'cheⁿ cwiluiindyo' ntseinda Abraham na jndyowicantyjoo', quia jo' nl'a'yô' cha'xjeⁿ s'aⁿ. ⁴⁰ Saq^a je' cwijoo' n'om'yo' na

ñe'calacue'yo' ja na cwiluiindyo_o ts'aⁿ na matseina_qya ñ'oom na mayuu' ndaq_a'yo'. Ndo' joo ñ'oom'ñeeⁿ ñequi'i'chenⁿ ñ'oom na jndiiya 'ndyoo Ty'oots'om. Nquii Abraham tîcats'aaⁿ cha'na ñe'cal'a' o' ñ'eⁿndyo. ⁴¹ 'O cwil'a'yo' cha'xjeⁿ na mach'ee nquii tsotye'yo'.

Jluena nnoom:

—Jâ nchii na tuiindyô na tijndaa' tsotyaayâ. Jâ la'xmaaⁿyâ na ñecwii tsotyaayâ, nquii Ty'oots'om.

⁴² T'o Jesús ndaq_ana, matsoom:

—Xeⁿ na mayuu'cheⁿ Ty'oots'om cwiluiiñê tsotye'yo', quia jo' mati nnc'om'yo' na jnda nquiui'yo' ja ee jnaaⁿya na m'aaⁿ ndo' jndyoo_oya na m'aⁿyo'. Nchii jndyoo_o cantyja 'naⁿ nnco, nqueⁿ jñoom ja. ⁴³ ¿Chiuu na tileicala'noⁿyo' ñ'oom na matseinaⁿ? Maxjeⁿ cwitjom'yo' na nmeiiⁿ nc'e na tiñe'calañ'oom'ndyo' ja. ⁴⁴ 'O laxmaⁿyo' cantyja 'naaⁿ tsotye'yo', juu tsaⁿjndii. Yuu na l'ue ts'om jom, jo' ñe'calacanda_aq_a'ndyo'. Jom cwiluiiñê na matseicwjeⁿ nn'aⁿ cantyjati xjeⁿ na tuii tsjoom-nancue. Jom tja'a'naⁿ ñ'oom na mayuu' catseixmaaⁿ, ee tja'a'naⁿ ñ'oom na mayuu' naquii' ts'oom. Quia matseineiiⁿ cantu, matseineiiⁿ cantyjati na matseixmaaⁿ, cweⁿ nc'e tsaⁿcantu jom, ndo' cwiluiiñê tsotye cha'tso ñ'oom na cantu. ⁴⁵ Saa ja meiiⁿ na matseina_qya ñ'oom na mayuu' maxjeⁿ tiñe'calayu'yo' ñ'eⁿndyo. ⁴⁶ Tjaa 'ñeeⁿ cwiindyo' 'o nndaq_a nncju' jnaⁿ nacjoya. Ñ'oom na matsjoo_o ndaq_a'yo' cwiluiiñena' ñ'oom na mayuu', quia jo' ¿chiuu na tiñe'calayu'yo' ñ'eⁿndyo? ⁴⁷ Meincwi'ñeeⁿcheⁿ ts'aⁿ na m'aaⁿñe cantyja 'naaⁿ Ty'oots'om mandii ñ'oom 'ñom. Saa

cwe' nc'e na ticaluiindyo' cantyja 'naa^{n'aⁿ}, jo' chii tiñe'candy'e'yo'.

Mam'aaⁿ Jesú^s cwii tjoocheⁿ na nnc'oom Abraham

⁴⁸ Quia jo' t'oo nn'aⁿ judíos nnoom. Jluena:

—Jeeⁿ xcwe cwil'uuyâ na 'u cwiluiindyu' ts'aⁿ Samaria. Mati m'aaⁿ tsaⁿjndii quii' ts'om' jo' na matseintjeiⁿna' 'u.

⁴⁹ Jesú^s t'ooⁿ ndaqana. Matsoom:

—Ja tic'oom tsaⁿjndii quii' ts'ooⁿ. Ja Tsotyaya matseit'maaⁿndyo_o, saaq 'o cwilajnaⁿ'yo' ja. ⁵⁰ Saq nchii mal'uee'ndyo_o na calat'maaⁿndyo' ja. M'aaⁿ cwiicheⁿ na mach'ee na nluiit'maaⁿndyo_o, ndo' manquii nncu'xeⁿ aa cwiluui na ljo'.

⁵¹ Ñ'oom na mayuu'cheⁿ na matsjoo_o ndaq_a'yo'. Meiⁿcwi'ñeeⁿcheⁿ ts'aⁿ na matseiñ'oom'ñe ñ'oom 'naⁿya, tijoom nntsuuñe.

⁵² T'oo nn'aⁿ judíos, jluena:

—Je' manquiujndaa'ndyo_o na matsei'xmaⁿ tsaⁿjndii quii' ts'om'. Tue' Abraham, ndo' mati profetas. Saq 'u matsu': "Xeeⁿ m'aaⁿ 'ñeeⁿ juu na matseiñ'oom'ñe ñ'oom 'naⁿ', tijoom cue'."

⁵³ Chaa l'uu na cwiluiit'maⁿndyu'ti', nchiiti weloo welooya Abraham tsaⁿ na teiyo tue' ndo' mati jnda tja profetas. ¿'Ñeeⁿ juu mache' cheⁿnncu' na cwiluiindyu'?

⁵⁴ T'o Jesú^s, matsoom:

—Xeⁿ ñequii'cheⁿ na matseit'maaⁿndyo_o cheⁿnnc_o, maxjeⁿ cwe' ts'iaaⁿndyo. Juu Tsotyaya cwiluiiñê na matseit'maaⁿñê ja, nqueⁿ na cwiluiiñê Ty'oots'om na cwila't'maaⁿndyo_o.

⁵⁵ Meiⁿ ticata'jnaaⁿ'yo'jom. Ja mayuu' mawajnaⁿa

jom, ndo' xeⁿ nntsjoo na ticwajnaⁿ'a jom, quia jo' nnts'aa cheⁿnnco^o na cantundy^o cha'xjeⁿ'o. Sa^a mayuu'cheⁿ mawajnaⁿ'a jom, ndo' matseicandaq^a'ndy^o ñ'oom'm. ⁵⁶ Tioo na neiiⁿ ts'om weloo'yo' Abraham tsaⁿna ñet'oom teiyo na sei'noqⁿ'oⁿ na nncuee' xjeⁿ na nluiindy^o na ts'aⁿ ja. Nty'iaaⁿ'aⁿ jo', ndo' tquiaana' na jeeⁿ neiiⁿ'eⁿ cantyja 'naaⁿ na ljo'.

⁵⁷ Ndo' jlue nn'aⁿ judíos nnoom:

—Nchaa l'uu mayuu' na jnd^a nty'ia' Abraham ee 'u meiⁿ cwe' wen'aaⁿ nchoo' nqui chu' tyoowee'.

⁵⁸ T'o Jesús ndaq^a naⁿ'ñeeⁿ, matsoom:

—Ñ'oom na mayuu'cheⁿ matsjoo^o ndaq^a'yo', cwii tjoochen^a na nluiiñe Abraham, sa^a ja maxjeⁿ mam'aaⁿya.

⁵⁹ Quia jo' jla'xcwiina ljo' na njñomna jom. Meiⁿ tiqueⁿna cwenta teiñ^ooⁿ xcwe quiⁱntaaⁿna. Mana jlueeⁿeⁿ wats'om t'maⁿ 'naaⁿna.

9

Sein'maⁿ Jesús tsaⁿchjaaⁿ!

¹ Jâ nn'aⁿ na canchoo'we na t'maⁿ Jesús na calajomndy^o ñ'eⁿñê tyoma'nqoⁿyâ ñ'eⁿñê. Yocheⁿ na saawi'nqoⁿyâ cwii joo, nty'iaayâ cwii tsan's'a xjeⁿ na tuiiñe na nchjaaⁿ!. ² Ndo' tax'aayâ nnoom, l'uuyâ:

—'U Maestro, ¿'ñeeⁿ juu seitjooñé nnom Ty'oots'om, jo' na tuiiñe tsan'm'aanⁱ na nchjaaⁿ'aⁿ? ¿Aa nqueⁿ oo aa nn'aⁿ na nda jom?

³ T'o Jesús ndaq^aayâ, matsoom:

—Meiⁿ nchii jnaaⁿ nquii na tuiiñe na nchjaaⁿ!, meiⁿ nchii jnaaⁿ nn'aⁿ na nda juu. Luua' tjom

cha cantyja 'naa^{n!} ca'moⁿna' na nquii Ty'ooots'om waa najndeii na matseixmaaⁿ. ⁴ Tseixmaⁿya na cats'aaya ts'iaaⁿ 'naa^{n!} nqueⁿ na jñoom ja yocheⁿ na ndicwaⁿ wando'a. Ee quia nncue'ntyjo xjeⁿ na nncwjaaya, quia jo' xonda^qa nl'aatyaya ts'iaaⁿ 'naa^{n!}aⁿ. ⁵ Yocheⁿ na m'aanⁿya quii'ntaaⁿ nn'aⁿ, cwiluiindyo chom na mañequiaa naxuee jo nda^qana.

⁶ Jnd^qa na tsoom na luua', tjoom'm ndaajna^{n!} nomtyuaa. S'aaⁿ tsoo' ñequio juuna', jnd^qa jo' ty'oomñê tsoo'ñeeⁿ lua'nном tsaⁿnchjaa^{n!}. ⁷ Ndo' tsoom nnom:

—Cja' peila na jndyu Siloé, cama^{n!} n'omnjom!. Ñ'oom Siloé matsona' jñom ts'aⁿ x'iaa^{n!}aⁿ.

Ndo' tja tsa^{n!}ñeeⁿ, tmaanⁿ nnoom. Ndo' quia jndyolcween'eⁿ xuee manty'iaa^{n!}aⁿ. ⁸ Ndo' nn'aⁿ na nndyoo' m'aⁿ yuu na mac'eeⁿ ñequio nn'aⁿ na ñenty'iaana jom na ñetcaaⁿ ljo' tjo^qoñê, ta'x'eena nda^qa ntyjeena:

—¿Aa nchii luua' tsaⁿnchjaa^{n!} na tacatyeenⁿ na tcaⁿ ljo' tjo^qoñê?

⁹ Nt'omndye joona jluena:

—Majom luua'!

S^qa nt'omchenⁿ jlue:

—Nchii jom, cwe' na jeeⁿ tseijomna'.

S^qa nqueⁿ matsoom:

—Maja luua.

¹⁰ Jo' na ta'x'eena nnoom, jluena:

—¿Chiuu tuiiyuu na ya teitquio' je'?

¹¹ T'ooⁿ nda^qana, tsoom:

—Juu ts'aⁿ na jndyu Jesús s'aaⁿ tsoo', ty'oomñê juuna' lua'n^qoⁿ. Jnd^qa jo' matso na cjoya Siloé na

cjocamaaⁿ nooⁿ. Ndo' tjo jo', tmaaⁿ nooⁿ, ndo' je'
xuee manty'iaya.

12 Quia jo' ta'x'eetina nnoom, jluena:

—¿Ndo' juu tsaⁿ'ñeeⁿ, yuu m'aaⁿ?

T'ooⁿ ndaqana:

—Ticaljeiiya.

*Fariseos ñe'caliuna chiuu tuii na n'maⁿ
tsaⁿnchjaaⁿ*

13 Quia jo' ty'eñ'omna juu ts'aⁿ na ñet'oom na
nchjaaⁿ jo ndaq nn'aⁿ judíos na la'xmaⁿ tmaaⁿ
fariseos. **14** Ee xuee na cwita'jndyee nn'aⁿ quia
s'aa Jesús tsoo' na s'aaⁿ na ya manty'iaa' tsaⁿ'ñeeⁿ.

15 Ndo' mati nn'aⁿ fariseos'ñeeⁿ tyota'x'eena
nnoom. Tyoluena:

—¿Chiuu tuiyyuu na ya manty'iia'?

T'ooⁿ ndaq naⁿ'ñeeⁿ, tsoom:

—Juu tsaⁿ'ñeeⁿ ty'oomñê tsoo' lua'nqoⁿ, jndaq chii
tmaaⁿya lua'nqoⁿ, ndo' je' ya manty'iaya.

16 Saq nt'om fariseos'ñeeⁿ tyoluena:

—Tsans'am'aaⁿ nchii m'aaⁿ cantyja 'naaⁿ
Ty'oots'om, ee ticatseit'maaⁿ'ñê xuee na
cwita'jndyayaa.

Ndo' nt'om nc'iaana jlue:

—Ts'aⁿ na tseixmaⁿ jnaⁿ tixocandaq nnts'aaⁿ
cwii ts'iaan t'maⁿ cha'na luua'.

Ndo' laa'ti' t'icwijom ñ'oom na jla'neiⁿna. **17** Jo'
chii ta'x'eennda'na nnom ts'aⁿ na ñet'oom na nch-
jaaⁿ!. Jluena nnoom:

—Ndo' 'u je', ¿ljo' matsu' cantyja 'naaⁿaⁿ na s'aaⁿ
na ya manty'iia'?

T'ooⁿ, matsoom:

—Tsaⁿ'ñeeⁿ cwiluiiñê profeta.

¹⁸ Saä nn'aⁿ judíos'ñeeⁿ maxjeⁿ tiñe'cala'yu'na na ñet'oom na nchjaan'aⁿ ndo' je' jndä ljoya manty'iaa^{n'aⁿ}. Jo' chii tqueen'ndyena nn'aⁿ na nda jom. ¹⁹ Ndo' ta'x'eenaa ndäq^a naⁿ'ñeeⁿ, jluena:

—Tsaⁿm'aaⁿ, ¿aa nda'yo' jom? Chiuu cwindu'yo', ¿aa mayuu' na tuiiñê na nchjaan'aⁿ?

²⁰ Ndo' t'ooⁿ nn'aⁿ na nda jom. Jluena:

—Manquiuyâ na ndaayâ jom, ndo' manquiuyâ na tuiiñê na nchjaan'aⁿ. ²¹ Saä cantyja chiuu tuiyyuu na ya manty'iaa^{n'aⁿ} je', jo' ticaliuuyâ. Meiⁿ ticaliuuyâ 'ñeeⁿ s'aa na ya manty'iaa^{n'aⁿ}. Saä jndä tue'ntyjo choom'm. Jo' chii cata'x'ee'yo' 'ñom chiuu waa. Manquiityeeⁿ nntsoom chiuu tuii.

²² Luala' ñ'oom t'ooⁿ joo nn'aⁿ na nda jom, ee nquiaana nn'aⁿ na cwiluitquiendye ndaa nn'aⁿna. Ee jndä jla'jomndyena xeⁿ na nncwji'yuu'ñe meiⁿcwi'ñeeⁿchenⁿ ts'aⁿ na Jesús cwiluiñê Cristo, tixonquiana na wanaaⁿ na nntseijomñe tsaⁿ'ñeeⁿ xjeⁿ na cwitjomndye nn'aⁿ na nla't'maaⁿ'ndyena Ty'oots'om. ²³ Cwe' na luala' waa, jo' na jlue nn'aⁿ na nda jom: "Jndä tue'ntyjo 'ñoom'm. Cata'x'ee'yo' 'ñom."

²⁴ Quia jo' jndä we ndii' tqueen'nn'aⁿ judíos juu tsaⁿ na ñet'oom na nchjaan'. Tyoluena nnoom:

—Ñequio na ndo' Ty'oots'om catseinei^{n'} ñ'oom na mayuu'cheⁿ. Jâ cwila'nqoⁿâ na juu tsaⁿs'am'aaⁿ matseixmaaⁿ jnaⁿ.

²⁵ Ndo' t'ooⁿ ndäq^ana, matsoom:

—Ticaljeiiya, aa jom ts'aⁿ na matseixmaaⁿ jnaⁿ. Ñe'cwii waa na matsei'noⁿa, meiiⁿ na ñet'ooⁿ na nchjaⁿya, saä je' ya manty'iaya.

²⁶ Quia jo' ta'x'eennda'na nnoom. Jluena:

—¿Ljo' s'aaⁿ 'u? ¿Chiuu s'aayom na ya manty'ia'?

²⁷ T'oqⁿ ndaq^a naⁿñeeⁿ, matsoom:

—Majnd^a tsjoo^aya ndaq^a'yo', sa^a
ticalañ'oom'ndyo'. Ndo' je' ¿chiuu na
ñe'candy'e'nnda'yō'? ¿Aa mati 'o ñe'calajomndyo'
ñ'oom na mañe^aquiaaⁿ?

²⁸ Ndo' jla'jnaaⁿ naⁿñeeⁿ ts'aⁿ na ñet'oom na
nchjaan^a!. Jluena:

—'U cwiluiindyu' ts'aⁿ na matseijomñe
ñ'oom'm, sa^a já cwilajomndy^o ñ'oom na
tyoñequiaa Moisés. ²⁹ Jā manquiuyayâ na seineiⁿ
Ty'oots'om nnom Moisés, sa^a tsam'm'aaⁿ meiⁿ cwe'
ticaliuuyâ yuu jna^ayom.

³⁰ T'o tsaⁿñeeⁿ ndaq^ana, matsoom:

—Jeeⁿchen^a ndya' cjaawee' ts'oqⁿ na luua', na
'o ticaliu'yo' yuu jna^ayom, ndo' jnd^a tquiaaⁿ
na ya manty'iaya. ³¹ Cha'tsondy^o manquiuyaya
na Ty'oots'om xocañeeⁿ ñ'oom ndyuee nn'aⁿ na
laxmaⁿ jnaⁿ. Sa^a meiⁿcwi'ñeeⁿcheⁿ ts'aⁿ na mat-
seit'maaⁿñie jom ndo' na mach'ee yuu na l'ue
ts'oom, tsaⁿñeeⁿ ñneeⁿ ñ'oom 'ndyoo. ³² Cantyjati
xuee na jnaⁿ tsjoomnancue, meiⁿjom ndii' ty-
oondye nn'aⁿ na ñet'oom cwii ts'aⁿ na s'aa na ya
manty'iaa' cwii ts'aⁿ na tuiñe na nchjaan^a!. ³³ Xeⁿ
nchii Ty'oots'om m'aaⁿ ñ'eⁿ tsaⁿm'm'aaⁿ!, tjaa na
nndaq^a nnts'aaⁿ.

³⁴ T'oona nnoom, jluena:

—'U cha'tso na cha'tso cantyja na tuiindyu' mat-
sei'xmaⁿ jnaⁿ. Ndo' ¿aa matseijndu' na m'moⁿ
ndaq^a já?

Quia jo' tjeii'na jom wats'om chjoo 'naaⁿna yuu
cwitjomndyena.

*La'xmaⁿna cha'na nn'aⁿ nchjaan jo nnom
Ty'oots'om*

³⁵ Jndii Jesús na tjeii'na tsaⁿñeeⁿ quii'ntaaⁿna.
Quia ljeii'juu, matsoom nnom:

—¿Aa matseiyu! ñequio Jnda Ty'oots'om?

³⁶ T'o tsaⁿñeeⁿ, matsoom:

—Jeeⁿ 'u Ta, ¿cwaan ts'aⁿ jom cha ya nntseiyu'a
ñ'eññé?

³⁷ Matso Jesús nnoom:

—Majndä nty'iaⁿ jom. Mannco na matseinaⁿya
njom' cwiluiindyⁿ queⁿ.

³⁸ Quia jo'cheⁿ matsoom:

—'U Ta, matseiyu'a ñ'eñndyu'!

Ndo' seit'maaⁿñé Jesús.

³⁹ Ndo' Jesús matsotyeeⁿcheⁿ:

—Ja jndyooⁿ tsjoomnancuewaañe na nntoⁿa
nn'aⁿ. Nquiee nn'aⁿ na ndoo' nquiuna na
cwila'noⁿna chiuu waa cantyja 'naaⁿ Ty'oots'om
nnts'aa na nnc'omna cha'cwijom ts'aⁿ na nchjaanⁿ.
Ndo' joo nn'aⁿ na ndoo' nquiuna na m'aⁿna
na nchjaanⁿna cantyja 'naaⁿ Ty'oots'om, joona
ñequiaya na candaq^aya nla'noⁿna cantyja
'naaⁿaⁿ.

⁴⁰ Nndyooⁿ meintyjeeⁿ cwantindye nn'aⁿ tmaaⁿ
fariseos, ndo' jndyena na lualaⁿ tso Jesús. Quia jo'
ta'x'eeda nnoom, jluena:

—¿Aa mati já mach'eenaⁿ na nchjaanⁿya?

⁴¹ T'o Jesús ndaq^ana, matsoom:

—Xeⁿ na je' laxmanⁿyoⁿ cha'na nn'aⁿ na
ticala'noⁿ cantyja 'naaⁿ Ty'oots'om quia jo'
tjaanⁿnaⁿ jnaⁿ na cwilaxmaⁿyoⁿ. Saq^a nc'e na
cwindu'yoⁿ na 'o laxmaⁿyoⁿ nn'aⁿ na candaq^aya

cwila'no^{n!} cantyja 'naa^{n!} Ty'ooots'om, jo' chii
cwilaxma^{n!}yo' na cho'nque^{n!}yo' jna^{n!}yo'.

10

Ñ'oom na tjañoom' cantyja 'naa^{n!} tiom canmaⁿ

¹ 'Ñ'oom na mayuu'cheⁿ na matsjoo ndaa^ayo', juu ts'aⁿ na nchii 'ndyoots'a tiom wjaaquiee' yuu na ñjomndye canmaⁿ, saq cwiichenⁿ joo wjaawaaⁿ juu tiom'ñeeⁿ na nncwincjee^{n!}eⁿ juuna', tsa^{n!}ñeeⁿ cwiluiiñê tsancanch'ue ndo' tsaⁿ na mawincje' tiom. ² Saq nquii ts'aⁿ na cwiluiiñê na mateix'ee canmaⁿ, xcwe 'ndyoots'a tiom nncjaaque^{n!}eⁿ. ³ Ts'aⁿ na mach'ee cwenta 'ndyoots'a tiom'ñeeⁿ, matseicanaa^{n!}na nncwinoom. Ndo' joo canma^{n!}ñeeⁿ na mateix'eeⁿ cwita'jnaa^{n!}yo' jñee^{n!}eⁿ. Macwjeee^{n!}eⁿ ncueeyo', wjaachom jooyo'. ⁴ Ndo' quia na jndaa tjeiin^{n!}eⁿ cha'tso canmaⁿ na mach'eeⁿ cwenta, wjaajñeeⁿ jo ndaayyo', 'oontyjoyo' naxee^{n!}eⁿ ee cwita'jnaa^{n!}yo' jñee^{n!}eⁿ. ⁵ Cwii ts'aⁿ na ticata'jnaa^{n!}yo' na nchii ty'oyo', xoc'oontyjoyo' naxe^{n!}, hasta nlei'nomyo' juu. Ee ticata'jnaa^{n!}yo' jndyee' cwiichenⁿ ts'aⁿ na nchii ty'oyo'.

⁶ Luua' ñ'oom na cwe' tjañoom' na seineiⁿ Jesús ndaa^ana. Saq ticala'no^{n!}na ljo' ñe'catsona'.

Jesús cwiluiiñê ts'aⁿ na canda^aya mateix'ee canmaⁿ

⁷ Ndo' seineiⁿtichenⁿ Jesús ndaa^a na^{n!}ñeeⁿ. Tsoom: —Ñ'oom na mayuu'cheⁿ matsjoo ndaa^ayo', ja cwiluiindyo 'ndyoots'a tiom na cwi'ooquie' canmaⁿ. ⁸ Cha'tso nt'omcheⁿ nn'aⁿ na jndaa tquiocalue na cwiluiindyne na nntei'x'ee canmaⁿ cwii tjoochenⁿ na jndyoo, joo na^{n!}ñeeⁿ la'xmaⁿna

naⁿcanty'ue ndo' nn'aⁿ na cwiwincje' tiom. Sa^q joo canmaⁿ na mayuu'cheⁿ cwiluiindy^e cwentaya tⁱnquiandyena cantyja 'naaⁿ naⁿ'ñeeⁿ. ⁹ Ja 'ndyoots'a tiom cwiluiindyo. Meiⁿcwi'ñeeⁿcheⁿ ts'aⁿ na nncjaaquiee' cantyja 'naⁿya, tsaⁿ'ñeeⁿ nlui'n'maaⁿñi . Nntseijomna'jom cha'cwijom cwii catsmaⁿ na maljeiiyo' na nlcwa' na macalui'yo' tiom'ñeeⁿ ndo' na macwjee'nnda'yo'.

¹⁰ 'Tsaⁿcanch'ue ñequii'cheⁿ na macwjeeⁿ'eⁿ na nnch'ueeⁿ nntseicueⁿ'eⁿ ndo' na nntsei'naⁿ'aⁿ. Ja jndyoo^q na ñnequia na ticantrycwii na cwita'ndo' nn'aⁿ, ndo' cha na canda a'ya na nla'xmaⁿna juu jo'. ¹¹ Ja cwiluiindyo ts'aⁿ na canda a'ya mateix'ee canmaⁿ. Juu ts'aⁿ na canda a'ya na mateix'ee canmaⁿ ntsmeiⁿ, ma nequia na na cue' cwen-taayo'. ¹² Sa a juu tsaⁿntjom na nchii cwiluii n ty'oyo' ee cwe' mach'eeⁿ cwenta jooyo', noom'm na ndyocwjee'ca oom lobo. Quia jo' ma'ñeeⁿ canmaⁿ'ñeeⁿ, maleinoom. Ndo' juu lobo'ñeeⁿ man-tyjo ndo' mat'uii jooyo'. ¹³ Maleinom tsaⁿ'ñeeⁿ ee cwe' tsaⁿntjom jom, jo' chii ticajnda ntyjeeⁿ canmaⁿ'ñeeⁿ.

¹⁴⁻¹⁵ 'Ja cwiluiindyo ts'aⁿ na canda a'ya mateix'aya canmaⁿ. Ndo' cha'xjeⁿ wajnaaⁿ Tsoty  ja, mati ja mawajnaⁿa jom. Maluaa' matseijomna' na wajnaⁿa canmaⁿ ntsma aⁿ'a, ndo' quioo' ntsma aⁿ'a cwitajnaaⁿ'yo' ja. Ndo' ma nequiaandyo na c'i o cwentaa canmaⁿ ntsma aⁿ'a. ¹⁶ Mati mam'aⁿ nt'omchen nn'aⁿ na cwiluiindyena canmaⁿ ntsma aⁿ'a na tic'omna tmaaⁿwaa. Mati joona cwiluiindyo na cjocachoo^qoya, ndo' nnquiontyjo^qna na nncwaⁿya joona. Ndo' nncuaa na ñe'cwii tmaaⁿ', ndo' ñe'cwii ts'aⁿ na nnteix'ee

joona.

¹⁷ 'Nquii Tsoty_q jeeⁿ candya' ts'oom ja, ee mañequiaandy_o na c'io cwentaa nn'aⁿ na cwiluiindy_e canmaⁿ ntsma_qaⁿ'a cha nñequiaaⁿ na nncwando'nnda'a. ¹⁸ Tja'a'naⁿ 'ñeeⁿ juu na nnda_a nntseicuee' ja na nchii ñ'oomya. Mann_coty_q mañequiaandy_o na ljo' catjoⁿ. Waa najndo_o na cwiluiindy_o na cats'aa na ljo', ndo' mati waa na jndo_o na nncwando'xco. Luua' ñ'oom na sa'ntjom Tsoty_qya na catseixmaⁿya.

¹⁹ Jnd_a na jndye nn'aⁿ judíos ñ'oommei^{n!} s'aana' na tícatjoom'nnda' na jla'neiⁿna cantyja 'naa^{n!}aⁿ.

²⁰ Ee jndyendye joona jluena:

—Tsaⁿjndii matseixmaaⁿ, ndo' jnd_a teintjeiⁿñé. ¿Chiuu na cwindye'yo' ñ'oom na matseineiiⁿ?

²¹ S_qa nt'omndye joona jlue:

—Nchaa l'uu ñ'oommei^{n!} la'xmaⁿna' ñ'oom na nntseineiⁿ ts'aⁿ na m'aaⁿ nacje 'naa^{n!} tsaⁿjndii. ¿Aa nnts'aacheⁿna' cwii ts'aⁿ na m'aaⁿ nacje 'naa^{n!} tsaⁿjndii nnda_a nnts'aa na nnty'iaa' ts'aⁿ na nch-jaan!^{n!}?

Tínquiandye nn'aⁿ judíos cantyja 'naa^{n!} Jesús

²² Tsjoom Jerusalén tuee' xuee quia cwila't'maa^{n!}ndye nn'aⁿ judíos na cwijaañjoom' n'omna xjeⁿ na tiooxconnda' weloo weloonaa cwenta wats'om t'maⁿ l'o Ty'oots'om. ²³ Ndo' xcwe ncueesua' quia tuee' xuee'ñeeⁿ. Jesús m'aaⁿ wats'om t'maⁿ 'naaⁿna. Manoom naquii' cwii w'aa cwentaa' wats'om'ñeeⁿ na cwe' wanaaⁿ ndiocheⁿ na s'aa Salomón. ²⁴ Quia jo' nn'aⁿ na cwiluiitquiendye nd_a nn'aⁿ judíos tja'a'ndyena tsei Jesús. Ta'x'eena nnoom jluena:

—¿Cwanti yo na maleichu' jâ na mat-sei'ee'n'dyu' jâ? Xeⁿ na mayuu' cwiluiindyu' Cristo, ntyjayu catsu' ndaayâ.

25 Matso Jesús ndaana:

—Jnda tsjoo na ljo' ndaa'yo', saa maxjeⁿ ticalayu'yo'. Majoo ts'iaaⁿ na mats'aa ñequio najndeii na matseixmaⁿ Tsotyâ, joonaⁿ cwitjei'yuu'ndyenaⁿ cantyja 'nanya. **26** Saá 'o tiñe'calayu'yo' ñ'eⁿndyoⁿ cweⁿ nc'e nchii cwiluiindyoⁿ canmaⁿ ntsmaaqⁿa. **27** Ee nn'aⁿ na cwiluiindye canmaⁿ ntsmaaqⁿa cwindyena jndyeyá, ndoⁿ ja mawajnaⁿa joona, ndoⁿ joona cwinquiontyjoona naxaⁿa. **28** Ja mañequia na ticanycwii na cwita'ndoⁿna, meiⁿ tajom catsuundyena. Ndoⁿ tjaa meiⁿcwii ts'aⁿ na nnndaⁿ nncwjiⁿ joona l'oo. **29** Ee nquii Tsotyâ na tquiaaⁿ joona l'oo, jom cwiluiit'maⁿñetyeeⁿ na cha'tso, ndoⁿ meiⁿcwii tjaa 'ñeeⁿ juu nnndaⁿ nncwjiⁿ joona l'ooⁿ. **30** Ja ñequio Tsotyâ ñeⁿcwii cwiluiindyoⁿ ñ'eⁿñê.

31 Jndá na jndye nn'aⁿ judíos'ñeeⁿ na lúaⁿ ñ'oom tso Jesús, jla'xcwiinndaⁿna ljoⁿ na nntueeⁿna nacjoom'm. **32** Quia joⁿ tsoom ndaana:

—Majndye ts'iaaⁿ na ya jndá s'aaya jo ndaa'yoⁿ ñequio najndeii na matseixmaⁿ Tsotyaya. ¿Cwaaⁿ cwii juunaⁿ na mach'eñaⁿ na ñeⁿcajñom'yoⁿ ljoⁿ ja?

33 Ndoⁿ t'ooⁿ judíos'ñeeⁿ nnoom, jluena:

—Nchii ñeⁿcajñooⁿyâ ljoⁿ 'u cweⁿ cwii ts'iaaⁿ na ya mache'. Nl'aayâ na lúaⁿ 'u ee matsei'jnaⁿ Ty'ooot'som. Ee 'u cweⁿ ts'aⁿ 'u, saá macheⁿ na cwiluiindyuⁿ Ty'ooot'som.

34 Jesús t'ooⁿ ndaana, tsoom:

—Naquii' ljeii ñ'oom' Ty'ooots'om na cwileiñ'om'yo', manquiu'yo' na nquii Ty'ooots'om matsoom: “Ndäa^q 'o na cwiluiitquiendyo' jo ndäa^q nn'aⁿ matsjoo^q na matseijomna' 'o cha'na nnco.”

³⁵ Matsotichen Jesús:

—Tso Ty'ooots'om ndäa^q nn'aⁿ na cwiluiitquiendye ndäa^q nn'aⁿ judíos na matseijomna' joona cha'na nqueⁿ. Ndo' manquiuuya na tixocats'aana' na cwe' cantu ñ'oom na tsoom. ³⁶ Jo' chii tixcwe na cwindu'yo' na matseijnaaⁿa jom nc'e na tsjoo^q na cwiluiindyo^q Jnaaⁿ. Ee nqueⁿ ty'ioom ts'iaaⁿ ja, ndo' sa'ntjoom ja na candyoc'ooⁿndyo^q quii'ntaaⁿ! 'o nn'aⁿ tsjoomnancue. ³⁷ Jo' chii xeⁿ nchii ts'iaaⁿ 'naaⁿ Tsotya mats'aa, ticalayu'yo' ñ'eⁿndyo^q. ³⁸ Sa^q nc'e na mats'aa ts'iaaⁿ 'naaⁿa, jo' chii calayu'yo' cantyja 'naaⁿ mañejoo ts'iaaⁿñeeⁿ meiiⁿ na tiñe'calayu'yo' ñ'eⁿndyo^q ja. Ee cantyja 'naaⁿjoona' nliu'yo' ndo' nla'nóoⁿyo' na nquii Tsotya ñe'cwii cwiluiñê ñ'eⁿndyo^q, ndo' ja ñe'cwii cwiluiindyo^q ñ'eⁿñê.

³⁹ Quia jo' cwiicheⁿ cwii ndii' jla'jndaa'ndyena na nnt'uena jom, sa^q tîcanda^q l'ana, tjaaⁿ.

⁴⁰ Quia jo' tei'ty'iøonndaa'â jndaa Jordán ñ'eⁿ Jesúsu yuu ñet'oomjndyee Juan na tyotseits'oomñê nn'aⁿ. Ndo' majndye xuee ñet'ooⁿyâ jo' jo' ñ'eⁿ Jesúsu. ⁴¹ Ndo' jndye nn'aⁿ tquie'cañom na m'aaⁿyâ na ñe'candyena ñ'oom na tyoñequiaaⁿ. Tyoluena ndäa^q nc'iaana:

—Juan meiⁿcwii ts'iaaⁿ tyooch'eeⁿ na xocanda^q nluiina' na cwe' ts'aⁿnnts'aa. Sa^q cha'tso ñ'oom na tyoñequiaaⁿ cantyja 'naaⁿ tsaⁿm'aaⁿ!, ñequii'cheⁿ na mayuu' joona'!

42 Ndo' majndye nn'aⁿ tyola'yu' ñ'eⁿ Jesús jo' jo'.

11

Na tue' Lázaro

1 Tyom'aaⁿ cwii ts'aⁿ wii' na jndyu Lázaro. Juu tsaⁿ'ñeeⁿ tyom'aaⁿ tsjoom Betania ñequio María ñequio xjoom Marta. **2** Majuu María, xjo Lázaro'ñeeⁿ, tsaⁿ na tu'nquio ncheⁿ nc'ee Jesús, ndo' ñequio sooxqueeⁿ tyuee'ñê nc'ee. **3** Ndo' joo yolcu'ñeeⁿ jla'cwanomna ñ'oome na m'aaⁿ Jesús. Jluena:

—'U Ta, juu ts'aⁿ na jeeⁿ candyā' ts'om', weeⁿ'eⁿ.

4 Jndā na jndii Jesús ñ'oomwaa', matsoom:

—Tycuwaa' nchii macanda na cwe' nntseicuee'na' jom. Matjoom na luae' cha caluiit'maaⁿ'ñē Ty'oots'om cantyja 'naan'aⁿ. Ndo' mati nntseit'maaⁿ'ñē ja na cwiluiindyo Jnaan.

5 Jeeⁿ wi' ts'om Jesús Marta ñequio tyjee tsaⁿ'ñeeⁿ ñequio nquii Lázaro. **6** Jndā na jñeeⁿ na wii' Lázaro'ñeeⁿ, ljoo'ñetyeeⁿ we xuee jo' jo' yuu na m'aaⁿ. **7** Jndā teinom we xuee'ñeeⁿ, jā nn'aⁿ na t'maaⁿ na calajomndyō ñ'eⁿ'ñē ts'iaaⁿ na mach'eeⁿ, matsoom ndaqayâ:

—Tsaanndaa'a Judea.

8 Jo' chii l'uuyâ nnoom:

—'U ta na ma'mooⁿ ñ'oom' Ty'oots'om ndaqayâ, tyowijndye xuee na jla'jndaa'ndye nn'aⁿ judíos na njñomna ljo' 'u, ndo' ¿aa jo' wja'nnda'?

9 T'ó Jesús ndaqayâ, matsoom:

—Ndicwaⁿ waa xjeⁿ na nnts'aatyā ts'iaaⁿ cwii tjoocheⁿ na nnt'ue nn'aⁿ judíos ja. Ndo' na luae' waa matseijomna' cha'cwijom na cwii xuee na

candaa'ya canchoo'we horas na nnts'aa ts'aⁿ ts'iaaⁿ. Quia naxuee manom ts'aⁿ, xocwity'ueeⁿ, ee ya tqiuum'm nc'e na manty'iaa' ñe'quioom' tsjoomnancuewaña. ¹⁰ Saq tixocandaa nnts'aa ts'aⁿ ts'iaaⁿ natsjom. Xeⁿ nnts'aaⁿ na ljo' nncwity'ueeⁿ, ee tjaalnaⁿ naxuee c'oom ñ'eññê.

¹¹ Jndä tsoom na luala' ndaayâ, tsotyeeⁿcheⁿ:

—Juu ti'x'iaaya Lázaro watsom, saq jo na nntseil-cwiya jom.

¹² Quia jo' t'oooyâ, l'uuyâ:

—Jeeⁿ 'u Ta, xeⁿ na cwe['] watsom, maxjeⁿ nlco'yana['] jom.

¹³ Seineiⁿ Jesús ñ'oomwaa' ee na m'aaⁿ ts'ooñe Lázaro, saq jâ jlatiuyuyâ na ma'mooⁿ na watsoo tsa^{n'ñeeⁿ. ¹⁴ Quia jo' tsondyeyoom ndaayâ:}

—Jndä tue['] Lázaro. ¹⁵ Ndo' neiⁿya na tic'ooⁿya jo' jo' quia na tueen'eⁿ cha na nlayu'yo'. Je' cjaaya na m'aaⁿ.

¹⁶ Tomás, tsaⁿ na cwilacajndyuuyâ catyeⁿquiee, juu cwii jâ nn'aⁿ na canchoo'wendyô na t'maⁿ Jesús na calajomndyô ñ'eññê, matso ti'ñeeⁿ ndaayâ:

—Mati cjaaya cha mañejom cwjaaya ñ'eññê.

Tseixmaⁿ Jesús na cwita'ndo'nnda' nn'aⁿ na jndatja

¹⁷ Quia jo' saayâ, squiaayâ Betania. Jndä na squiaayâ jo' jo' tyolue nn'aⁿ nnom Jesús na jndä ñequiee xuee na ndii' Lázaro tsei'tsuaa.

¹⁸ Tsjoom'ñeeⁿ cha'na we kilómetros waljoo' xcwe na tquia m'aaⁿna' ñ'eⁿ Jerusalén. ¹⁹ Ndo' majndye nn'aⁿ judíos jndä tquie'cañom Marta ñequio María. Tquiola'jomndyena na cwiñe'quiana na

t'maⁿ n'om na^{n'}ñeeⁿ na tue' Lázaro. ²⁰ Jndā na jndii Marta na jndā wjaawindyoo'â ñ'eⁿ Jesús, jluee^{n' eⁿ} na jndyocatjomñē juu yuu na m'aaⁿyâ. Saq María ljoo'ñê na waa w'aa. ²¹ Matso Marta nnom Jesús:

—'U Ta, toom cwe' m'aa^{n'} ñjaanⁿ, tīcue' ñetyjo. ²² Saq meiiⁿ na jndā tuee^{n' eⁿ} ntyjiiyaya na meiⁿcwi'ñeeⁿchenⁿ ñ'oom na nlca^{n'} nnom Ty'oots'om, nñequiaaⁿ.

²³ T'o Jesús, matsoom nnom:

—Ncwando'nnda' ti'ty'iu' meiiⁿ na jndā tuee^{n' eⁿ}.

²⁴ T'o Marta nnoom, matso:

—Ntyjiyya na nncwando'nnda' ñetyjo xuee na macandā quia na nntseinlcwi Ty'oots'om nn'aⁿ na jndā tja.

²⁵ Matso Jesús nnom:

—Ja cwiluiindyō na mañequia na cwita'ndo'xco nn'aⁿ, ndo' ja mañequia na ticanycwii na mawando' ts'aⁿ. 'Ñeeⁿ juu na matseiyu' ñ'eⁿndyo, meiiⁿ na cue', maxjeⁿ nncwando'xco. ²⁶ Ndo' ticwii cwii ts'aⁿ na matseiyu' ñ'eⁿndyo, ticanycwii na nncwando', ndo' meiⁿ tijoom nntsuuñe. ¿Aa matseiyu' na ljo'?

²⁷ Matsoom nnom Jesús:

—Mayuu! Ta, matseiyu'a na 'u cwiluiindyu' Cristo, Jnda Ty'oots'om. Ma'u jo' na tseixma^{n'} na nncwje'cañoom' tsjoomnancue.

Seichjoo'na' ts'om Jesús, ty'ioom

²⁸ Jndā na tso Marta na luua', quia jo' tjaanⁿ, tjacwaaⁿ tyjeeⁿ María. Ñemaa^{n'} matsoom nnom tsa^{n'}ñeeⁿ:

—Jndā tyjee' nquii Maestro ndo' maquee^{n'ñê} 'u.

²⁹ Quia na jndii María na ljo', seityuaa^{n'a}, jndyocatjomñê Jesús yuu na m'aa^{n'yâ}. ³⁰ Ee xje^{n'ñee} tyootsaaquiaq^{l'â} quii' tsjoom ñ'eⁿ Jesús. Ndi m'aa^{n'yâ} ñ'eⁿñê yuu na tjacatjomñê Marta jâ. ³¹ Ndo' joo nn'aⁿ judíos na cwila'jomndye ñ'eⁿ María na cwifñie'quia na t'maⁿ ts'oom, quia nty'iaana na seityuaa^{n'a}, teicantyjaan, jluee^{n'e} quii' w'aa, ty'entyjona naxee^{n'e}. Ee jla'tiuuna na wjaccaty'ioom yuu waa tsei'tsuaa.

³² Quia na tue^{n'e} na m'aa^{n'yâ} ñ'eⁿ Jesús, tcoom'm xtyeeⁿ jo nc'ee. Matsoom nnom:

—Jeeⁿ 'u Ta, toom cwe' m'aa^{n'} ñjaanⁿñe, quia jo' tîcue' ñetyjo.

³³ Nty'iaa' Jesús na jeeⁿ maty'iioo María, ndo' jeeⁿ cwityuee nn'aⁿ judíos na tquiontyjo naxee^{n'e}. Quia jo' jeeⁿ seichjoo'na' ts'om Jesús, ndo' sei'ndaa'na ntyjeeⁿ. ³⁴ Tax'eeⁿ ndaq^ana, matsoom:

—¿Yuu cwijom ty'i'u'yo' jom?

Jluena nnom:

—Ta, candyo' canty'ia'!

³⁵ Ndo' Jesús ty'ioom. ³⁶ Quia jo' joo nn'aⁿ judíos jlue:

—Que^{n'yo} cwenta na jeeⁿ wi' ts'oom ti'ts'oo.

³⁷ Saq^a cwantindyje joona jluena:

—Tsa^{n's'am'aa}^{n'} s'aaⁿ na ya nty'iaa' tsa^{n'nchjaa}^{n'}. ¿Aa nchii mati nnnda^a nnts'aaⁿ na tîcue' Lázaro?

Tquiaa Jesús na ta'ndo'xco Lázaro

³⁸ Sei'ndaa'nnda'na' ntyjii Jesús. Saayâ ñ'eⁿñê yuu na waa tsue'tsjo' na tuii tsei'tsuaa juuna'. Cwita^q tsjo' 'ndyooots'aa'na'. ³⁹ Tso Jesús ndaq^ana:

—Quindyo'yo' tsjo'waa.

Juu Marta, xjo ts'oo, matsoom:

—Jeeⁿ 'u Ta, je' jndā teic'eeñē ee jndā jndāa'
ñequiee xuee na tuee^{n'lēn}.

⁴⁰ Matso Jesús nnom:

—¿Aa nchii jndā tsjoo njom', xeⁿ nntseiyu'
nnty'ia'njom' na nntseit'maa^{n'lēn} Ty'ooot'som?

⁴¹ Quia ljo'cheⁿ tei'ndyoqona tsjo' yuu na
tja'a'ndyena ts'oo. Ndo' jlundaqñē, matsoom:

—Jeeⁿ quianl'ua' 'u Tsotyaya na mandi' ñ'oom
'ndyoya. ⁴² Ee mantyjiiya na ñequii'cheⁿ mandi'
ñ'oom na matseina^{n'ya} njom'. Saq cwe' nc'e
nn'aⁿ na jndyendye na m'aⁿna na cañomya jo' chii
tsjoooya ñ'oomwaa' cha cala'y'u'na na 'u jñom' ja.

⁴³ Ndo' quia na jndā tsoom na lcaa', seiweeⁿ
jñee^{n'lēn}, tsoom:

—Lázaro, calui'.

⁴⁴ Ndo' juu ts'oo Lázaro, jluee^{n'lēn} na chu'tyjoo
liaa na tintmeiⁿ nc'eeⁿ ndo' l'ooⁿ. Ndo' ta' nnoom
payom. Matso Jesús ndāq na^{n'lēe}:

—Calacano^{n'lēn} yo' liaamei^{n'lēn} cha nndāq nncjaⁿ.

Jla'jndaa'ndye nn'aⁿ judíos na nnt'uena Jesús

(Mt. 26:1-5; Mr. 14:1-2; Lc. 22:1-2)

⁴⁵ Ndo' majndye nn'aⁿ judíos'ñeeⁿ quia na
nty'iaana na lcaa' s'aa Jesús, jla'y'u'na ñ'eⁿñē.

⁴⁶ Saq nt'omndye joona ty'entyjaa'na nn'aⁿ
fariseos. Tyoluena chiuu nty'iaana na s'aa

Jesús. ⁴⁷ Jo' chii tjomndye nquiee ntyee na
cwiluiitquiendye ñequio nn'aⁿ fariseos ñequio

nt'omcheⁿ nc'iaana na m'aⁿ n'iaaⁿ. Tyoluena ndaa
nc'iaana:

—¿Chiuu nl'aayoo? Ee teijndye ts'iaaⁿ t'maⁿ
mach'ee tsa<sup>n'm'a^{n'lēn} na tixocaluii na cwe' ts'aⁿ
nnts'aa. ⁴⁸ Ndo' xeⁿ cwe' n'ndyqatoo na nc-
jaach'eetyeeⁿ na lcaa', quia jo' cha'tso nn'aⁿ</sup>

nla'yu' ñ'eññê. Ndo' na ljo' nquiee naⁿmaⁿn'iaaⁿ nn'aⁿ romanos nla'tyuii'na wats'om 'naaⁿ jaa nn'aⁿ judíos ñequio ndaandyuaa 'naaⁿya.

⁴⁹ Caifás jndyu cwiindye joo naⁿñeeⁿ na lcaa^atso. Juu cwiluiitquieññê chu'ñeeⁿ ndaq̄a ntyee cwentaa jaa nn'aⁿ judíos. Matsoom ndaq̄a naⁿñeeⁿ:

—'O meiⁿchjoo ticala'nⁿ'yo'. ⁵⁰ Meiⁿ ticaliu'yo' na yati xeⁿ na cue' cwii tsans'a cwentaa cha'tsondye nn'aⁿ ndyuaya, cha tints'aa gobiernom na cwjaaya na cha'tsondyo.

⁵¹ Saq̄a nchii cantyja na jndo' ts'om nqueⁿ na lcaa^a ñ'oom tjeiin'eⁿ. Jom nc'e na cwiluiiññê tyee na cwiluiit'maⁿññê ndaq̄a jaa nn'aⁿ judíos chu'ñeeⁿ, jo' chii seijndo' Ty'ooots'om ts'oom na nncue' Jesús cwentaa nn'aⁿ judíos. ⁵² Ndo' nchii macanda cwe' cantyja 'naaⁿ nn'aⁿ judíos, mati nntjoom na ljo' cha cha'tsondye nn'aⁿ na meiⁿquiayuucheⁿ na m'aⁿ na quit'maⁿ n'om jom nntseitjom Ty'ooots'om joona cantyja 'naaⁿan'. ⁵³ Jo' chii nc'e na lcaa^atso Caifás, cantyjati xuee'ñeeⁿ jnaⁿna' na jla'jomndye naⁿmaⁿn'iaaⁿñeeⁿ na nla'cuee'na Jesús.

⁵⁴ Cwe' nc'e jo', ticonom xcweyyaaⁿ quii'ntaaⁿ nn'aⁿ judíos. Jo' chii jluii'â ts'onda Judea ñ'eññê, saayâ cwii tsjoom chjoo na jndyu Efraín. Tsjoom'ñeeⁿ candyoo' m'aaⁿna' ñequio ndyuuaa na tjaan nn'aⁿ c'oom. T'ooⁿyâ ñ'eññê jo' jo' cwantindyo xuee.

⁵⁵ Ndo' jndq̄a jaawindyoo' na nncuee' xuee pascua na jaa nn'aⁿ judíos cwilacwjaaya canmaⁿ. Cwii tjoocheⁿ na nncuee' xuee pascua'ñeeⁿ, jndyendye nn'aⁿ jlui'na njoomna, ty'ena Jerusalén cha nndaq̄a nntjei'ljuu'ndyena cantyja 'naaⁿñ'oom na cwila't'maaⁿndy^o Ty'ooots'om. ⁵⁶ Joo

nn'aⁿ na ty'e xuee tyol'ueena Jesús. Yochenⁿ na tyom'aⁿna wats'om, tyoluena ndaq^a nc'iaana:

—¿Chiuu m'aa^{n!} n'om'yo', aa nnts'aacheⁿna' na ticañoom ncuee?

⁵⁷ Ntyee na cwiluiitquiendye ndaq^a jaa nn'aⁿ judíos ñequio nn'aⁿ tmaan^{n!} fariseos tqueⁿna ñ'oom na jndein'a!. Saⁿtjomna xeⁿ m'aaⁿ meiⁿcwiⁿñeeⁿchenⁿ ts'aⁿ na ntyjii yuu m'aaⁿ Jesús, catseicandii tsa^{n!}ñeeⁿ joona, cha na nndaq^a nnt'uena jom.

12

*Tu'nquio María nche^{n!} cjoo' nc'ee Jesús
(Mt. 26:6-13; Mr. 14:3-9)*

¹ Yom xuee cwii tjoo na nla'tyeⁿ nn'aⁿ judíos xuee pascua quia cwila'cwjeena canmaⁿ, ndo' squi^ayâ tsjoom Betania ñ'eⁿ Jesús. Squi^ayâ na m'aaⁿ Lázaro, tsaⁿ na tquiaaⁿ na wando' xco jnda^a na tue!. ² Tyola'l'maaⁿndyena Jesús jo' jo'. Jla'jndaa'ndyena cwii nantquie na tcwaa'â. Marta tyondi'ntjoom ndaq^ayâ ndo' juu Lázaro'ñeeⁿ tacatyeeⁿ ñ'eⁿndyô na meindyuaandyô nacañoom' meiⁿsa ñ'eⁿ Jesús. ³ Ndo' juu María maleiñ'oom cwii tsua' xjo nche^{n!} na ñequii'chenⁿ nardo. Juuna' jeeⁿ jndana!. Tu'nquioom nche^{n!}ñeeⁿ nc'ee Jesús, jndâ jo' tyowee'ñê nc'ee ñequio sooxqueeⁿ. Na s'aaⁿ na ljo' tju'na' jndye cachî cha'waa quii' w'aa. ⁴ Mañ'en Judas Iscariote, jndâ Simón, juu mawaa xjeⁿ na nñeiquiaa cwenta Jesús. Tsa^{n!}ñeeⁿ cwii jâ na t'maⁿ Jesús na calajomndyô ñ'eⁿñê. ⁵ Matso:

—Cwa nchii na teil'ua ncheⁿ'waa' na cwii ndyee siaⁿnto s'om denario. Ñequio s'om'ñeeⁿ nnda^a nnteijndeii ts'aⁿ ndyeñeeⁿ.

⁶ Sa^a nchii tsoom na luala' nc'e na jeeⁿ wi' ts'oom ndyeñeeⁿ sa^a ee na jeeⁿ canch'ueñe ndo' nc'e na jom maleiñ'oom tjaⁿche na ñjom s'om na cwileil'uee'ndyô na cha'tsondyô, ndo' xjeⁿto jom macwjeeⁿ'en s'om jo' jo'. ⁷ Sa^a matso Jesús:

—Ca'ndii' yuscum'aaⁿ na luala' mach'eeⁿ. Matseijndaa'ñê cantyja 'naaⁿ xuee na nncjaanty'iuu'ndyô. ⁸ Ee ndyeñeeⁿ ñequiⁿl'cheⁿ na m'aⁿna ñ'eⁿndyo', sa^a ja nchii ñequiⁿl'cheⁿ na nnc'ooⁿya ñ'eⁿndyo'.

Jla'jndaa'ndye ntyee na nla'cuee'na Lázaro

⁹ Jo' chii quia na jndye nn'aⁿ na jndyendye na jo' jo' m'aⁿ Jesús, tquie'cañomna na m'aⁿyâ. Ee nchii macanda nc'e na ñe'canty'iaana Jesús, sa^a mati ñe'canty'iaana Lázaro, ts'aⁿ na tue' na tquiaa Jesús na tando'xco. ¹⁰ Cwe' nc'e jo', ntyee na cwiluiitquiendye nda^a nn'aⁿ judíos, mati jla'jndaa'ndyena na nla'cuee'na Lázaro. ¹¹ Ee cwe' cantyja 'naaⁿ jom majndye nn'aⁿ judíos'ñeeⁿ toⁿndye cantyja 'naaⁿ ntyee, jla'yu'na ñ'eⁿ Jesús.

Jla't'maaⁿ'ndye nn'aⁿ Jesús quia squiaayâ Jerusalén

(Mt. 21:1-11; Mr. 11:1-11; Lc. 19:28-40)

¹² Teincoo cwiichenⁿ xuee nn'aⁿ na jndyendye na tquio ncuee, jndyena na manndyoo' na nntsquiaayâ Jerusalén ñ'eⁿ Jesús. ¹³ Jo' chii ty'echona njom, ty'ecatjomndyena jâ ñ'eⁿñê. Tyola'xuaana tyoluena:

—Caluiit'maⁿñé Ty'oots'om. Catio'naaⁿñé nquii ts'aⁿ na mandyo ñequio xuee' nquii na cwiluiñé Rey cwentaa jaa nn'aⁿ Israel.

¹⁴ Ndo' ljeii Jesús cwii snom chjoo. Tjaljoom juuyo'. Ndo' na ljo' s'aaⁿ seicandaq^a'ñena' ñ'oom' Ty'oots'om na teiyo teiljeii. ¹⁵ Matsona': 'O nn'aⁿ tsjoom Jerusalén, tila'catyuendyo'.

Canty'ia'yo' macwjee'cañoom nqueⁿ na cwiluiñé Rey cwenta' 'o, na waljoom snom.

¹⁶ Jâ nn'aⁿ na t'maⁿ Jesús na cala'jomndyô ñ'eⁿñé ticala'nog^a'ñé ñ'oommeiⁿ najndyee. Saq^a ndanquia quia na jnd^a seit'maaⁿñé Ty'oots'om jom, tjañjoom' n'og^anyâ na teiljeii ñ'oommeiⁿ cantyja 'naaⁿaⁿ, ndo' maxjen tuii na ljo'.

¹⁷ M'aⁿ cwii tmaaⁿ nn'aⁿ judíos quia t'maⁿ Jesús Lázaro na ñejndii' quii' tsei'tsuaa. Jnd^a na tquiaaⁿ na wando'xco Lázaro'ñeeⁿ, quia jo' tyotjeii'yuu'ndye naaⁿñeeⁿ chiuu nty'iaana na tuii. ¹⁸ Macwe' juu ts'iaaⁿñeeⁿ na s'aa Jesús na tixocandaq^a nluii na cwe' ts'aⁿ nnts'aa, jo' na ty'ecatjomndyee nn'aⁿ na jndyendye jom quia jnd^a jndyena na ljo' s'aaⁿ. ¹⁹ Saq^a joo fariseos'ñeeⁿ tyoluena ndaq^a nc'iada:

—¿Aa jndo'yo'je'? Maxjen tjaa na nndaq^a nl'aaya. Cha'tsondye nn'aⁿ cwilajomndyee ñ'eⁿñé.

Nn'aⁿ na cwila'neiⁿ ñ'oom griego cwil'ueena Jesús

²⁰ Ndo' tyom'aⁿ cwantindye nn'aⁿ na cwila'neiⁿ ñ'oom griego quii'ntaaⁿ nn'aⁿ na ty'e ncuee quia cwila'cwjee nn'aⁿ judíos canmaⁿ. ²¹ Tquie'cañom naⁿñeeⁿ Felipe. Jom ts'aⁿ tsjoom Betsaida,

ts'onda Galilea. Nn'aⁿ griegos'ñeeⁿ ty'ecataⁿna cwii naya'ñeeⁿ nnoom, jlueda:

—Aa re sa, l'ue n'ooⁿyâ na nlanqâⁿyâ ñ'eⁿ Jesú.

²² Quia jo' tja Felipe, matsoom na ljo' nnom André, ndo' wendye joona ty'ecalueda na ljo' nnom Jesú. ²³ Tso Jesú ndaqâna:

—Ja cwiluiindyo ts'aⁿ na jnaⁿ cañoom'luee. Jndâ tue'ntyjo xjen na t'maⁿ nlco'wi'na' ja, ndo' cantyja 'naaⁿ jo' Ty'oots'om nntseit'maaⁿ'ñê ja. ²⁴ Ñ'oom na mayuu'cheⁿ matsjooya ndaq'yo', cwii lqueeⁿ na cwiqiuoo, xeⁿ ticjaaquiee'na' quii' ts'o yuu na nntseijomna' cha'cwijom na nncue'na', cwiljona' na ñenquiina'. Saq xeⁿ nnom' ts'aⁿ juuna' quii' ts'o yuu na matseijomna' na nncue'na', quia jo' majndye nncue' nnts'aana'. ²⁵ 'Ñeeⁿ juu na matseicandy^a ts'om cantyja na matseijndaa'ñe nquii na nncwando', jnaaⁿ jo' nntsuuñe. Saq juu ts'aⁿ na mach'ee na jndoo' cantyja na wjaam'aaⁿ, nndaa' tsaⁿ'ñeeⁿ na ticantycwii na nncwanoom'm. ²⁶ 'Ñeeⁿ juu ts'aⁿ na ñe'candi'ntjom nooⁿ, candyontyjooⁿ naxaⁿa. Ndo' yuu na nnc'ooⁿya majo' jo' nnc'oom ts'aⁿ na mandi'ntjom nooⁿ. Ndo' 'ñeeⁿ juu ts'aⁿ na nndi'ntjom nooⁿ nntseit'maaⁿ'ñe Tsotyaya tsaⁿ'ñeeⁿ.

Matseineiⁿ Jesú na nla'cuee' nn'aⁿ jom

²⁷ 'Je' mamatsei'ndaa'na' ts'ooⁿ, ndo' ¿chiuu nntsjoo cantyja 'naaⁿ jo'? ¿Aa nntsjoo: "Tsotyaya, cwji'n'maaⁿdyu' ja juu xjeⁿ na nntjoⁿya nawi'waañe"? Saq xocatsjoo na ljo' ee jndâ jndyoⁿ cha na nnc'io cwentaa nn'aⁿ. ²⁸ 'U Tsotyaya, quiaa' na catseit'maaⁿ'ñena' 'u.

Xje^{n!}ñeeⁿ teic'uaa jndyee' Tsotyeeⁿ cañoom'luee.
T'o:

—Jndā tquia na matseit'maa^{n!}ñena' ja ndo'
wjaatseit'maa^{n!}ñetina' ja.

²⁹ Nn'aⁿ na jndyendye na meintyjee'
nacañoomyâ jo' jo', jndyena na ljo'. Jluena ndaa
ntyjeena na seixuaa tsuee. Saq̄ nt'om nn'aⁿ jlue:

—Cwii ángel seineiⁿ nnoom.

³⁰ Tso Jesús ndaana:

—Jndye'yo' na teic'uaa na seineiⁿ cha cateijn-deiina' 'o, nchii cha cateijndeiina' ja. ³¹ Ee jndā tue'ntyjo xjeⁿ na nncu'xeⁿna' nn'aⁿ tsjoomnancue. Ndo' mati nntyuii' na matseixmaⁿ tsaⁿjndii na matsaⁿntjom quii' n'om nn'aⁿ. ³² Ndo' quia na jndā jla'we nn'aⁿ ja na nla'cuee'na ja, quia jo' nnts'aa na nntseitjomna' nn'aⁿ cantyja 'naⁿya.

³³ Ñ'oomwaa' matsoom cha ca'moⁿna' cwaaⁿ
cwii nnom na nntjoom na nncueeⁿeⁿ. ³⁴ T'o^o nn'aⁿ
na jndyendye, jluena:

—Majndā macwindy^aaya na matso ñ'oom na
saⁿntjom Ty'oots'om na teiljeiina' na juu Cristo
xocantycwii na m'aaⁿñē. Quia jo' ¿chiuu na matsu'
na matsona' na nla'we nn'aⁿ juu na cwiluiiñe ts'aⁿ
na jnaⁿ cañoom'luee na nla'cuee'na juu? ¿'Ñeeⁿ
juu luua' na matsu' na cwiluiiñe ts'aⁿ na jnaⁿ
cañoom'luee?

³⁵ Quia jo' matso Jesús ndaana:

—Ja na cwiluiindyo naxuee quii'ntaaⁿ nn'aⁿ
ndicwaⁿ m'aaⁿty^aaya quii'ntaaⁿyo!. Jo' chii
ñequii'chen c'om'yo' cantyja 'naⁿya yocheⁿ na
cwii m'aaⁿty^aaya ñ'eⁿndyo', cha tincwinom' natia
'o. Ee ts'aⁿ na m'aaⁿñe nacie 'naa^{n!} natia, ticaljeii
yuu wjaañ'oomna' juu. ³⁶ Yocheⁿ na m'aaⁿya

na mañequia naxuee quii' n'om'yo', calayu'yo' ñequiondyo ja na cwiluiindyo naxueeñe. Ee na nl'a'yo' na ljo' nlaxma'yo' cantyja 'naaⁿ' Ty'oots'om na nqueⁿ cwiluiñê naxueeñe.

Jndä na seineiⁿ Jesús ñ'oommeiⁿ, tjaanⁿ yuu na xocaliu naⁿñeeⁿ jom.

Tiñe'calayu' nn'aⁿ jndíos ñ'eⁿ Jesús

³⁷ Meiiⁿ jndye ts'iaaⁿ na tyoch'eeⁿ jo ndaqana na tixocaluii na cwe' ts'aⁿ nnts'aa, saa^a tiñe'calal'yu'na ñ'eⁿñê. ³⁸ Luua' tuii cha catseicandaq^añena' ñ'oom na tyotseiljeii profeta Isaías, matso:

Ta, ñ'ñeeⁿ juu na matseiyu' ñ'oom na cwiñe'quiaayâ?

Ndo' tsotyeeⁿ cwiicheⁿ ñ'oom:

¿'Ñeeⁿ juu na jndä t'moⁿ Ty'oots'om nnom najndeii na matseixmaaⁿ?

³⁹ T'moⁿ Isaías chiuu waa na tileicandaq^a nla'yu' nn'aⁿ judíos, ee waa cwiicheⁿ ñ'oom na matsoom:

⁴⁰ Cha'xjeⁿ tileicanty'iaa' ts'aⁿ na nchjaaⁿ, maluaa' s'aa Ty'oots'om quii' n'omna, ndo' tquiaaⁿ na jla'quie' n'omna jo nnoom.

Nmeiiⁿ tuii cha tixocaliuna chiuu l'ue ts'oom ñ'eⁿndyena,

meiⁿ na nla'noⁿna quii' n'omna.

Ee xeⁿ nnc'ooliuna chiuu l'ue ts'oom ndo' nla'noⁿna, maxjeⁿ nlcwe' n'omna ndo' nncwji'n'maaⁿñê joona.

⁴¹ Seineiⁿ Isaías ñ'oommeiⁿ quia na tco'na' nnoom na seit'maaⁿñê Ty'oots'om Jesús, ndo' seineiiⁿ cantyja 'naaⁿ juu.

⁴² Saä meiⁿ na luua' tso Isaías, majndyendye nn'aⁿ na m'aⁿ n'iaaⁿ jo ndaq^a nn'aⁿ judíos, ty-ola'yu'na ñ'eⁿ Jesús. Saä jnaaⁿ na nquiaana nn'aⁿ

tmaa^{n'} fariseos, jo' chii ticatjei'yuu'ndyena na ljo'. Ee xeⁿ nl'ana na ljo' tixonquia fariseos'ñeeⁿ na wanaaⁿ na nla'jomndyena xjeⁿ na cwi'oona wats'om. ⁴³ Ee joona neii^{ntina} na calue nc'iaana na ya cwil'ana, nchiiti na ntyjaal' n'omna na catso Ty'oots'om na ya ntyjeeⁿ ñ'eⁿndyena.

Ñ'oom na mañequiaa Jesús macu'xeⁿna' nn'aⁿ

⁴⁴ Jndeii seineiⁿ Jesús. Matsoom:

—'Ñeeⁿ juu na matseiyu' ñ'eⁿndyo, nchii macanda^q ñequio ja matseiyu' tsa^{n'}ñeeⁿ. Mati matseiyu' ñequio nquii Tsotya na jñom ja quii'ntaa^{n'}yo'. ⁴⁵ Ndo' 'Ñeeⁿ juu na manty'iaa' ja, mati manty'iaa' tsa^{n'}ñeeⁿ nquii na jñom ja quii'ntaa^{n'}yo'. ⁴⁶ Ja na cwiluiindyo naxuee, jndyo^q tsjoomnancue, cha meiⁿcwi'ñeeⁿchenⁿ ts'aⁿ na matseiyu' ñ'eⁿndyo nncwji'na' juu naquii' natia. ⁴⁷ Sa^q xeⁿ cwe' na mandii ts'aⁿ ñ'oom na mañequiaaya, meiⁿ ticatseind^q joona', nchii ja tseixmaⁿya na nncu'x^qaⁿ tsa^{n'}ñeeⁿ. Ee nchii ty'iom Tsotya ts'iaaⁿ ja na nncu'x^qaⁿya nn'aⁿ, ty'iom ts'iaaⁿ ja na cwji'l'n'maaⁿndyo joona. ⁴⁸ 'Ñeeⁿ juu na ticuee' ts'om ja, meiⁿ tico'ñom ñ'oom na mañequiaaya, waa cwii na nncu'xeⁿna' tsa^{n'}ñeeⁿ. Ee xuee na macanda^q majooti ñ'oom na jnd^q seinaⁿya, joona' nntu'xeⁿna' jom. ⁴⁹ Ticalatiuu'yo' na cwe' na jndeii' 'ndyo^q nnc^qoⁿ ñ'oommei^{n'} na matseina^qoⁿ. Nquii Tsotya na jñom ja, nqueⁿ sa'ntjoom na nmeii^{n'} catseina^qoⁿya ndo' na ca'mooⁿya joona' ndaq^qoⁿyo'. ⁵⁰ Ndo' ntyjiiya ñ'oom na matsa^qoⁿntjoom mañequiaana' na nntseixmaⁿ ts'aⁿ na ticanycwii na wando'. Jo' chii matseina^qoⁿya cha'xjeⁿ ñ'oom na jnd^q tsoom nooⁿ.

13

Tmaⁿ Jesús nc'ee' nn'aⁿ na cwila'jomndye ñ'eⁿñê

¹ Cantyjati na jnaⁿna' na t'maⁿ Jesús jâ na cwila-jomndyô ñ'eⁿñê, t'moⁿ na jeenⁿ candyá' ts'oom jâ. Ntyjeeⁿ na jndâ jaawe'ntyjo xjeⁿ na nlueeⁿeⁿ tsjoomnancuewaña na nncjaalcwe'nnaaⁿaⁿ na m'aaⁿ Tsotyeeⁿ. Jo' chii quia majaawe'ntyjo xjeⁿ na nlattyaaⁿ jaa nn'aⁿ judíos xuee pascua quia cwilacwjaaya canmaⁿ, t'moⁿtyeeⁿ na jeeⁿ t'maⁿ waa na candyá' ts'oom jâ.

² Cwicwaa'â ñ'eⁿ Jesús natmaaⁿ. Xjeⁿñeeⁿ jndâ seijndo' tsaⁿjndii ts'om x'iaayâ Judas Iscariote, jndâ Simón, na quiaa tsaⁿñeeⁿ cwenta jom. ³ Ndo' jom majndaa'ya ntyjeeⁿ na l'ooⁿ jndâ tquiaa Tsotyeeⁿ na meiⁿcwii tintjoom na nchii ñ'oom' nquii. Mantyjeeⁿ na jnaaⁿ na m'aaⁿ Ty'oots'om, ndo' na majo' wjaalcweeⁿeⁿ. ⁴ Teicantyjaaⁿ yocheⁿ na cwicwaa'â natmaaⁿ. Tjeiiⁿliaatco na cweⁿ, to'ñoom cwii liaa na cwityuee' luqayâ, seityeeⁿ juuna' tsianⁿaⁿ. ⁵ Jndâ jo' tioom ndaatioo ts'om 'naⁿ na cwicandyuu'â. Toqⁿoⁿ na mamaaⁿ nc'aaⁿâ na t'maaⁿ na calajomndyô ñ'eⁿñê, jndâ chii mawee'ñê nc'aaⁿâ ñequio liaa'ñeeⁿ.

⁶ Ndo' quia na tue'cañoom yuu na wacatyeeⁿ Simón Pedro, matso tsaⁿñeeⁿ nnoom:

—Ta, ¿aa mmaⁿ nc'aya?

⁷ T'ooⁿ nnom, matsoom:

—Ts'iaaⁿ na mats'aa tileicatsei'noⁿ na maje'ndyo, saqⁿ ndaquiacheⁿ nntsei'noⁿ.

⁸ Matso Pedro nnoom:

—Xoya na mmaⁿ nc'aya.

T'ó Jesús, matsoom nnom:

—Xeⁿ ticamaa^{nya} nc'e^l ticatseixma^{n'l} cantyja 'na^{nya}.

⁹ Matso Simón Pedro nnoom:

—Xeⁿ luua'waa Ta, nchii macand^a nc'a^l. Mati cama^{n'l} l'ooya ñequio xqua^anya.

¹⁰ Matso Jesús nnom:

—Cwii ts'aⁿ na jnd^a jnd^aq^a, ticaⁿna^l na nntma^{nñ}e na cha'waañe ee jnd^a lju'^{ñe}, manda^l nc'ee macaⁿna^l na nntmaⁿ. 'O laxmaⁿ'yo^l na lju' n'om'yo^l sa^a ticha'tsondyo^l.

¹¹ Ee ntyjeeⁿ 'ñeeⁿ juu nñequiaa cwenta jom luee ntyee. Macwe^l jo^l na matsoom: "Saa ticha'tsondyo^l laxmaⁿ'yo^l na lju' n'om'yo^l."

¹² Quia na jnd^a tmaaⁿ nc'aa^lâ, ndo^l tcween-naaⁿaⁿ liaatco 'naaⁿaⁿ, jnd^a jo^l tjacjoonaaⁿaⁿ nacañoom^l mei^lsa. Matsoom ndaayâ:

—¿Aa cwila'noⁿ'yo^l cantyja na s'aaya 'o? ¹³ 'O cwilacajndyu^l'yo^l ja Maestro ndo^l na cwiluiindyo na mats^antjo^lnya 'o. Ndo^l maty'iomyana^l na ljo^l cwindu^l'yo^l, ee maxjeⁿ jo^l ja. ¹⁴ Ndo^l na jnd^a tmaa^{nya} nc'ee^l'yo^l na cwiluiindyo na mats^antjo^lnya 'o ndo^l na ma'moo^lnya ñ'oom naya 'naaⁿ! Ty'oots'om nda^aq^a'yo^l, mati 'o matsona^l na nntue'ndyo^lcje^l'yo^l na nndye'ntjom^l'yo^l nda^aq^a nc'iaa^l'yo^l. ¹⁵ Ee jnd^a s'aaya cwii nnom na ma'moⁿna^l nda^aq^a'yo^l cha mati cal'a^l'yo^l ñequio nt'omcheⁿ cha'xjeⁿ jnd^a s'aaya 'o. ¹⁶ Ñ'oom na mayuu'cheⁿ matsjooya nda^aq^a'yo^l, juu ts'aⁿ na m'aaⁿ moso ticaluiit'ma^{nñ}e cha'n^a nquii ts'aⁿ na mats^antjom juu. Mati ts'aⁿ na mawjaa ts'iiaaⁿ na jñom ts'aⁿ juu, ticaluit'ma^{nñ}eti cha'xjeⁿ nquii ts'aⁿ na jñom juu. ¹⁷ Xeⁿ cwila'noⁿ'yo^l ñ'oommei^{n'l} ndo^l cwil'a^l'yo^l na ljo^l, nntio'naa^{nñ}e Ty'oots'om 'o.

18 'Nchii matsjoo ñ'oomwaa' cantyja 'naⁿ'yo' na cha'tsondyo'. Mantyjiya chiuu n'om' 'o na jndä tjeii'ndyo. Ee maxjeⁿ macaⁿna' na catseicanda^qa'ñena' ñ'oom' Ty'oots'om na teiljeii. Matsona': "Manquii na macwa' ñ'eⁿndyo malcwe' nacjoya." **19** Je' matsjoo^ya ñ'oomwaa' ndaq^yo' cwii tjoo^qcheⁿ na nluii na ljo', cha quia na nntseicanda^qa'ñena' nlayu^yo' na ja cwiluiindy^o manquiiti na jndä tsjoo^o ndaq^yo!. **20** Ñ'oom na mayuu'cheⁿ matsjoo^o ndaq^yo!. 'Ñeeⁿ juu na matseiljo ts'aⁿ na majñoo^{ny}a, ja matseiljo tsaⁿ'ñeeⁿ. Ndo' 'ñeeⁿ juu na matseiljo ja, matseiljo tsaⁿ'ñeeⁿ nqueⁿ na jñoom ja.

*Matso Jesús na nñequiaa Judas cwenta jom
(Mt. 26:20-25; Mr. 14:17-21; Lc. 22:21-23)*

21 Jndä na tso Jesús ñ'oomwaa', sei'ndaa'na' ntyjeeⁿ, ndo' ndyeyu tjei'yuu'ñê ndaqayâ. Tsoom:

—Ñ'oom na mayuu'cheⁿ matsjoo^o ndaq^yo', cwiindy^o'o nñequiaa cwenta ja.

22 Quia jo' jâ nn'aⁿ na cwiilajomndy^o ñ'eⁿñê tyonty'iaa ntyjaayâ ndaqayâ. Ee ticala'nooⁿâ 'ñeeⁿ cwiindy^o jâ na matsoom na luala' nnts'aa.

23 Xjeⁿ'ñeeⁿ ja Juan na jeeⁿ candya' ts'om Jesús, mawacaty^qa' nacañom'm na cwicwaa'â. **24** Ndo' Simón Pedro s'oo^o l'ooⁿ nooⁿ na cwax'q^o 'ndyoo Jesús cwaanⁿ cwiindy^o jâ na nñequiaa cwenta jom.

25 Jo' chii seintyjondyo jo ndo' jndya Jesús, tax'aya nnoom, tsjoo^o:

—Aa ndi' Ta, ¿'ñeeⁿ cwii jâ na nnts'aa na ljo'?

26 T'ooⁿ nooⁿ, tsoom:

—Majuu ts'aⁿ na nnom nñequiaaya cwii taⁿ! tyooⁿ xjeⁿ na jndä seicanda'a juuna'.

Ndo' quia na jndā seicana^{n'a^n} tyoo'ñeeⁿ tquiaaⁿ juuna' nnom Judas Iscariote, jndā Simón. ²⁷ Ndo' Judas, jndā na to'ñoom ta^{n'} tyoo'ñeeⁿ, mana tuo_ Satanás quii' ts'oos. Ndo' tso Jesús nnoom:

—Queⁿndyu' ts'iiaaⁿ na nntsa'!

²⁸ Saq_ meiⁿcwiindyō_ jā na meindyuaandyō nacañoom' meiⁿsa ñ'eⁿñē ticala'ñoo^{n'â} chiuu na luala' ñ'oom tsoom. ²⁹ Ndo' ee na manquiuyuâ na Judas maleiñ'oom tja^rche na ñjom s'om na cwiwil'uee'ndyō_, jo' chii nt'omndyō_ jā jla'tiuuyâ na ñe'catso Jesús nnoom na catseijnaaⁿ ljo'tindyo na maca^{n'a^n} na nleil'uee'ndyō_ na waa xuee, oo quiaaⁿ cwantindyo ndaq_ ndyeñee^{n'}. ³⁰ Ndo' jndā na tcwa' Judas tyoo'ñeeⁿ, mañoom' jluee^{n'e^n}. Juu xjeⁿñeeⁿ jndā teijaaⁿ.

Ñ'oom xco na matsa'ntjomna'

³¹ Jndā na jlui' Judas quii'ntaa^{n'yâ}, matso Jesús ndaqayâ:

—Je' ja na cwiliuiindyō ts'aⁿ na jnaⁿ cañoom'luee, manntseit'maa^{n'ñena'} ja. Ndo' cantyja 'naa^{n'} ljo' na manntjoⁿya nntseit'maa^{n'ñena'} Ty'oots'om. ³² Ndo' xeⁿ nntseit'maa^{n'ñena'} jom cantyja na manntjoⁿ, quia jo' mati cantyja 'naa^{n'} jo' nntseit'maa^{n'ñē} ja na cwiliuiindyō ts'aⁿ na jnaⁿ cañoom'luee, ndo' tyuua' nnts'aaⁿ na ljo'. ³³ 'O ntseindaaya na jeeⁿ wi' ts'ooⁿya, chjootindyo cwii m'aaⁿya ñ'eⁿndyō!. Nl'ue'yo' ja, ndo' cha'xjeⁿ tsjooⁿya ndaq_ nc'iaa'yo' nn'aⁿ judíos, je' mati matsjooⁿ ndaq'_ 'o: 'O xocandaq_ nntsquie'cañom'yo' yuu na nncjoⁿ. ³⁴ Cwii ñ'oom xco na matsa'ntjomna' mañeiquiaya ndaq'_yo', na c'om'yo' na wi' n'om'yo' nc'iaa'yo'. Cha'xjeⁿ na

m'aaⁿya na candy'a' ts'ooⁿya 'o, malaa'ti' c'om'
 'o na wi' n'om' nc'iaa'yo'. ³⁵ Na nl'a'yo' na ljo'
 nla'noⁿ cha'tsondye nn'aⁿ na 'o cwiluiindyo'
 nn'aⁿ na cwilajomndyo' ñ'eⁿndyo, xeⁿ m'aⁿ'yo' na
 wi' n'om' nc'iaa'yo'.

Matso Jesú斯 na nncwji'ñe Pedro
(Mt. 26:31-35; Mr. 14:27-31; Lc. 22:31-34)

³⁶ Tax'eeñe Simón Pedro nnoom. Matso:

—Ta, ¿yuu wja'yu'?

T'ó Jesú斯, matsoom nnom:

—Cantyja na nntjoⁿ je' 'u xocandaaⁿ nntseijom-
 ndyu', saaⁿ mati 'u nncue'ntyjoⁿ nntjom' na ljo'.

³⁷ Matso Pedro nnoom:

—Ta, ¿chiuu na xocandaaⁿ nntseijomndyoⁿ je' ljo'
 na nntjom'? Tints'aa meiiⁿ quio jo' c'io.

³⁸ T'ó Jesú斯, matsoom nnom: 'U matsei'tiuu' na
 nñequiaandyu' na nnc'ioⁿ cantyja 'naⁿya. Ñ'oom
 na mayuu'cheⁿ matsjooⁿ njom', cwii tjoochenⁿ na
 nntseixuaa caxtijndyo na jaawixuee, saaⁿ 'u jnda
 ndyee ndiiⁿ macwji'ndyuⁿ cantyja 'naⁿya.

14

Jesú斯 cwiluiiñe nato

¹ Tiñe'quiandyoⁿ na nntseiñ'eeⁿñenaⁿ n'om'yoⁿ.
 Cala'yu'yoⁿ ñ'eⁿ Ty'qots'om ndoⁿ mati cala'yu'yoⁿ
 ñ'eⁿndyoⁿ ja. ² Naquiiⁿ waaⁿ Tsotyaya jndye joo
 niom yuu na ya nnc'om nn'aⁿ. Xeⁿ nchii na
 lualaⁿ waa, jndaaⁿ tsjooⁿ ndaaⁿyoⁿ. Manncoⁿ na nnt-
 seijndaaⁿ joonaⁿ na nleil'uee'ndyoⁿ. ³ Ndoⁿ
 na joⁿ na nntseijndaaⁿndyoⁿ yuu na nnc'om'yoⁿ,
 nnndyoⁿlcwaⁿnndaⁿa na nncjochⁿoⁿ yuu na m'aaⁿya,
 cha yuu na mac'qⁿya, majoⁿ nnc'om'yoⁿ. ⁴ Ndoⁿ 'o

manquiu'yo' yuu na majo ndo' mati cwita'jnaⁿ'yo'
nato.

⁵ Matso Tomás nnoom:

—'U Ta, ticaliuuyâ yuu wja', jo' chii ¿chiuu ya na
nla'nogⁿ'â yuu waa nato'ñeeⁿ?

⁶ T'o Jesús, matsoom nnom:

—Ja cwiluiindyo nato, ndo' ñ'oom na mayuu',
ndo' na tijoom cwintycwii na wando' ts'aⁿ.
Ñequii'cheⁿ cantyja 'naⁿ ja jo' na nndaqⁿ nncuee'
ts'aⁿ na m'aaⁿ Tsotyaya. ⁷ Xeⁿ na cwila'nogⁿ'yo'
'ñeeⁿ cwiluiindyo, quia jo' mati nla'nogⁿ'yo' cantyja
'naanⁿ Tsotyaya. Na je' na cwii wjaatina' nc'e na
cwita'jnaⁿ'yo' ja, mati cwita'jnaⁿ'yo' jom, ndo'
jndqⁿ nty'ia'ndqaⁿ'yo' jom.

⁸ Matso Felipe nnoom:

—Ta, quiaa' na nnty'iaandaayâ Tsotye',
quialjo'cheⁿ nljoya n'ogⁿyâ.

⁹ T'o Jesús nnom:

—Chiuu sa 'u Felipe, jaach'ee xuee m'aaⁿya
ñ'eⁿndyo', ¿aa maxjeⁿ ticwajnaⁿ ja? Ts'aⁿ na
jndqⁿ nty'iaa' ja, mati jndqⁿ nty'iaaⁿaⁿ Tsotyaya.
¿Chiuu na matsu': “Quiaa' na nnty'iaandaayâ
Tsotye””? ¹⁰ ¿Aa ticatseiyu' na ljo'yu cwilui-
indyo ñequio Tsotyaya, ndo' jom ljo'yu cwiluiñê
ñ'eⁿndyo ja? Ñ'oom na matseinaⁿya ndaqⁿ'yo',
nchii matseinaⁿya joona' cantyja 'naaⁿ na jndo'
ts'ogⁿ nncqⁿ. Nquii Tsotyaya na ñequii'cheⁿ m'aaⁿñê
ñ'eⁿndyo, nqueⁿ mach'eeⁿ ts'iaaⁿ 'naaⁿaⁿ cantyja
'naⁿya. ¹¹ Cala'yu'yo' na ljo'yu cwiluiindyo ñequio
Tsotyaya, ndo' Tsotyaya ljo'yu cwiluiñê ñ'eⁿndyo
ja. Xeⁿ tileicala'yu'yo' na ljo', saaqⁿ quiandyo'
na nla'yu'yo' ñ'eⁿndyo cantyja 'naaⁿ mañejo
ts'iaaⁿmeiⁿ na mats'aa. ¹² Ñ'oom na mayuu'cheⁿ

matsjoo ndaa'yo', 'ñeeⁿ juu ts'aⁿ na matseiyu'
 ñ'eⁿndyo, mañejo ts'iaaⁿ na mats'aa nnts'aaⁿ.
 Hasta jndaticheⁿ ts'iaaⁿ nnts'aaⁿ, nc'e na majó na
 m'aaⁿ Tsotyaya. ¹³ Ndo' meiⁿcwi'ñeeⁿchenⁿ ñ'oom
 na nntaⁿyo' nnom Tsotyá ñequio xueya, jo' jo'
 ñequia cha na catseit'maaⁿñienⁿa! jom cantyja 'naⁿ
 ja na cwiluiindyo Jnaaⁿ. ¹⁴ Cha'tso na cwitaⁿyo'
 ñequio xueya, jo' jo' nnts'aa.

Njñom Jesús Espíritu Santo

¹⁵ 'Xeⁿ m'aⁿyo' na jnda nquiu'yo' ja, quia jo'
 cala'canda'yo' ñ'oom na matsaⁿtjoⁿ. ¹⁶ Ndo' ja
 nlcaaⁿa nnom Tsotyaya na ñnequiaan cwiicheⁿ
 na nnteijndeii 'o, nquii Espíritu na cwiluiiñe
 na mayuu' na ñequii'cheⁿ nnc'oomñe ñ'eⁿndyo'.
¹⁷ Nn'aⁿ na m'aⁿ cantyja 'naaⁿ tsjoomnancue
 xocandaa nnto'ñoomna jom, ee tyoonty'iaana jom,
 meiⁿticata'jnaaⁿna jom. Saä 'o cwita'jnaⁿyo' jom,
 ee m'aaⁿñê naquii' n'om'yo', ndo' ñequii'cheⁿ
 nnc'oomñe ñ'eⁿndyo'. ¹⁸ Tixoca'ndiya 'o na
 macandaa, maxjeⁿ nncwjⁿndaa na m'aⁿyo'.
¹⁹ Mawaa xjeⁿ na nla'cuee' nn'aⁿ ja, ndo' jnda jo'
 taxocanty'iaana ja. Saä ñ'eⁿndyo' 'o ñequii'cheⁿ na
 nnc'ooⁿya, ee nc'e na nncwando'xco, jo' chii mati
 'o nlaxmanⁿyo' na ticantycwii na nntando'yo'.
²⁰ Quia na jnda tue'ntyjo xjeⁿñeeⁿ nla'noⁿyo'
 na m'aaⁿya ñ'eⁿ Tsotyá, ndo' 'o m'aⁿyo' ñ'eⁿndyo,
 ndo' ja m'aaⁿya ñ'eⁿndyo!. ²¹ Ñeeⁿ juu na matseiljo
 ñ'oom na matsaⁿtjoⁿ ndo' matseicandaⁿ joona',
 tsaⁿñeeⁿ jnda ntyjeeⁿ ja. Ndo' 'ñeeⁿ juu na jnda
 ntyjii ja, nquii Tsotyaya candya' ts'oombjuu.
 Ndo' mati ja candya' ts'ooⁿya juu, ndo' m'mooⁿya
 cantyja 'naⁿya nnom.

22 Tsaⁿ na jndyu Judas, sa^qa nchii Judas Iscariote, matso:

—Ta, ¿chiuu na cwe' ndaa^q jâ m'mo^{n!} cantyja 'na^{n!} sa^q ndaa^q nn'aⁿ tsjoomnancue xocatsa' na ljo'?

23 T'o Jesús nnom, matsoom:

—'Ñeeⁿ juu na jnda ntyjii ja maxjeⁿ nntseiñ'oom'ñe ñ'oom na maquaⁿ. Nnc'oom Tsoty^q na candya' ts'oom tsa^{n!}ñeeⁿ, ndo' nntsquiäcañooⁿyâ juu. Nnc'ooⁿyâ ñ'eⁿñe.

24 'Ñeeⁿ juu na ticajnda ntyjii ja, tsa^{n!}ñeeⁿ tiñe'catseicanaq^añ ñ'oom na mañequiaya. Ndo' ñ'oom na matseina^q ndaa^q'yo' nchii ñ'oom 'ndyo nncoya. Matseixmaⁿna' ñ'oom 'ndyoo Tsotyaya ee jom jñoom ja quii'ntaan'yo'!

25 'Ñ'oommei^{n!} matseina^q ndaa^q'yo' yocheⁿ na ndicwaⁿ m'aaⁿndyo ñ'eⁿndyo'. **26** Sa^q ja nlcaaⁿa nnom Tsotyaya na njñoom Espíritu Santo na nnteijndeii 'o. Juu m'moⁿti ñ'oom ndaa^q'yo' na macaⁿna' na nliu'yo'. Ndo' nnts'aa na nncjaañjoom' n'om'yo' cha'tso ñ'oom na jndä ñetsjoo^q ndaa^q'yo'!

27 'Ja tjaan'aⁿ ñiomtiuu tseixmaⁿya. Mañequiaya na cala'xmaⁿ'yo' juuna' naquii' n'om'yo'. Juu na mañequia na cwicanda'yo' t'maⁿti tseixmaⁿna', nchiiti juu na tjaa ñomtiuu c'om nn'aⁿ na mañequiaa tsjoomnancue. Tiñe'quiandyo' na nntseiñ'eeⁿñena' n'om'yo' ljo' cwii nntjom'yo' meiⁿ tila'catyuendyo'. **28** Jndä jndye'yo' na tsjoo^q ndaa^q'yo', majo, sa^qa nn dyonnda'a na m'aⁿ'yo'. Xeⁿ na mayuu' jndä nqiu'yo' ja, quia jo' nñequiaana' na neiⁿ'yo' meiⁿ na tsjoo^q na majo ee na m'aaⁿ Tsotyaya jo. Jom t'maⁿti cwiluiñê, nchiiti ja. **29** Ndo' je' cwitjoo^qcheⁿ na nluii na ljo' matsjoo^qya

ndaa'yo', cha quia na jndaq tue'ntyjo juuna' quia jo' nla'yu'yo'.

³⁰ 'Tajndye cwimatseina'ntyaya ñ'e'ndyo', ee mandyo nquii na cwiluiitquieñe quii' n'om nn'aⁿ tsjoomnancuewaañe. Saa tjaa mei'cwii na matseixmaⁿya na juu jo' nndaaq nleil'uee'ñee na cat'uiina' ja. ³¹ Saa cha nnc'ooliu nn'aⁿ tsjoomnancue na m'aanⁿya na candy^a' ts'ooⁿya Tsotya, ndo' na matseicandaa'ndyo cha'tso na matsa'ntjoom ja, mañequiaandyo na nnc'io. Quicantyja'yo', cjaaya, caluui'a ñjaa'ñne.

15

Jesús cwiluiiñê ts'oo ntjom na mayuu'cheⁿ

¹ 'Ja cwiluiindyo ts'oo ntjom na mayuu' ndo' Tsotyaya cwiluiiñê ts'aⁿ na mateix'ee juuna'. ² Matyjeeⁿ mei'nquia l'o ts'oo'ñeeⁿ na tyool'ana'ta. Saa ticwii l'o ts'oo'ñeeⁿ na cwil'ana'ta, matyjeeⁿ nque'na' cha majndyeti ta cal'ana'. ³ Mati joo ñ'oom na ma'mooⁿ ndaaq'yo' maque'nlju'na' n'om'yo' cha ya nl'a'yo' ts'iaaⁿ 'naⁿya. ⁴ Jo' chii caljoo'ndyo'tye'nyo' cantyja 'naⁿya, cha'xjeⁿ macwiljoo'ndyotyaⁿya ñ'e'ndyo'. Ee cha'xjeⁿ ts'o ts'oo xondaq nnts'aa cher'nquiina' ta xeⁿ ticat'uiina' nquii ts'oo, majo'ti cantyja 'naⁿyo', meiⁿ xocats'aana' na nncue' ta nl'a'yo' xeⁿ ticaljoo'ndyo' cantyja 'naⁿya.

⁵ 'Ja cwiluiindyo x'ee ts'oo, ndo' 'o cwiluiindyo' l'o ts'oo. 'Ñeeⁿ cwii 'o na tyeⁿ matseijomñe cantyja 'naⁿya, ndo' na cwiljoo'ndyo ñ'e'ñne, tsa'n'ñeeⁿ jndye cha'cwijom ta nncue' cantyja 'naaⁿaⁿ. Saa xeⁿ na nntoⁿñne cantyja 'naⁿya, tjaan'aⁿ ljo' cwii

nndaa nnts'aa. ⁶ 'Ñeeⁿ juu na ticaljoo'ñe cantyja 'naⁿya, nntquie'na' juu cha'xjeⁿ cwityeⁿnquie' l'o ts'o, ndo' jo' jo' cwiccaaⁿna'. Jndaa chii cwicajñeeⁿ nn'aⁿ l'oo'ñeeⁿ, cwitioomna joona' quii' chom.

⁷ 'Xeⁿ cwila'jomndyo'tyeⁿ'yo' cantyja 'naⁿya, meiⁿ ticatsuu' n'om'yo' ñ'oom na mañequiaya, quia jo' cataⁿ'yo' nnom Ty'ooots'om cha'tso na l'ue n'om'yo', ndo' nñequiaaⁿ. ⁸ Luua waa na matseit'maaⁿriena' Tsotyaya, na cantyja 'naⁿ'yo' jndye taⁿ nncue'. Ee laa'ti' m'moⁿna' na mayuu'cheⁿ cwila'xmaⁿ'yo' nn'aⁿ na cwila'jomndyo' ñequio ñ'oom na mañequia. ⁹ Cha'xjeⁿ juu Tsotyaya candyaa' ts'oom ja, mati ja candyaa' ts'ooⁿya 'o. Jo' chii caljoo'ndyo'tyeⁿ'yo' cantyja na m'maaⁿya na candyaa' ts'ooⁿya 'o. ¹⁰ Ja matseicandaaⁿdyo ñ'oom na matsaⁿntjom Tsotyaa, ndo' cwiljoo'ndyoⁿ cantyja na candyaa' ts'oom ja. Ñequii'cheⁿ cala'candaⁿyo' ñ'oom na matsaⁿntjoⁿya 'o, ee na nl'aⁿ'yo' na ljo', nljoo'ndyo'tyeⁿ'yo' cantyja na candyaa' ts'ooⁿya 'o.

¹¹ 'Ñ'oommeiin matseinaⁿya ndaaⁿ'yo' cha nla'xmaⁿ'yo' na neiⁿ'yo' ñ'eⁿndyoⁿ ndo' cha candaⁿaⁿya nnc'om'yo' na neiⁿ'yo'. Hasta quiaana' na waljoo'cheⁿ na neiⁿ'yo' na cwila'candaⁿdyoⁿ yuu na matsaⁿntjoⁿya. ¹² Luua waa ñ'oom na matsaⁿntjoⁿ: C'om'yo' na wi' n'om'yo' nc'iaa'yo', cha'xjeⁿ m'maaⁿya na candyaa' ts'ooⁿya 'o. ¹³ Tjaan'aⁿ cwii na t'maⁿti na ma'moⁿna' na wi' ts'om ts'aⁿ nc'iaa' cha'na juu ts'aⁿ na nñequiaañe na cue' cwentaa nc'iaa'. ¹⁴ 'O cwiluiindyo' nc'iaaya xeⁿ cwila'candaⁿdyoⁿ na matsaⁿntjoⁿya 'o. ¹⁵ Je' tacatsjootyaya na 'o cwiluiindyo' moso. Ee ts'aⁿ na m'maaⁿ moso ticaljeiin ljo' matseijndaa'ñe

patrom 'naaⁿ'aⁿ. Je' matsjoo^aya na 'o cwiluiindyo' nn'aⁿ na ya ñ'o^aom ñ'eⁿndyo^a ee jnd^a tquiaya na caliu'yo' cha'tso ñ'o^aom na jnd^a jndiiya 'ndyoo Tsotyaya. ¹⁶ 'O nchii tjeii'ndyo' na nla'xmaⁿ'yo' cantyja 'na^anya, nnc^ao tjeii'ndyo' 'o, ndo' jnd^a ty'ioⁿya ts'iaaⁿ 'o na catsa'yo' ndo' cal'a'yo' yuu na ñ'enquii'cheⁿ nntseit'maaⁿ'ñena' Ty'oots'om. Ee na ljo' nl'a'yo' meiⁿquia ñ'o^aom na ntaⁿ'yo' nnom Tsotya ñequio xueya, jom ññequiaaⁿ. ¹⁷ Luua ñ'o^aom na matsa^antjoⁿya 'o: C'om'yo' na wi' n'om'yo' nc'iaa'yo'.

Ticuee' n'om nn'aⁿ Jesús

¹⁸ 'Quia ticuee' n'om nn'aⁿ tsjoomnancue 'o, cala'nqⁿ'yo' na ja tyuaa'ti t'omna na ticuee' n'omna. ¹⁹ Xeⁿ cwila'xmaⁿ'yo' cantyja 'naaⁿ tsjoomnancue, nn'aⁿ cwentaa'na' nnc'omna na neiiⁿna 'o cha'xjeⁿ na neiiⁿna nc'iaana, saa nc'e jnd^a tjeii'a 'o quii'ntaaⁿna, jo' chii ticala'xmaⁿ'yo' cantyja 'naaⁿ tsjoomnancue, ndo' jo' na jndoo nn'aⁿ 'o. ²⁰ Cjaañjoom' n'om'yo' ñ'o^aom na jnd^a ñetsjoo ndaa'yo', na juu ts'aⁿ na m'aaⁿ moso ticaluiit'maⁿñê cha'xjeⁿ nquii ts'aⁿ na matsa^antjom jom. Nc'e na cwita'wi' nn'aⁿ ja, mati nnta'wi'na 'o. Ndo' xeⁿ cwila'canda^aq'ndyena ñ'o^aom na mañequiaya, quia jo' mati nla'canda^aq'ndyena ñ'o^aom na nñe'quia'yo'. ²¹ Cha'tso nmeiⁿ nl'ana 'o cwe' nc'e na la'xmaⁿ'yo' cwentaya ee ticata'jnaaⁿ'na nqueⁿ na jñoom ja quii'ntaaⁿna.

²² 'Xeⁿ nchii na jndyotseinaⁿya ndaq^ana, quia jo' tixocwijndaa^a na la'xmaⁿna jnaⁿ. Sa^a je' tixocanda^aq nluena na ticaliuna na cwila'tjoondyena nnoom. ²³ Ee 'ñeeⁿ juu na

jndoo' ja, mati jndoo' tsaⁿñeeⁿ nqueⁿ na cwiluiiñê Tsotyä. ²⁴ Tijoom ñes'aa cwiichenⁿ ts'aⁿ ts'iaaⁿ quii'ntaaⁿ nn'aⁿ cha'xjeⁿ ts'iaaⁿ na mats'aa. Xeⁿ na nchii ts'iaaⁿmeiⁿ mats'aa, quia jo' tixocwijndaa' na cwila'tjoondyena nnoom, saa je' meiiⁿ na jnda ñenty'iaana ts'iaaⁿ na mats'aa cantyjati xjeⁿ na to'a, m'aⁿna na jndoona ja ndo' mati nqueⁿ na cwiluiiñê Tsotyä. ²⁵ Saa luala' waa cha catseicandaa'ñena' ñ'oom na teiljeii naquii'ljeii na cwilei'ñ'omna na matsa'ntjomna', na matsona': "Jndoona ja meiiⁿ tjaa'naⁿ cwii nnom cantyja 'naⁿya na matseijndaa'ñena' na nl'ana na ljo!".

²⁶ 'Ja nlcaaⁿa nnom Tsotyä na cajñoom Espíritu na cwiluiñe na mayuu' naquii' n'om'yo'. Quia na jnda tyjeeⁿeⁿ nncwji'yuu'ñê cantyja 'naⁿya. ²⁷ Ndo' mati 'o nntjei'yuu'ndyo' cantyja 'naⁿya, ee m'aⁿyo' ñ'eⁿndyo xjeⁿ na to'jndyaa ts'iaaⁿmeiiⁿ.

16

¹ Matso Jesús:

—Ñ'oommeiⁿ jnda seinaqⁿ cantyja 'naⁿya ndaa'yo' cha tintseiquiaana' 'o. ² Ee nntjeii' nn'aⁿ judíos 'o naquii' lan'om 'naaⁿna. Ndo' manncue'ntyjo xjeⁿ na meiⁿquiandyo ts'aⁿ na nntseicuee' cwii 'o nntseitiuutoom na mandi'ntjoom nnom Ty'oots'om na ljo' nnts'aaⁿ. ³ Nmeiiⁿ nl'ana cwe' nc'e ticala'nqⁿ'na cantyja 'naaⁿ Tsotyä, meiⁿ cantyja 'naⁿ ja. ⁴ Saa jnda tsjooya ñ'oommeiⁿ ndaa'yo' cha quia na nncue'ntyjo xjeⁿñeeⁿ nncjaañjoom' n'om'yo' ñ'oom na jnda tsjoø ndaa'yo'!

Ts'iaaⁿ na nnts'aa Espíritu Santo

'Tîcatsjoo ñ'oommei^{n'} ndaa^q'yo' quia na to'jndya^a
 ts'iaaⁿ na maleiñ'óⁿya nc'e m'aaⁿya ñ'eⁿndyo'.
 5 Saa^a je' majolcwa^a'na m'aaⁿ nqueⁿ na jñoom
 ja quii'ntaa^{n'}yo', ndo' meiⁿcwii 'o tyoowaxe'
 nooⁿ yuu jo. 6 Saa^a cwe' ee na tsjoo ñ'oommei^{n'}
 ndaa^q'yo', jo' na jeeⁿ ndya^a chjoo^a n'omⁿ'yo'. 7 Saa^a
 ñ'oom na mayuu^a matsjoo^aya ndaa^q'yo', maxjeⁿ
 nnteijndeitina^a 'o xeⁿ joya. Ee xeⁿ ticjo, nqueⁿ na
 nnteijneiⁿ 'o ndo' na nñequiaaⁿ na t'maⁿ n'omⁿ'yo'
 tixocwjee'cañoom 'o. Ndo' na nncjo, njñooⁿya
 jom na nñoom na m'aⁿ'yo'. 8 Ee quia na jndä
 tyjee'cañoom, nnts'aaⁿ na nlco'tiana^a nquiui nn'aⁿ
 na la'xmaⁿna jnaⁿ ndo' na cala'nqⁿna na c'omna
 cantyja na maty'iomyana^a ndo' na nncu'xeⁿ
 Ty'oots'om joona. 9 M'mooⁿ na la'xmaⁿ nn'aⁿ
 jnaⁿ cwe' nc'e na tiñe'calal'yu'na ñ'eⁿndyo. 10 Ndo'
 m'mooⁿ chiuu waa na maty'iomyana^a na c'omna
 nc'e jo^a na m'aaⁿ Tsoty^a ndo' taxocanty'iaatina
 ja. 11 M'mooⁿ chiuu na nncu'xeⁿ Ty'oots'om
 nn'aⁿ ee na jndä tu'xeⁿñe nquii na cwiluiitquieñ^e
 tsjoomnancuewaañe.

12 'Ndo' niom jndye nt'omchen^a ñ'oom
 na macaⁿna^a na catsjoo^aya ndaa^q'yo', saa^a
 tileicala'nqⁿ'yo' joo ñ'oom'ñeeⁿ je'. 13 Saa^a quia
 na nncwjee'cañoom juu Espíritu na cwiluiiñe na
 mayuu^a, juu nncjaa'moⁿ ndaa^q'yo' cha'tso ñ'oom
 na mayuu^a ee nchii nntseineiⁿ cantyja 'naaⁿ'
 nquii, nntseineiⁿ ticwii cwii ñ'oom na mandii
 na matseineiⁿ Ty'oots'om. Ndo' m'moⁿ ndaa^q'yo'
 'naⁿ na quia nluii. 14 Juu nntseit'maaⁿñe ja, ee
 nnco'ñom cha'tso ñ'oom na ñe'catseicandiyya
 'o, ndo' m'moⁿ joona^a ndaa^q'yo'. 15 Cha'tso na

matseixmaⁿ cwentaa' Tsotyaya macwentaya joona'. Cwe' nc'e jo' na tsjoo^o na nnco'ñom juu Espíritu cha'tso ñ'oom na ñe'catseicandiyya 'o ndo' m'moⁿ joona' ndaq^a'yo'.

Juu na chjoo' n'om'yo' nntseicwaque"na' na nei"yo'

16 'Chjootindyo cwii ñ'aⁿtya ñ'eⁿndyo', ndo' jndaq^a jo' taxocanty'ia'yo' ja. Ndo' ndanquia chjootindyo cwii nnty'ia'ti'yo' ja, cwe' nc'e nncjo^o na m'aaⁿ Tsotya.

17 Jndaq^a tsoom ñ'oommeiⁿ cwantindyô jâ nn'aⁿ na cwila'jomndyô ñ'eⁿñê ts'iaaⁿ na mach'eeⁿ l'uuyâ ndaq^a ntyjaayâ:

—¿Chiuu ñeca'moⁿ ñ'oomwaa' na matseineiiⁿ ndaq^ayâ, na chjootindyo cwii ñ'eⁿtyeeⁿ ñ'eⁿndyo^o, ndo' xeⁿ jndacheⁿ taxocanty'iaa'ya jom, ndo' ndanquia jo' chjootindyo cwii nnty'iannda'a jom? Ndo' na tsoom cwe' nc'e na wjaⁿ na m'aaⁿ Tsotyeeⁿ.

18 L'uutyaaayâ:

—Juu ñ'oomwaa' na chjootindyo na tsoom, ¿ijo' ñe'ca'moⁿna'? Ticala'nnoⁿâ ñ'oom na matseineiiⁿ.

19 Ndo' sei'nqⁿ Jesús na ñe'cata'x'eendyotyaaayâ ñ'oomwaa' nnoom. Quia jo' matsoom ndaq^ayâ:

—¿Aa cwita'xe'yo' ndaq^a ntyjee'yo' cantyja ñ'oommeiⁿ na matsjoo^o na chjootindyo meiⁿ taxocanty'ia'yo' ja, ndo' ndanquiacheⁿ na chjootindyo quia jo' nnty'ia'nnda'yo' ja? **20** Ñ'oom na mayuu'cheⁿ matsjoo^oya ndaq^a'yo', joo nn'aⁿ na m'aⁿ cantyja 'naaⁿ tsjoomnancue, ñequio na neiⁿna nnty'iaana ljo^o nntjoⁿ. 'Naⁿ na nntjoⁿ nnts'aana' na 'o nntyuee'yo' na matseichjoo'na' n'om'yo', saa^o juu na chjoo' n'om'yo', xeⁿ jndacheⁿ

nntseicwaqueⁿna' na nnc'oom'yo' na neiⁿ'yo'.
21 Manquiu'yo' cwii yuscu quia manntseincuii,
 maquiina' juu, cwe' ee jndā tue'ntyjo xjeⁿ na
 nntseincuii. Sāq quia na jndā tuiiñe yu'ndaa,
 cwitsuu' ts'oom na tquiina' jom, ee m'aaⁿ na
 neiiⁿeⁿ na jndā tuiiñe yu'ndaa. **22** Maluaa'
 matseijomna' 'o. Je' m'aⁿ'yo' na chjoo' n'om'yo',
 sāq quia na nnty'iannda'a 'o, quia ljo'cheⁿ
 nñequiaana' na neiⁿ'yo!. Ndo' xjeⁿñeeⁿ meiⁿcwii
 ts'aⁿ xocandāq nncwji' na neiⁿ'yo!.

23 Juu xuee'ñeeⁿ, taxocaⁿna' na nnta'xe'ti'yo'
 ñ'oom nooⁿ. Ñ'oom na mayuu'cheⁿ matsjoo
 ndāq'yo', cha'tso na ntaⁿ'yo' nnom Tsotyaya
 cha catseit'maaⁿñena' ja, jo' nñequiaaⁿ na
 nnda'yo'. **24** Hasta xjeⁿ je'cheⁿ tyoocaⁿna' na
 candu'yo' na catseit'maaⁿñena' ja joo ñ'oom na
 nntaⁿ'yo' nnoom. Sāq je' cal'a'yo' na ljo' quia
 jo' nnto'ñoom'yo' ñ'oom na cwilaty'oondyo', cha
 nñequiaana' na candaq'ya na neiⁿ'yo'.

Jndā jnaⁿdyo ñequio na matseixmaⁿ tsjoomnan- cue

25 'Jndā seināⁿ ñ'oommeiⁿ ndāq'yo' na cwe'
 tjañoom'. Sāq manncue'ntyjo xjeⁿ na taxocatseinaⁿ
 ndāq'yo' ñ'oom na cwe' wjaañoom', ee nntseinaⁿ
 ndāq'yo' ñ'oom na ndyeyu cantyja 'naaⁿ Tsotyā.
26 Ndo' juu xjeⁿñeeⁿ, nntaⁿ'yo' nnoom ñequio
 xueya cha catseit'maaⁿñena' ja. Ndo' quia ljo'cheⁿ
 meiⁿ taxocaⁿna' na nntseity'oondyo nnom jom
 na nñequiaaⁿ ñ'oom na cwitaⁿ'yo', **27** ee manquiti
 Tsotyaya m'aaⁿ na candyā ts'oom 'o, nc'e na jnda
 nquiu'yo' ja ndo' jndā macwilayu'yo' na jnaaⁿya
 na m'aaⁿ. **28** Ja jnaaⁿya na m'aaⁿ, tyja'cañqoⁿya

tsjoomnancuewaa. Ndo' je' je' ma'ndiya juuna' na manncj^{olcwa}'a na m'aaⁿ.

²⁹ Quia jo' jâ nn'aⁿ na cwilajomndyô ñ'eⁿñê l'uuyâ:

—Je' ndyeyu matsei'neiⁿ', nchii cwe' ñ'oom na wjañañoom'. ³⁰ Je' macwila'nqoⁿâ na 'u cha'tso ntyji' meiⁿ ticaⁿna' na nnta'x'qatyaqayâ njom'. Jo' chii cwilayuu'â na mayuu' na jnaⁿ na m'aaⁿ Ty'ooots'om.

³¹ T'o Jesús ndaqayâ, matsoom:

—Je' cwila'tiuu'yo' na cwilayu'yo'. ³² Sa^a manncue'ntyjo xjeⁿ, ndo' je' cwiwe'ntyjona' na nnt'oom'ndyo'. Cwii ndo' cwiindyo' nntsa'yo' na waa w'a'yo' ndo' n'ndye'yo' ja na ñenco. Sa^a tiñenco m'aanya, ee nquii Tsotyaya m'aaⁿñê ñ'eⁿndyo. ³³ Jnd^a seinaⁿya ñ'oommeiⁿ ndaq^a'yo' cha cantyja na cwilajomndyo' ñ'eⁿndyo meiⁿcwii ñomtiuu tanc'oom. Ñequii' nawi' nntjom'yo' na m'aⁿyo' tsjoomnancue, sa^a c'om't'maaⁿndyo' n'om'yo', ee jnd^a jnaⁿndyo ñequio juu na matseixmaⁿ tsjoomnancue.

17

Mateijndeii Ty'ooots'om nn'aⁿ na cwila'jomndye ñ'eⁿJesús

¹ Jnd^a na seineiⁿ Jesús ñ'oommeiⁿ, jlundqañê cañoom'luee. Matsoom:

—Tsotyaya, jnd^a tue'ntyjo na nluii cha'tso na teijndaa' cantyja 'naⁿya. Je' catseit'maaⁿndyu' ja na cwiluiindyo Jnd^a, cha mati ja nntseit'maaⁿndyo 'u. ² Ee 'u jnd^a tqueⁿ na waa na jnd^a na matseixmaⁿya jo ndaq^a cha'tso nn'aⁿ

tsjoomnancue na ticwii cwii ts'aⁿ na mañequiaa' l'ooya na nñeiquiaya na tseixmaⁿ na ticanycwii na wando!. ³ Luaa waa na nntseixmaⁿ ts'aⁿ na ticanycwii na wando' añaamaaⁿ'aⁿ, na catsei'nqoⁿ'oⁿ na ñenncu'cheⁿ cwiluiindyu' Ty'oots'om na mayuu' ndo' mati na ja Jesús cwiluiindyo Cristo na jñom' ja quii'ntaaⁿ nn'aⁿ tsjoomnancue.

⁴ Ja jnda seit'maaⁿ'ndyo 'u quii'ntaaⁿ nn'aⁿ tsjoomnancue. Ndo' majndä mamañequiaandyo na c'io cwentaa nn'aⁿ, mañequuu ts'iaaⁿ'ñeeⁿ na tquiaa' nooⁿ na cats'aa. ⁵ Ndo' je' je' 'u Tsotyaya, cat-seit'maaⁿ'ndyu' ja cha'xjeⁿ na cwiluiit'maⁿ'ndyu' yuu na m'aaⁿ!, na juu jo' matseixmaⁿya ñ'eⁿ'ndyu' cwii tjooⁿcheⁿ na nncuaa tsjoomnancue.

⁶ 'Ndaä nn'aⁿ na m'aⁿ tsjoomnancue na tquiaa' joona l'oⁿ, jndä t'mooⁿya chiuu cwiluiindyu'. Tyom'aⁿna cwenta', ndo' tquiaa' na cwila'xmaⁿna cwentaya. Joona cwila'wena ñ'oom naya 'naⁿ! ndo' cwila'candana juuna!. ⁷ Ndo' macwila'noⁿ'na na cha'tso na cwicandaä mats'aa, ñenncu' tquiaa' na matseixmaⁿya na ljo!. ⁸ Ee ñ'oom na tsu' nooⁿya, jndä tquia joona' ndaäana. Ndo' joona jndä to'ñoomna ñ'oom'ñeeⁿ. Cwila'noⁿ'na na mayuu'cheⁿ jnaaⁿya na m'aaⁿ!, ndo' cwila'yu'na na 'u jñom' ja quii'ntaaⁿ nn'aⁿ.

⁹ 'Macan'a naya njom' cantyja 'naaⁿna, nchii cantyja 'naaⁿ nn'aⁿ tsjoomnancue. Ja macaⁿ'a na cateijndeⁿ joo na jndä tquiaa' l'ooya, ee cwila'xmaⁿna cwenta!. ¹⁰ Cha'tsondye joona na la'xmaⁿna cwentaya, mati la'xmaⁿna cwenta'. Ndo' joona na la'xmaⁿna cwenta', mati la'xmaⁿna cwentaya, ndo' matseit'maaⁿ'ñena' ja cantyja 'naaⁿna.

11 'Je' taxoc'ooⁿtya tsjoomnancue, saa joo na^m'aaⁿ! cwiljooⁿdyena juuna', ee ja jõnlcwä'a na m'aaⁿ!. 'U Tsotyaya na lju' cwiluiindyu', catsa' cwenta na^m'aⁿ na jndä tquiaa' l'oo ñequio juu najndeii na matsei'xmaⁿ! cha nnts'aana' ñe'cwii nla'xmaⁿna cha'xjeⁿ jaa ñe'cwii cwilaxmaaⁿya.

12 Yochenⁿ na tyom'aaⁿya naquii'ntaaⁿ na^m'aⁿ na jndä tquiaa' l'oo, tyots'aa cwenta joona ñequio najndeii na matsei'xmaⁿ! nncu'. Ndo' meiⁿcwiindyena tîcatsuuñe, macanda^a tsuuñe juu ts'aⁿ na matseixmaⁿ na catsuuñe, cha na catseicandaq^añena' ñ'om' na teiljeii.

13 'Saq je' na nncjolcwä'a na m'aaⁿ!. Ndo' matseinaⁿya ñ'oommeiiⁿ yochenⁿ na ndi m'aaⁿya tsjoomnancuewaañe, cha juu na m'aaⁿya na neiⁿya, candäq^a nla'xmaⁿna juuna'. **14** Jndä tquiaya ñ'oom naya 'naⁿ! ndäana, saa nn'aⁿ tsjoomnancue ticuee' n'om joona ee ticala'xmaⁿna cantyja 'naaⁿ! tsjoomnancue, cha'xjeⁿ ja meiⁿ ticatseixmaⁿya cantyja 'naaⁿna'. **15** Nchii macan'a na cwjiⁿ joona tsjoomnancue, saa na cwañomⁿ joona ljoⁿ na ñe'cats'aa tsaⁿjndii ñ'eⁿndyena. **16** Joona ticalaxmaⁿna cantyja 'naaⁿ! tsjoomnancue cha'xjeⁿ ja meiⁿ ticatseixmaⁿya cantyja 'naaⁿna'. **17** Queⁿ joona na cwiluiindyena na lju' n'omna nc'e ñ'oom na mayuu'. Juuna' cwiluiñena' na mayuu'. **18** Cha'xjeⁿ na jñomⁿ ja na jndyooⁿ tsjoomnancue, mati majñooⁿya joona na c'oocatjeiⁿyuuⁿdyena ndäa^a nn'aⁿ tsjoomnancue. **19** Ee nc'e joona maquaⁿ cheⁿnncoⁿ na lju' ts'ooⁿ jo njomⁿ cha mati nlqueⁿlju'naⁿ n'omna nc'e ñ'oom na mayuu'.

20 'Ndo' nchii macanda^a macan'a cantyja 'naaⁿjoo

naⁿm'aⁿ!. Mati macaⁿa na cateijndeⁱ joo nn'aⁿ na quia nla'yu' ñ'eⁿndy^o nc'e ñ'o^oom na quia nnt-jei'yuu'ndyena ²¹ cha ñe'cwii nla'xmaⁿna, cha'xjeⁿ 'u Tsotyaya ñe'cwii cwiluiindyu' ñ'eⁿndy^o, ndo' ja ñe'cwii cwiluiindyo ñ'eⁿndyu'. Ee na ljo' mati joona nndaq̃ nla'xmaⁿna na ñe'cwii cwilui-indyena ñequiondy^o jaa. Quia jo' nla'yu' nn'aⁿ tsjoomnancue na 'u jñom' ja. ²² Juu na tquiaa' na matseit'maaⁿñena' ja, mati tquiaaya jo' na cala'xmaⁿna, cha na ñe'cwii cala'xmaⁿna cha'xjeⁿ jaa ñe'cwii cwila'xmaaⁿya. ²³ Ja m'aⁿya ñ'eⁿndye joona, ndo' 'u m'aⁿ! ñ'eⁿndyo ja cha nnts'aana' na ñe'cwii cwila'xmaⁿna. Ndo' na ljo' nla'nq^on! nn'aⁿ na 'u jñom' ja, ndo' na candya' ts'om' joona cha'xjeⁿ na candya' ts'om' ja.

²⁴ 'U Tsotyaya m'aⁿ! na candya' ts'om' ja cwii tjo^ocheⁿ na tqueⁿ! tsjoomnancue. L'ue ts'qoⁿ na naⁿm'aⁿ! na jndaq̃ tquiaa' l'ooya, c'omna yuu na m'aⁿya ñ'eⁿndyu'. Ee quia ljo'cheⁿ nndaq̃ juu na matseit'maaⁿñena' ja na tquiaa' na matseixmaⁿya. ²⁵ Tsotyaya 'u na cwiluiindyu' na maty'iomyana', nn'aⁿ na la'xmaⁿna cantyja 'naaⁿ! tsjoomnancue ticala'nq^on!na cantyja 'naⁿ!, saq̃ ja mawajnaⁿa 'u ndo' naⁿm'aⁿ! cwila'nq^on!na na 'u jñom' ja. ²⁶ Jndaq̃ t'mooⁿya cantyja 'naⁿ! ndaq̃ana, ndo' m'mooⁿtyaya jo' ndaq̃ana. Luua' nnts'aa cha juu na m'aⁿ! na candya' ts'om' ja, mati nlaxmaⁿna juuna'. Ndo' mati nnc'qoⁿya ñ'eⁿndye joona.

18

*'Ooñ'omna Jesús na praso
(Mt. 26:47-56; Mr. 14:43-50; Lc. 22:47-53)*

¹ Jndā na seineiⁿ Jesús ñ'oommei^{n!} nnom Ty'oots'om, mana jluee^{n'e^n} jo' jo' ñ'eⁿndyô jâ na cwilajomndyô ñ'eⁿñê. Tei'ty'iqo'â tsjo' Cedrón. Squiaqayâ cwii joo yuu waa cwii ntjom, jo' jo' santyjooyâ na tjaque^{n'e^n}. ² Ndo' Judas, juu x'iaayâ na tquiaa cwenta jom, mati mantyjii jo' jo', ee majndye ndii' ñesaayâ jo' jo' ñ'eⁿ Jesús. ³ Quia jo' Judas'ñeeⁿ, to'ñoom cwii tmaa^{n!} sondaro ñ'eⁿ nt'om nn'aⁿ na cwindye'ntjom ndaa ntyee na cwiluiitquiendye, ndo' mañ'eenⁿ nt'om nn'aⁿ tmaa^{n!} fariseos. Tjachom na^{n!}ñeeⁿ jo' jo'. Ty'echona lioochom ndo' chom nlca ñ'eⁿ l'o ts'iaaⁿ ntia'. ⁴ Ndo' Jesús, nc'e na mantyjeeⁿ cha'tso na mawaa xjenⁿ na nntjoom, tjacatjomñê na^{n!}ñeeⁿ. Tax'eeⁿ ndaana, matsoom:

—¿'Ñeeⁿ juu cwil'ue'yo'?

⁵ T'oonaa, jluena:

—Cwil'uqayâ Jesús na jnaⁿ Nazaret.

Matsoom:

—Maja luua jo'.

Ndo' mati Judas na tquiaa cwenta jom, mañ'eⁿ ñequio na^{n!}ñeeⁿ. ⁶ Ndo' quia tso Jesús: "Maja luua jo'", seilcwe'ntyaa'na' joona hasta xjenⁿ nomtyuaacheⁿ tquiaandyena. ⁷ Quia jo' tax'eeñennda' Jesús ndaana:

—¿'Ñeeⁿ juu cwil'ue'yo'?

Ndo' joona t'oonnda'na nnoom:

—Jesús tsaⁿ na jnaⁿ Nazaret.

⁸ T'o Jesús ndaana:

—Jndā tsjooya, maja luua jo'. Jo' chii xeⁿ ja cwil'ue'yo', ca'ndye'yo' naⁿm'aⁿ na nnc'oona.

⁹ Luua' tuii cha catseicandaq'ñena' ñ'oom na tsoom quia seineiiⁿ nnom Tsotyeeⁿ. Tsoom:

“Nn'aⁿ na jndā tquiaa' l'oooya, mei^{nc}wiindye joona títseicatsuuya.” ¹⁰ Quia jo' Simón Pedro tjei'lñoomñē xjo na maleiñ'oom. Seiquiee'ñē ts'aⁿ na jndyu Malco. Tyjeeⁿ tsua'qui tsa^{n'ñee} ntyjaya. Juu tsa^{n'ñee} mosoo' tyee na cwiluiitquieñe. ¹¹ Matso Jesús nnom Pedro:

—Cwja'ndyu'nnda' xjo' quii' tjaⁿwaa'na'. ¿Aa matseitiuu' na ticaty'iomyana' na catjoⁿya nawi' t'maⁿ na seijndaa'ñe Tsotyaya na nntjoⁿ?

*Ty'eñ'omna Jesús na m'aaⁿ tyee na cwiluiitquieñe
(Mt. 26:57-58; Mr. 14:53-54; Lc. 22:54)*

¹² Quia jo' sondaro'ñeeⁿ ñequio capeitaⁿ na cwiluiitquieñe ndaana ñequio na^{n'ñee} na cwindye'ntjom ndaq^a ntyee na cwiluiitquiendye ndaq^a nn'aⁿ judíos, t'ueña Jesús, jla'tyeⁿna jom. ¹³ Ty'eñ'omjndyeena jom na m'aaⁿ Anás, xee^{n'} tyee na jndyu Caifás na cwiluiitquieñe chu'ñeeⁿ. ¹⁴ Majuu Caifás'ñeeⁿ jndā seijnqo^{n'q} n'om nc'iaa^{n'aⁿ} nn'aⁿ judíos'ñeeⁿ na yaticheⁿ na cwii ts'aⁿ cue' cwentaa cha'tsondye joona.

*Macwi^ji'ñe Pedro cantyja 'naa^{n'} Jesús
(Mt. 26:69-70; Mr. 14:66-68; Lc. 22:55-57)*

¹⁵ Wendyô jâ, nquii Simón Pedro ñ'eⁿ ja Juan saantyjooyâ nanque^{n'} na^{n'ñee}. Juu tyee na cwiluiitquieñe mawajna^{n'aⁿ} ja. Macwe' jo' tjoquia'a tach'eⁿ waa' tyee'ñeeⁿ xjen^a na ty'eñ'omna Jesús jo' jo'. ¹⁶ Saa Pedro tjawintyjee^{n'eⁿ} 'ndyoots'a tatiom. Jo' chii ja na mawajnaa^{n'} tyee na cwiluiitquieñe, jluii'a ch'eⁿ, seinq^a nnom yuscu na mach'ee cwenta 'ndyoots'a'ñeeⁿ. Ndo' juu tquiaa ñ'oom' na jndyoquiee' Pedro tach'eⁿ w'aa. ¹⁷ Ndo' tax'ee yuscu'ñeeⁿ nnom Pedro:

—¿Aa nchii 'u cwii joona na matseijomñe ñ'oom na mañequiaa tsaⁿm'aaⁿ?

T'o Pedro matsoom:

—Nchii jo' ja.

¹⁸ Ndo' nn'aⁿ na cwindye'ntjom w'aa'ñeeⁿ, ñequio nt'omcheⁿ nn'aⁿ na cwil'a cwenta wats'om, jndä jla'cw'aana ñoom. Meintyjee'na na cwila'windyena, ee jeeⁿ teiⁿ. Ndo' mati meintyjee' Pedro quii'ntaa'nna, matseiwiñê ñ'eⁿndyena.

Mawax'ee tyee na cwiluiitquieñe ñ'oom nnom Jesús

(Mt. 26:59-66; Mr. 14:55-64; Lc. 22:66-71)

¹⁹ Ndo' nquii tyee na cwiluiitquieñe ndäq ntyee, tax'eeñe nnom Jesús 'ñeeⁿ já nn'aⁿ na cwilajom-ndyô ñ'eⁿñê ts'iaaⁿ na mach'eeⁿ, ndo' mati chiuu waa ñ'oom na tyoñequiaaⁿ. ²⁰ T'o Jesús matsoom:

—Ñequii'chenⁿ ñequio na jndoo' nn'aⁿ tyotseinaⁿya. Ndo' na tyo'mooⁿya ndäq nn'aⁿ judíos naquii' lan'om 'naaⁿna ñequio wats'om t'maⁿ yuu na cwitjomndyena. Meiⁿcwii ñ'oom tyootseinaⁿ na cwe' ñe'we ndyee ts'aⁿ ndii. ²¹ Na mawaxe' nooⁿ, ¿chiuu na ticwaxe' ndäq nn'aⁿ na jndä ñejndyena ñ'oom na mañequiaaya ījo' ñetsjoo? Naⁿñeeⁿ nquiujndaa'ndyena ñ'oom na ñet'mooⁿ.

²² Ndo' quia na jndä tso Jesús ñ'oomwaa', cwii naⁿñeeⁿ na cwil'a cwenta wats'om na tyom'aⁿ jo' jo' tquiaa tsaⁿñeeⁿ nda' watmeiⁿ jom. Tso tsaⁿñeeⁿ nnoom:

—¿Aa laa'ti' maw'o['] 'ndyoo nquii ts'aⁿ na cwiluiitquieñe ndäq ntyee cwentaaya?

²³ T'o Jesús, matsoom:

—Xeⁿ tia ñ'oom na matsjoo, cwji'yuu'ndyu' cantyja 'naaⁿ! ñ'omtia'ñeeⁿ, saq xeⁿ ñ'oom na maty'iomyana' matseinaⁿ, tis'a na macwja' ja.

²⁴ Quia jo' seicwanom Anás Jesús na ndi chu'tyeⁿñê l'q Caifás, tyee na cwiluiitquieñe ndaq nn'aⁿ judíos.

*Macwji'ñennda' Pedro cantyja 'naaⁿ! Jesús
(Mt. 26:71-75; Mr. 14:69-72; Lc. 22:58-62)*

²⁵ Yocheⁿ na meintyjee' Pedro 'ndyoo chom na matseiwiñê, ta'x'eena nnoom:

—Ndo' 'u je', ¿aa nchii macwii nquiee naⁿñeeⁿ na cwilajomndyo' ñ'eⁿñê?

Saq jom tjei'ñê, tsoom:

—Nchii jo' ja.

²⁶ Ndo' jo' jo' m'aan cwi ts'aⁿ na mach'ee ts'iaaⁿ 'naaⁿ tyee na cwiluiitquieñe ndaq ntyee. Juu tsaⁿñeeⁿ mann'aa'aⁿ ts'aⁿ na tyjee Pedro tsua'qui. Matso tsaⁿñeeⁿ nnom Pedro:

—¿AA nchii nty'iaya 'u na ñ'eⁿ! ñ'eⁿñê yuu waa ntjom?

²⁷ Saq Pedro tjei'ñennaaⁿaⁿ. Ndo' mañoom' seix- uaa caxtijndyo.

*Nn'aⁿ judíos tioona cwenta Jesús l'q Pilato
(Mt. 27:1-2, 11-14; Mr. 15:1-5; Lc. 23:1-5)*

²⁸ Quia jo' ty'eñ'om nn'aⁿ judíos Jesús, jnaⁿna waa' Caifás, tquiena w'aa yuu na mac'eⁿ gobiernom. Ndo' ndicwaⁿ cwitsjoom xjeⁿñeeⁿ. Saq tic'ooquie' nn'aⁿjudíos naquii' wats'iaaⁿ'naaⁿ gobiernom cha tints'aana' na tilju' laxmaⁿna, ee xeⁿ na ljo' tixonquiaana' na wanaaⁿ na nla'jomndyena xuee na cwitquiina catsmaⁿ chjoo.

29 Jo' chii jlui' Pilato quii' w'aa'ñeeⁿ tjatseineiiⁿ ndaq^a nn'aⁿ. Tsoom:

—¿Ljo' ñ'oom cwiqueⁿ'yo' nacjoo' tsaⁿs'am'aaⁿ?

30 Joona t^loona nnoom:

—Xeⁿ nchii ts'aⁿ na tia ts'aⁿñe jom, xonquioqñ'ooⁿyâ jom na m'aaⁿ.

31 Ndo' tso Pilato ndaq^a judíos'ñeeⁿ:

—Ncjo'yo' catsaañ'om'yo' jom. Catu'xeⁿ'yo' jom cantyja 'naaⁿ' ljeii 'naⁿ'yo' na waa.

T'oo naⁿ'ñeeⁿ nnoom:

—Tjaa'naⁿ najndaqaya na nlacuaa^aâ ts'aⁿ.

32 Luua' tuii cha catseicandaa^a'ñena' ñ'oom na seineiⁿ Jesú^s na t'moqⁿ cwaanⁿ cwii nnom na nntseicuee'naⁿ jom. **33** Ndo' tjaquiee'nnda' Pilato quii' wats'iaaⁿ 'naaⁿaⁿ. Tax'eeñé nnom Jesú^s:

—¿Aa 'u cwiluiindyu' Rey cwentaa nn'aⁿ judíos?

34 T^lo Jesú^s, matsoom nnom:

—¿Aa luua' matsu' ee na matsei'noⁿ cheⁿnncu'? Oo, ¿aa m'aⁿ nt'omcheⁿ nn'aⁿ na cwilue na ljo' cantyja 'naⁿya njom'?

35 T^lo Pilato, matsoom:

—Ja nchii ts'aⁿ judío ja. Manquiee nn'aⁿ ndyuua' ñequio nn'aⁿ na cwiluiitquiendye ndaq^a ntyee 'nan'yo', joona tquiana cwenta 'u l'ooⁿya. ¿ljo' sa'?

36 T^lo Jesú^s nnoom:

—Juu na cwiluiindyo na catsa'ntjoⁿya, nchii cantyja 'naaⁿ tsjoomnancuewaañe na matseixmaⁿna'. Ee xeⁿ cwiluiiñena' na ljo', quia jo' nn'aⁿ na cwila'jomndye ñ'eⁿndyo^a nl'ana tia' cha na tiñequiaa ts'aⁿ cwenta ja luee nn'aⁿya nn'aⁿ judíos, saa^a nchii cantyja 'naaⁿ tsjoomnancue tseixmaⁿya na catsa'ntjoⁿ.

37 Ndo' tax'ee Pilato nnoom:

—Quia jo', ¿Aa cwiluiindyu' rey?

T'o Jesús, matsoom nnom:

—Maxjeⁿ jo' cwiluiindy^o. Macwe^l jo'
na tuiindy^o na jndy^o tsjoomnancue, cha
cwji'yuu'ndy^o ñ'oom na mayuu'. Ticwii cwii ts'aⁿ
na matseijomñe ñ'oom na mayuu'ñeeⁿ, tsa^{n'ñee}
mandii ñ'oom na mañeuiaya.

38 Tax'eeñe Pilato nnom Jesús:

—¿Ljo' jo' na cwiluiñena' na mayuu'?

Teijndaa'tyen na cue' Jesús

(Mt. 27:15-31; Mr. 15:6-20; Lc. 23:13-25)

Ndo' jnd^a na tso Pilato na luaa', jluⁱnnaa^{n'a} jo
nd^a nn'aⁿ judíos. Tsoom nd^aana:

—Tjaa jnaⁿ tseixmaⁿ tsa^{n'm'aa}^{n!}. **39** Sa^q mawaa
costumbre quii'ntaa^{n'yo} na catseicandyandy^o
cwii praso na nnti^o juu luee^{'yo} xuee na
cwitquie^{'yo} catsmaⁿ chjoo. Quia jo' ¿aa l'ue
n'om^{'yo} na nntseicandyandy^o juu rey na
matseixmaⁿ na catsa^{'ntjom} 'o?

40 Ndo' jla'xuaana, jluena:

—Nchii tsa^{n'm'aa}^{n!}. Catseicandyandyu'
Barrabás.

Luaa' ñ'oom taⁿ na^{n'ñee}ⁿ. Ndo' juu
Barrabás'ñeeⁿ, tsaⁿcanch'ue jo'.

19

1 Quia jo' sa^{'ntjom} Pilato na catjaa' sondaro
Jesús. **2** Ndo' sondaro'ñeeⁿ l'ana tsei nioom, jnd^a
chii tioomna juuna' xqueⁿ Jesús, ndo' jla'cweena
jom cwii liaatco colo catsioo!. **3** Ndo' ty'entyjaa'
nt'om sondaro'ñeeⁿ jom. Cwe' tyoncona, jluena:

—Caluit'maⁿndyu' 'u Rey na cwiluiindyu' na catsaqⁿtjom' nn'aⁿ judíos.

Ndo' tyotmeiiⁿna nda' watmeiⁿ nnoom.

⁴ Jndaqⁿ jo' jluiⁿnnda' Pilato jo ndaqⁿana. Matsoom:

—Canty'ia'yo', macwjii'a jom jo ndaqⁿyo' cha queⁿyo' cwenta meiⁿcwii jnaⁿ ticatseixmaaⁿ.

⁵ Xjenⁿñeeⁿ jluiⁿ Jesús jo ndaqⁿana na ñjom tsei nioom xqueeⁿ, ndo' cweⁿliaatco colo catsioo'. Tso Pilato ndaqⁿana:

—Luaañe tsaⁿs'am'aaⁿ.

⁶ Ndo' ntyee na cwiluiitquiendye ñequio nn'aⁿ na cwil'a cwenta wats'om, quia nty'iaana Jesús, jla'xuaana:

—Caty'iom' jom ts'oom'naaⁿ. Caty'iom' jom ts'oom'naaⁿ.

T'o Pilato ndaqⁿana, matsoom:

—Ncjo'yo' cato'ñoom'yo' jom ndo' caty'iom'yo' jom ts'oom'naaⁿ ee jndaqⁿ ljeiya na meiⁿcwii jnaⁿ ticatseixmaaⁿ.

⁷ T'oqonnda' nn'aⁿ judíos nnoom, jluena:

—Mawaa ljeii na cwileiñ'ooⁿyâ, ndo' cantyja 'naanⁿ juuna' matsaⁿntjomna' na cueeⁿeⁿ ee na tsoom na Jnda Ty'oots'om cwiluiñê.

⁸ Jndaqⁿ na jndii Pilato ñ'oommeiⁿ, seicaty'uetina' jom. ⁹ Ndo' tjaquiee'nnaaⁿaⁿ wats'iaanⁿ 'naaⁿaⁿ. Tax'eeñê 'ndyoo Jesús:

—¿U yuu jnaⁿyu'?

Saqⁿ Jesús meiⁿcwii ñ'oom tîc'ooⁿ.

¹⁰ Jo' chii matso Pilato nnoom:

—¿Chiuu na tic'oⁿ 'ndyo? Ja waa na jndoⁿ na nntseicandyaaandyo 'u, oo na nnty'ioⁿya 'u ts'oom'naaⁿ.

¹¹ T'o Jesús, matsoom:

—Xeⁿ nchii Ty'oots'om tquiaa na jndu' tja Meiⁿcwii na nndaq^a nntsa' ñ'eⁿndyo. Macwe' jo' juu ts'aⁿ na tio ja l'o' mat'maⁿti jnaaⁿ mawaa.

12 Quia na jndii Pilato ñ'oomwaa', seijneiⁿ na nntseicandyaañê Jesús. Saq nn'aⁿ na cwiluitquiendye ndaq^a nn'aⁿ judíos jla'xuaana:

—Xeⁿ nntseicandyaaandyu' tsaⁿm'aaⁿ, tiñe'catseix'iaa'ndyu' ñequio César, tsaⁿmants'iaaⁿ t'maⁿ, ee meiⁿcwi'ñeeⁿcheⁿ ts'aⁿ na ñe'caluiiñe rey cha'na tsaⁿm'aaⁿ, mawjaa nacjoo' César.

13 Ndo' jndq na jndii Pilato ñ'oommeiⁿ, tjeiiⁿeⁿ Jesús jo ndaana. Tjacjom ntio 'naaⁿaⁿ cwii joo na jndyu Nataa Ljo' yuu quicu'xeeⁿ ñ'oom. Ñequio ñ'oom na cwila'neiⁿ nn'aⁿ judíos jndyuna' Gabata. **14** Ndo' juu xuee'ñeeⁿ, xuee na cwilajndaa'ndyo jaa nn'aⁿ judíos na nntquiqaya catsmaⁿ chjoo. Tuii na luaa'cha'na quiajmeiⁿ. Quia jo' matso Pilato ndaq nn'aⁿ judíos'ñeeⁿ:

—Canty'ia'yo', lúañe rey na tseixmaⁿ na nntsa'ntjom 'o.

15 Saq naⁿñeeⁿ jla'xuaana:

—Catseicue' jom. Catseicue' jom. Caty'iom' jom ts'oom'naaⁿ.

Matso Pilato ndaana:

—Nquii rey na nntsa'ntjom 'o, ¿aa maxjeⁿ caty'ioⁿya jom ts'oom'naaⁿ?

Ntyee na cwiluitquiendye t'qona, jluena:

—Jâ tjaan'aⁿ cwiicheⁿ rey na catsa'ntjom jâ, macandq nquii César.

16 Quia jo'cheⁿ tquiaa Pilato Jesús ndaq naⁿñeeⁿ na caty'ioomna jom ts'oom'naaⁿ. Ndo' mana ty'eñ'omna jom.

Ty'ioom sondaro Jesús ts'oom'naaⁿ
(Mt. 27:32-44; Mr. 15:21-32; Lc. 23:26-43)

¹⁷ Quia jo' tjachuú Jesús ts'oom'naaⁿ cwentaaⁿ'aⁿ cwii joo na jndyuna' Tsei'xqueⁿ Ts'oo. Ñequio ñ'oom na cwila'neiⁿ nn'aⁿ judíos jndyuna' Gólgota.
¹⁸ Ndo' jo' jo' ty'ioomna jom ts'oom'naaⁿ. Ndo' mati ty'ioomna cwiicheⁿ we ts'aⁿ noom'naaⁿ. Cwii cwii ts'aⁿ ñoom ts'oom'naaⁿ na cwii ntyjaan'aⁿ, ndo' m'aaⁿñé xcwe. ¹⁹ Ndo' sa'ntjom Pilato na teiljeii cwii ñ'oom na ty'iom sondaro xqueⁿ ts'oom'naaⁿ. Ñ'oom'ñeeⁿ matsona': "Luua Jesús, ts'aⁿ Nazaret na cwiluiiñé rey na matsa'ntjom nn'aⁿ judíos." ²⁰ Jndye nn'aⁿ judíos jla'naaⁿna ljeiiwaa', ee yuu na ty'ioomna Jesús ts'oom'naaⁿ manndyoo' nnom tsjoom. Juu ñ'oom'ñeeⁿ teiljeiina' ñequio ñ'oom na cwila'neiⁿ nn'aⁿ judíos, nn'aⁿ romanos, ndo' nn'aⁿ griegos. ²¹ Quia jo' jla'neiⁿ ntyee na cwiluiitquiendye cwentaa nn'aⁿ judíos nnom Pilato. Jluena:

—Tintseiljei' na tsaⁿm'aaⁿ cwiluiiñé rey na nnts'aⁿntjoom jâ. Luua catseiljei': "Tsaⁿm'aaⁿ matsoom: Ja cwiluiindyó Rey na catsaⁿntjóⁿya nn'aⁿ judíos."

²² T'o Pilato ndaqana, matsoom:

—Cantyja na jnda seiljeiya, mantyjati jo'ndyo.

²³ Jndá na ty'ioom sondaro Jesús ts'oom'naaⁿ, quia jo' ñequieendye joona to'ñoomna cwii cwii lian'aⁿ. Mati to'ñoomna liaatco 'naaⁿaⁿ na tuiina' na tjaa yuu ñjoom'na'. ²⁴ Jluena ndaq nc'iaana:

—Ticajndii'ndyo juuna', x'iaa nncjaaya na nnty'iaaya 'ñeeⁿ cwii jaa nncwantjom juuna'.

Luua' l'ana cha catseicandaq'ñena' ñ'oom' Ty'oots'om na teiyo teiljeii nacjoo' libro Salmos.

Matsona': "Tquiana cwii cwii liaya ndaq̄a nc'iaana, ndo' ty'ena x'iaa na ta'ntjomna liaya." Nc'e na luaa' matso ljeii'ñee, jo' chii l'a sondaro na ljo'.

²⁵ Ndo' macañoom' ts'oom'naaⁿ na ñoom Jesús meintyjee' tsoñeeⁿ. Mati jo' jo' m'aaⁿ María tyjee tsoñeeⁿ, scuu' Cleofas, ñequio María Magdalena.

²⁶ Jndā na nty'iaa' Jesús na jo' jo' meintyjee' tsoñeeⁿ na cañom ja na jeeⁿ candyá' ts'oom, tsoom nnom:

—'U naⁿ, tsaⁿm'aaⁿ nntseixmaaⁿ ti'jnda'!

²⁷ Jndā jo' matso Jesús nooⁿ:

—Luañe tso'ndyo'.

Ndo' majuu xjeⁿñeeⁿ to'ñ_onya tsoñeeⁿ. Teix'aya juu cha'cwijom cwii ts'aⁿ w'aya.

Na tue' Jesús

(Mt. 27:45-56; Mr. 15:33-41; Lc. 23:44-49)

²⁸ Jndā tuii na luaa', ntyjii Jesús na jndā jndaq̄a' cha'tso cantyja 'naaⁿaⁿ. Jo' chii cha na nntseicandaa'ñena' cha'tso ñ'oom' Ty'oqots'om na teiljeii, matsoom:

—Ñe'c'ua ndaa.

²⁹ Ndo' jo' jo' waa cwii xuaa na cwicañjom winom na t̄a. Quia jo' nchjeendye sondaro'ñeeⁿ cwii 'naⁿ na ya maw'ana' winom'ñeeⁿ. Chii tioona juuna' nnom cwii ts'oom hisopo, jndā chii ty'ioomna juuna' 'ndyoo Jesús. ³⁰ Ndo' jndā na tjawe'na' 'ñom, matsoom:

—Jndā seicandaa'ñena' cha'tso cantyja 'na'nya. Jndā chii seintyanquioñê xqueeⁿ.

Tioom cantyja na wanoom'm l'ø Ty'oqots'om.

Seicjooñe cwii sondaro tsei'ntsquiee' Jesús

³¹ Xuee na cwila'tyeⁿ nn'aⁿ judíos xuee pascua quia ty'ioomna Jesús ts'oom'naaⁿ. Nn'aⁿ na m'aⁿ

n'iaaⁿ quii'ntaaⁿ nn'aⁿ judíos, tical'ue n'omna na nñom ndyee naⁿ'ñeeⁿ noom'naaⁿ xuee na cwita'jndyeena. Ee juu xuee'ñeeⁿ jeeⁿ t'maⁿ xuee tseixmaⁿna' quia cwila'cuee'na catsmaⁿ chjoo. Jo' chii ty'ecataⁿna nnom Pilato na catsaⁿntjoom na catom ndei'nc'eeⁿ naⁿ'ñeeⁿ cha catseityuaa'na' na nncwjena, ndo' cha tyuaa' nntaa'ndyena naⁿ'ñeeⁿ noom'naaⁿ. ³² Jo' chii sondaro'ñeeⁿ ty'ecatomna ndei'nc'eeⁿ ts'aⁿ najndyee, ndo' majo'ti l'ana cwiicheⁿ tsaⁿ'ñeeⁿ na ty'ioomna jom ts'oom'naaⁿ cwiicheⁿ ntyjaa' Jesús. ³³ Saq quia na ty'entyjaa'na Jesús, jliuna na jndā tueeⁿ'eⁿ. Tatîcatomna ndei'nc'eeⁿ.

³⁴ Saq meiiⁿ na ljo' cwii sondaro'ñeeⁿ tjaa'ñe lantsa tsei'ntsqueeⁿ'eⁿ. Mañoom' jlui' niom' ñequio ndaa. ³⁵ Ja nty'ia na ljo' tuii, ndo' macwji'yuu'ndyo. Cala'nqⁿyo' na mayu'a ñ'oom matseinaⁿ cha mati nndaqⁿ nla'yu'yo'. ³⁶ Ee nmeiiⁿ tuii cha na catseicandaⁿ'ñena' ñ'oom' Ty'ooots'om na teiyo teiljeiina' nacjoo' libro Salmos. Matsona': "Meiⁿcwii tseiⁿ'eⁿ tîcatom." ³⁷ Ndo' mati waa cwiicheⁿ ñ'oom' Ty'ooots'om na teiljeiina' na matsona': "Nnty'iaana nquiai ts'aⁿ na jla'cjoondyena tsei'ntsquiee'."

Tjacanty'iuu'ñe Jesús

(Mt. 27:57-61; Mr. 15:42-47; Lc. 23:50-56)

³⁸ Jndā teinom nmeiⁿ, José ts'aⁿ na jnaⁿ Arimatea, tjacaanⁿ nnom Pilato na nñequiaa tsaⁿ'ñeeⁿ sei'ts'o 'naaⁿ Jesús. José'ñeeⁿ matseijomñē ñ'oom na mañequiaa Jesús saq cwe' nty'iu ee nquiaⁿ'aⁿ nn'aⁿ judíos. Pilato tquiaaⁿ ñ'oom'm. Jo' chii José tjaaⁿ, tjac'oom sei'ts'o 'naaⁿ

Jesús. ³⁹ Ñ'eⁿ Nicodemo, tsaⁿ na tja na m'aaⁿ Jesús cwii teijaaⁿ. Jom tjañ'oom cha'na ntquiuu nchoo' nqui kilos ncheⁿ na tjoom'na' mirra ñequio áloes na nnty'oomndyena juuna' sei'ts'o 'naaⁿ' Jesús. ⁴⁰ Quia jo' to'ñoomna ts'oo Jesús, ty'oomndyena ncheⁿ cachi'ñeeⁿ liaa na jndyuna' lino. Jndā chii jla'tyoondyena liaa'ñeeⁿ jom. Ee luua' waa costumbre 'naaⁿ nn'aⁿ judíos na cwity'iuuna l'oo. ⁴¹ Yuu na ty'ioom nn'aⁿ Jesús ts'oom'naaⁿ waa cwii ntjom. Naquii' ntjom'ñeeⁿ waa cwii tsei'tsuaa xco, na meiⁿjom ndii' tyoojaanty'iuu'ñe ts'oo. ⁴² Ndo' nc'e na mawaa xjeⁿ na nnc'ooquie' nn'aⁿ judíos xuee sauro', jo' chii jo' jo' ty'ecatjaa'ndyena ts'oo Jesús. Ee tsei'tsuaa'ñeeⁿ nndyoo' waana' yuu na ty'ioom nn'aⁿ Jesús ts'oom'naaⁿ.

20

Tquiaa Ty'oots'om na wando'xco Jesús (Mt. 28:1-10; Mr. 16:1-8; Lc. 24:1-12)

¹ Jaancoo xuee neiⁿnco', xuee najndyee smaⁿna, tyjee'cañoom María Magdalena tsei'tsuaa'ñeeⁿ, ndicwaⁿ jaaⁿcheⁿ. Nty'iaaⁿl'aⁿ na jndā teindyo tsjo' na ñejñoom 'ndyoo juuna'. ² Quia jo' jleinoom, tjaanⁿ yuu na m'aaⁿ ja na jeeⁿ candya' ts'om Jesús ñ'eⁿ Simón Pedro. Matsoom ndaqayâ:

—Jndā tjeii'na sei'ts'o 'naaⁿ Ta Jesús tsei'tsuaa, meiⁿ ticaliuuyâ yuu tqueⁿna juuna'.

³ Quia jo' ja ñequio Pedro saayâ, squiqayâ yuu waa tsei'tsuaa. ⁴ Ñe'cwi saayâ, jleinooⁿyâ, saaⁿ jndeiti jleinooⁿ, nchiiti Pedro. Jo' chii ja tuajndyaaya yuu waa tsei'tsuaa. ⁵ Seintyanquiondyo, nty'iaaya

liaa na ñechu'tyjooñe Jesús meindyuaana' naquii' tsei'tsuaa, saa tîcjoquia'a. ⁶ Ndo' quia na tuee'cañoom Simón Pedro jo' jo', na cwijndyontyjooⁿ naxaⁿ'a, jom tjaqueⁿ'eⁿ hasta naquii'cheⁿ tsei'tsuaa. Mati nty'iaaⁿ'aⁿ joo liaa'ñeeⁿ na ñechu'tyjooñe Jesús meindyuaana' jo' jo'. ⁷ Ndo' juu liaa na ñeta' xqueⁿ Jesús ljeiiⁿ na ticwacatyeeⁿna' ñequio nt'omchenⁿ liaa na ñechu'tyjooñê. Wacatyeeⁿna' na ñenquiina', chi'lawiina'. ⁸ Quia jo' mati ja na matseijomndy^o ñ'eⁿ Jesús, tjoquia'a naquii'cheⁿ tsei'tsuaa. Nty'iaya na ljo' waa, ndo' quia ljo'cheⁿ seiyu'a. Ee meiiⁿ na ja tuajndya^a jo' jo', saa tîcjoquia'a na mandiñoom!. ⁹ Ee xjenⁿñeeⁿ ndicwaⁿ tjoocheⁿ nla'nooⁿ'â ñ'oomeⁿ Ty'oots'om na teiljeii na matsona' maxjeⁿ nñequiaa Ty'oots'om na nncwando'xco Jesús xeⁿ jnd^a tue!. ¹⁰ Quia jo' wendy^o jâ na cwilajomndy^o ñ'eⁿñê jluii'â tsei'tsuaa. Saalcwaa^a'â na waa w'aayâ.

*Teitquioo'ñe Jesús nnom María Magdalena
(Mr. 16:9-11)*

¹¹ Sa^a María meintyjee'cheeⁿ nacañoom^o tsei'tsuaa, maty'ioom. Yocheⁿ na maty'ioom jo' jo', seintyjanquioñê na nty'iaaⁿ'aⁿ naquii'cheⁿ tsei'tsuaa. ¹² Jo' jo' nty'iaaⁿ'aⁿ we ángeles, jeeⁿ canchii' liaa cwee'na. Cwii tsaⁿñeeⁿ wacatyeeⁿ jo yuu na ñet'oomeⁿ xqueⁿ Jesús, ndo' x'iaaⁿ'aⁿ wacatyeeⁿ jo yuu ñet'om nc'ee Jesús. ¹³ Ndo' ta'x'eena nnoom:

—¿Chiuu 'u ts'aⁿ na maty'ioo'?

Tsoom ndaana:

—Jndā ty'eñ'omna nqueⁿ na cwiluiñē na matsa^ñntjoom ja, meiⁿ ticaljeiiya yuu ty'equeⁿna jom.

¹⁴Jndā ncue na tsoom na luala', quia jo' teiqueeⁿ, nty'iaaⁿaⁿ na meintyjee' Jesús jo' jo', sāq ticwajnaⁿaⁿ na nquii Jesús jo'. ¹⁵Tso Jesús nnoom:

—'U yuscu, ¿chiuu na jeen maty'ioo'? ¿'Ñeeⁿ juu mal'ue'?

Ndoor' ntyjeeⁿ ts'aⁿ na mach'ee cwenta ntjom'ñeen juu Jesús. Jo' chii matsoom nnom:

—Aa ndi' ta, xeⁿ 'u tjañ'oom' jom, catsu' nooⁿ yuu tja'queⁿ jom, quia jo' nncjoc'oⁿya jom.

¹⁶Quia jo' matso Jesús:

—María.

Jndā na jñeeⁿ na tjei' Jesús xueⁿeⁿ, quia jo' teiqueeⁿ. T'ooⁿ ñequio ñ'oom na cwila'neiⁿ nn'aⁿ judíos. Matsoom:

—Raboni.

Ñ'oom'ñeeⁿ matsona' ts'aⁿ na ma'moⁿ ñ'oom' Ty'oots'om ndaq nc'iaa'.

¹⁷Matso Jesús nnoom:

—Tint'uii'tyeⁿ ja, ee tyoocjowaa na m'aaⁿ Tsotyaya. Sāq cja' na m'aⁿ ti'nc'iaya na cwiteijndeiiya ja, catseicandii' na majowaa na m'aaⁿ Tsotyaya na mati cwiluiñē Tsotye'yo', na m'aaⁿ Ty'oots'omya ndo' Ty'oots'om cwenta'yo'.

¹⁸Quia jo' tja María Magdalena, tjatseicañeeⁿ já na cwilajomndyô ñ'eⁿ Jesús. Juu María t'mooⁿ ndaqyâ ñ'oom na jndā seineiⁿ Jesús nnoom, ndo' na jndā nty'iaaⁿaⁿ juu.

*Teitquioo'ñe Jesús ndaa jâ nn'aⁿ na
cwila'jomndye ñ'eⁿñê
(Mt. 28:16-20; Mr. 16:14-18; Lc. 24:36-49)*

¹⁹ Ndo' mañejuu tmaaⁿ xuee neinncō'ñeeⁿ,
jâ nn'aⁿ na t'maⁿ Jesús tjomndyô na ñe'naaⁿ.
Jla'cata'tyaq^añyâ ndyueel'a nc'e na nquiaayâ
nc'iaaya nn'aⁿ judíos. Xjeⁿ'ñeeⁿ tyjee'cañoom
na m'aan^yâ, teintyjeeⁿeⁿ xcwe quii'ntaaⁿyâ.
Matsoom:

—C'oom'yo' na tjaa ñomtiuu.

²⁰ Ndo' jndâ tsoom na luala', t'mo^on l'o^on ñequio
tsei'ntsqueeⁿeⁿ ndaayâ. Ndo' tquiaana' na jeeⁿ
neiiⁿyâ na nty'iaanndaa'â jom. ²¹ Ndo' tsoom
ndaayâ:

—Quiaa Ty'oots'om na tjaa ñomtiuu laxmaⁿ'yo'.
Cha'xjeⁿ jndâ jñoom ja ñequio ñ'oom naya 'naaⁿaⁿ
malaa'ti' majñ^onya 'o.

²² Ndo' quia na jndâ tsoom na luala', tjoom'm
jndye ndaayâ. Tsoom:

—Cato'ñoom'yo' Espíritu Santo. ²³ 'Ñeeⁿ joo na
cwilat'maⁿ n'om'yo' jnaaⁿ, mati Ty'oots'om mat-
seit'maⁿts'oom jnaaⁿna. Saa'ñeeⁿjoo na ticalacan-
dyando' cantyja 'naaⁿ jnaaⁿ, maxjeⁿ tyeⁿ jndâ
t'uii jnaaⁿna joona.

Nty'iaa' Tomás na mawando'xco Jesús

²⁴ Xjeⁿ na jndyojndyee Jesús, juu Tomás, cwii jâ
na cwilajomndyô ts'iaaⁿ na mach'eeⁿ tic'oomñê,
jom tsaⁿ na cwil'uuyâ catyeⁿnquiaee. ²⁵ Jo' chii
nt'omndyô jâ l'uuyâ nnom Tomás:

—Jndâ nty'iaayâ nquiaee Jesús.

Saa' t'o^on ndaayâ:

—Ja xeⁿ tican^y'ian^{qo}_oⁿ 'naaⁿ yuu na tjaa clavos n'oml'^{qo}_oⁿ, ndo' na nncwjaa'ndy_o nnomts'^{qo}_o yuu na jla'^cjoondye clavos, ndo' xeⁿ tican^tquieendy_o jnda'ts'^{qo}_o tsei'ntsquee^{n'l'e}_n maxjeⁿ xocatseiyu'a na wando'xcoom.

²⁶ Jnd_a ñeeⁿ xuee na tuii na luga' quia jo' jâ nn'aⁿ na t'maⁿ Jesús na calajomndy_o ñ'eⁿñê tyom'aaⁿnndaa'â w'aa'ñeeⁿ, ndo' quia ljo'cheⁿ mati ñ'eⁿ Tomás. Ndo' tyjee'cañoom Jesús naquii' ntaaⁿyâ na ndi t_a'ndyueel'a. Tsonnaaⁿ'aⁿ ndaayâ:

—C'om'yo' na tjaa ñomtiuu.

²⁷ Mañoom' matsoom nnom Tomás:

—Caty'iom' nnomts'^{qo}_o ts'om ts'^{qo}_oya, ndo' canty'ia' l'^{qo}_oya. Ndo' cwjaa'ndyu' jnda'ts'^{qo}_o tsei'ntsqueeaya. Tantsa' na tiñe'catseiyu'!

²⁸ T'o Tomás nnoom, tso:

—Jeeⁿ 'u Ta, 'u cwiluiindyu' Ty'^{oots'}omya ndo' nquii na mats_a'ntjom ja.

²⁹ Matso Jesús nnoom:

—'U Tomás, cwe' na je' jnd_a nty'ia'njom' ja, jo' na matsei'y_u'. Matio'naaⁿñê Ty'^{oots'}om nn'aⁿ na cwila'y_u' ñ'eⁿndy_o meiiⁿ tyoonty'iaanda_ana ja.

Jndaa' ts'iaaⁿ na teiljeii librowaañe

³⁰ Jâ nn'aⁿ na t'maⁿ Jesús na calajomndy_o ñ'eⁿñê jnd_oo'nd_aayâ na jndye nt'omcheⁿ ts'iaaⁿ s'aanⁿ na tixocaluii na cwe' meiⁿquia ts'aⁿ nnts'aa. Joona' tîcwiljeii nacjoo' librowaa. ³¹ S_aq_a nmeiiⁿ matseiljeiya cha na calayu'yo' na juu Jesús cwiluiiñê Cristo, ndo' Jnd_a Ty'^{oots'}om. Matseiljeiya nmeiiⁿ cha cantyja na cwilayu'yo' ñ'eⁿñê nnto'ñoom'yo' na tican^tcywii na cwitando'yo'.

21

Teitquioo'ñe Jesús ndaa ntquiee'ndyô jâ

¹ Jndä tuii nmei^{n!}, Jesús seica'moⁿñennaa^{n!}aⁿ ndaqâ jâ nn'aⁿ na cwilajomndyô ñ'eⁿñê. S'aan na ljo' yocheⁿ na m'aanyâ xndyaa' ndaaluee Tiberias. Luaa waa na seica'moⁿñê ndaqayâ.
² Ñe'naa^{n!} m'aaⁿ Simón Pedro ñequio Tomás tsaⁿ na cwil'uuyâ catyeⁿntquiee, ñequio Natanael na jnaⁿ Caná ts'ondaa Galilea, ñequio wendyô jâ ntseinda Zebedeo ñequio nt'omchen nc'iaayâ na t'maⁿ Jesú^s na cala'jomndyô ñ'eⁿñê. ³ Tso Simón Pedro ndaqayâ:

Jocwjii'a catscaa.

L'uuyâ nnoom:

—Cwitsaayâ ñ'eⁿndyu'.

Quia jo' saayâ, tuooyâ ts'om w'aandaa. Saq juu tsjom'ñeeⁿ meincwii catscaa tîcatjeii'â. ⁴ Ndo' jndä wjaawixuee, quia jo' tyjee'cañoom Jesú^s jâ. Meintyjee^{n!}eⁿ'ndyoo ndaaluee, saq tîcalal'noq^{n!}â na manqueⁿ jo!. ⁵ Quia jo' tax'eeñê ndaqayâ:

—'O tyjanoⁿ, ¿aa jndä tjei'yo' calcaa?

T'ooyâ nnoom:

—Tjaan'aⁿ.

⁶ Matsoom ndaqayâ:

—Catue'yo' tsqui' 'na^{n!}yo' ntyjaal w'aandaa ntyjaya, quia ljo'cheⁿ nliu'yo' calcaa.

Ndo' tuqa^{n!}â juuna' jo' jo', jndä jo' tileicandaⁿ nntjeii'â juuna' cwe' ee jeeⁿcheⁿ ndya' jndye calcaa chuuna'. ⁷ Quia jo' ja na jeeⁿ wi' ts'om Jesú^s, tsjooⁿya nnom Pedro:

—Juu Ta Jesú^s luua!.

Quia jñeeⁿ na ljo' tsjoo, tcweeⁿ liaa maseta, ee jndä tjeiiⁿ'en juuna' na mach'een ts'iaaⁿ. Jndä jo' tju'ñê ts'om ndaaluee, mana tueⁿ'eⁿ tyuaatcwii.
 8 Ndo' nt'omndyô jâ tquiontyjooyâ cha'na wen'aaⁿ nchoo' nqui nc'aa ñ'eⁿ w'aandaa chjoo, chii squiaayâ tyuaatcwii. Ndo' saantyjaandyô tsqui' na too' ñjom calcaa. 9 Quia na jndä squiaayâ tyuaatcwii, nty'iaayâ ñoom na cwico, ndo' ljo catscaa ñ'eⁿ tyoo' cjoo ñoom'ñeeⁿ, cwineiiⁿna'.
 10 Matso Jesús ndaqayâ:

—Quiocho'yo' nt'om calcaa na jndä tjei'yo' je'.

11 Quia jo' tuo Simón Pedro ts'om w'aandaa chjoo. Jndyoñ'oom tsqui' tyuaatcwii na too'na' ñjom calcaa nt'maⁿ. Tue'ntyjô jooyoo' cwii siaⁿnto waljoo' wen'aaⁿ nchoo' nqui nchoo' ndyeeyo'. Ndo' meiiⁿ na jeeⁿ ndya' jndye calcaa'ñeeⁿ, saa tîcaty'ioo' tsqui'. 12 Matso Jesús ndaqayâ:

—Quio'yo' nlcwa'yo'.

Saa meiⁿcwiindyô jâ na cwilajomndyô ñ'eⁿñê, tic'oom na t'maⁿ ts'om na nncwax'ee nnoom, ¿'Ñeeⁿ 'u? Ee manquiuuyaayâ na manquii Ta Jesús jo'. 13 Quia jo' seicandyoo'ñe Jesús nacañoomyâ. To'ñoom tyoo' ñ'eⁿ catscaa. Tquiaaⁿ joona' ndaqayâ.

14 Cantyjati na tquiaa Ty'qots'om na tando'xcoom na tueeⁿ'eⁿ, luala' jndä ndyee ndii' na seica'moⁿñê ndaq jâ na cwilajomndyô ñ'eⁿñê ts'iaaⁿ na mach'eeⁿ.

Ñ'oom na sa'ntjom Jesús Simón Pedro

15 Ndo' quia na jndä tcwaa'â tax'ee Jesús 'ndyoo Simón Pedro. Tsoom:

—'U Simón jnda Jonás, ¿aa ja jndati ntyji' nchiiti ts'iaaⁿmeiⁿ na mache'?

T'ooⁿ, matsoom:

—Mayuu' Ta, ntyji' na 'u wi' ts'ooⁿya.

Matso Jesús nnoom ñ'oom na wjaañoom':

—Quiaa' na nlcwa' canmaⁿ nch'u cwentaya.

¹⁶ Jndä we ndii' tax'eennaa^{n'a} nnom Pedro:

—'U Simón, jnda Jonás, ¿aa mayuu' na jndati
ntyji' ja?

T'o Pedro:

—Mayuu' Ta, ntyji' na wi' ts'ooⁿya 'u.

Tsonnda' Jesús ñ'oom na wjaañoom':

—Cateixe' canmaⁿ cwentaya.

¹⁷ Na jndä ndyee ndii' tax'eeñé nnom Pedro.

Tsoom:

—'U Simón, jnda Jonás, ¿aa wi' ts'om' ja?

Seichjoo'na' ts'om Pedro na jndä ndyee ndii'
mawax'eeñé Jesús: “¿Aa wi' ts'om' ja?” Quia jo'
t'ooⁿ, tsoom:

—Ta, cha'tso matsei'noⁿ. Ndo'
manty'ia'nchaa'ndyu' na wi' ts'ooⁿya 'u.

Matso Jesús nnoom:

—Cateixe' canmaⁿ cwentaya. ¹⁸ Ñ'oom na
mayuu'cheⁿ matseicandiyya 'u. Quia ñet'oom'
na xcwe ts'aⁿndyu', seijndaa'ndyu' na nntsa'
mei'ljo'cheⁿ na l'ue ts'om', ndo' tjaa 'ñeeⁿ juu na
nntseitsaaⁿñe 'u yuu na ñe'cja'. Saa quia na
jndä teinc'uaa'ndyu' nntseiliuu' l'o' ndo' nntse-
ityeⁿ cwiicheⁿ ts'aⁿ 'u na nncjaañ'oom 'u yuu na
tiñe'cja'.

¹⁹ Lüaa' ñ'oom na tso Jesús na ma'moqⁿ ljo' cwii
nnom na nnts'aana' na nncue' Pedro, na cantyja
'naaⁿ jo' nntseit'maaⁿñena' Ty'oots'om. Quia na
jndä seineiiⁿ ñ'oommeiⁿ', matsoom:

—'U candyo'ntyjo' naxaⁿa.

Ñ'oom na seineiⁿ Jesús cantyja 'naaⁿ' Juan

²⁰ Teiqueⁿ Pedro ndo' nty'iaan'aⁿ na jontyjo ja na candya' ts'om Jesús ja, ndo' maja na seintyjondyo jo ndo' jñaaⁿ quia na tcwaa'â teijaaⁿ'ñeeⁿ ñ'eⁿñê juu xjeⁿ na tax'aya 'ñom: “Ta, ¿ñeeⁿ juu ts'aⁿ na nñequiaa cwenta 'u?” ²¹ Ndo' quia nty'iaa' Pedro na jontyjo, tax'eeñê 'ndyoo Jesús. Tsoom:

—Ta, ndo' tsaⁿm'aaⁿ je', ¿ljo' cwii nnom na nntjoom?

²² T'o Jesús nnoom:

—Xeⁿ l'ue ts'ooⁿ na ñec'oom hasta quia nndyoⁿnda'a, ¿ljo' mach'eena' 'u? 'U candyo'ntyjo' naxaⁿa.

²³ Quia jo' t'om ñ'oom quii'ntaaⁿ nn'aⁿ na cwila'yu' na tso Jesús na xoc'ioya. Saä nchii matsoom na xoc'iyo. Tomti tsoom: “Xeⁿ l'ue ts'ooⁿ na ñec'oom hasta quia nndyoⁿnda'a, ¿ljo' mach'eena' 'u, Pedro?”

²⁴ Maja luua jo'. Maja matseiljeiya ñ'oommeiⁿ. Ndo' joo ñ'oom na macwji'yuu'ndyo, ñ'oom na mayuu' jo', nchii cwe' na maquiu'nn'aⁿya.

²⁵ Ndo' jndye nt'omcheⁿ ts'iaaⁿ maniom na s'aa Jesús. M'aaⁿ ts'ooⁿ xeⁿ nleiljeii cwii ndo' cwii joona', mach'eena' ntyjii na xocwijndeii tsjoom-nancue libros na nluii na nleiljeii joo jo'. Mantyjati luua'ndyo.

**Ñ'oom xco na tqueⁿ ty'oots'om cantxja 'naa'
Jesucristo
New Testament in Amuzgo, Guerrero
(MX:amu:Amuzgo, Guerrero)**

copyright © 1999 Wycliffe Bible Translators, Inc.

Language: Amuzgo, Guerrero

Translation by: Wycliffe Bible Translators, Inc.

Amuzgo, Guerrero

amu

Mexico

Copyright Information

© 1999, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Amuzgo, Guerrero

© 1999, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.
Pictures included with Scriptures and other documents on this site are
licensed just for use with those Scriptures and documents. For other uses,
please contact the respective copyright owners.

2014-04-21

PDF generated using Haiola and XeLaTeX on 11 Nov 2022 from source files
dated 29 Jan 2022
f19bf10d-b9f4-54f8-aa78-06ee36e6a7cd